

Ka Gospel Kat Kum U Lukas

U Lukas U Thoh Shaphang Ka Jingim U Jisu

1 ¹Ha u Theophilos badonburom eh: Shibun kiwei ki la pyrshang ban thoh shaphang kiei kiei kiba la jia hapteng jong ngi khngang ban pyndep janai ia ka jingthmu U Blei. ²Kaei kaba ki la thoh ka iamir bad kata baroh kaba ngi la tip na ki briew kiba la iohi naduh kaba sdang ia kita ki jingjia baroh. Ki da shakri ruh ia U Blei da kaba ialap ruh ia ka khubor jong u sha ki briew. ³Nga la pule bniah bha naduh kaba sdang. Te kumta nga la rai ban thoh ia ki na ka bynta jong me ha ka rukom kaba ryntih bha. ⁴Nga la leh ia kane khngang ba men sngewskhem ba kaei kaba me la ioh jinghikai ka long kaba shisha.

U Sakharaia Bad Ka Elisabet

⁵Mynba u Herod u dang synshar ha Judia, la don u lyngdoh uba kyrteng u Sakharaia. U la long na ka kynhun u Abia. Ka tnga jong u ka long na ka longiing u Aaron. Ka kyrteng jong ka, ka dei ka Elisabet. ⁶U Sakharaia bad ka Elisabet ki la long ki briew kiba hok bad kiba pynsngewbha ia U Blei. Ki pyndep lut ia kata baroh kaba U Trai u hukum ia ki, da kaba bud janai ia ki jinghikai jong u. ⁷Hynrei kim shym la don khun. Ka Elisabet ka long kaba lyngki bad nalor kata baroh ar ngut ki la nang tymmen.

⁸Te u Sakharaia u la shakri kum u lyngdoh hakhmat U Blei. Ka la dei ka pali jong u ha ka kynhun ban shakri. ⁹Ki lyngdoh borabor ki ju wad ia uwei u lyngdoh ban ai ia ka jinganguh thang ba iwbih bad ha kane ka por la jied ia u Sakharaia. Te u la leit shapoh sha ka Templ U Trai ban ai ia ka jinganguh thang ba iwbih. ¹⁰La don te u paitlang uba duwai shabar ha kata ka por ba la pynlong ia ka jinganguh thang ba iwbih.

¹¹Te ha ka liang kamon jong ka miej buh jingiwbih, u angel U Trai u la wan bad ieng hakhmat u Sakharaia. ¹²Haba u la iohi ia u angel te u la sngewkhuslai bad sheptieng shikatdei eh. ¹³Hynrei u angel u la ong ia u, "Sakharaia, wat sheptieng. Ia ki jingduwai jong me la iohsngew da U Blei. Ka tnga jong me ka Elisabet kan sa kha khun shynrang bad men pynkyrteng ia u, u Ioannis. ¹⁴Men

long uba kmen bad ki babun kin ia kmen lem bad me ha ka jingka ia u. ¹⁵Un long u briew uba khraw na ka bynta U Trai. Un ym dih ia ka waiñ lane ia ka kyriad. Naduh ka kpoh ka kmie jong u, un long uba la pyndap da U Mynsiem Bakhuid.

¹⁶"Un iarap ia kiba bun na ki Israel ban pynphai pat sha U Trai U Blei jong ki. ¹⁷Un leit ha shuwa ia U Trai ban pynkhreh ia ka lynti na ka bynta ka jingwan jong u. Un long uba donbor bad uba kajuh ka mynsiem kum u Elijah. Un wanrah ka jingpyniasuk hapteng u kpa bad la ki khun bad ia kita ki bym kohnguh ia U Blei ba kin kylla bad pyrkhath ia kaei kaba ki dei ban leh."

¹⁸Te u Sakharaia u la ong ia uta u angel, "Da kumno ngan tip ba kaei kaba me ong ka long kaba shisha? Nga la tymmen bad ka tnga jong ngan ruh ka lah tymmen."

¹⁹U angel u la jubab ia u, "Nga dei u Gabriel, uta uba ju ieng hakhmat jong U Blei. U la phah ia nga ban iakren bad me bad ban iathuh ruh ha me ia kane ka khubor babha. ²⁰Mynta to shahshkor! Men ym lah ban kren tad haduh kata ka sngi ha kaba kine kiei kiei kin jia long namar ba mem shym la ngeit ia kaei kaba nga la iathuh sha me. Hynrei kiei kiei baroh kiba nga la kren da shisha yn pyndep."

²¹U paitlang uba don shabar u la ia ap ia u Sakharaia bad ki da lyngngoh ba u shong slem katta katta ha ka jaka kyntang. ²²Te haba u Sakharaia u la mih shabar, um shym la lait kren shuh bad u la shu pyni da ki dak ia ki. Kumta kita ki briew ki la sngewthuh ba u la iohi ia ka jingithuhpaw hapoh hangta. ²³Haba ki sngi ka jingshakri jong u ka la wai, u la leit phai pat sha la iing.

²⁴Ym slem hadien kata, ka Elisabet, ka tnga jong u Sakharaia ka la punkhun. Kumta kam shym la mih shuh na la ka iing jin haduh san bnai. Naba ka la ong, ²⁵"Khmih ia kaei kaba U Trai u la leh ha nga! U la iarap ia nga. Mynta ki briew kin sangeh noh na kaba pyrkhath sniew shaphang jong nga."

Ka Mari Ka Theisotti

²⁶⁻²⁷Mynba ka Elisabet ka la dap hynriew bnai ha ka jingpunkhun jong ka, U Blei u la phah ia u angel Gabriel sha ka theisotti

kaba ha Nasaret kaba kyrnteng ka Mari na ka shnong rit kaba ha Galilaia. Ka Mari ka la dep iateh ktien bad u briew uba kyrnteng u Joseph na ka iing u Dabid.²⁸U angel u la wan sha ka bad u la ong, “Khublei! U Trai u long lem bad pha naba pha long kaba kyrpang kaba la ioh ia ka jingaiei bakhraw na U Blei.”

²⁹Ka Mari te ka la sngewshaing shaphang kata baroh kaba u angel u la ong. Ka la lyngngoh, “Ka mut aiu kane ka jingkhublei?”

³⁰Te u angel u la ong ia ka, “Wat sheptieng, Mari, namar U Blei u la sngewbha eh bad pha. ³¹To shahshkor! Phan sa punkhun bad phan kha ia u khun shynrang. Phan pynkyrteng ia u, U Jisu. ³²Un long uba khraw. Ki briew kin khot ia u, U Khun jong U Blei bahakhlieh tam eh bad U Trai U Blei un pynlong syiem ia u ha ka khet u Dabid u kpa tymmen jong u. ³³Un synshar halor ki briew u Jakob junom la junom; ka hima jong u ruh kan ym kut shuh.”

³⁴Ka Mari ka la ong ia u angel, “Kumno kane ka lah ban long? Nga dang long kaba sotti.”

³⁵U angel u la ong ia ka Mari, “U Mynsiem Bakhuid un wan ha pha bad ka bor U Blei bahakhlieh tam eh kan long halor jong pha. Ita i khunlung in long iba khuid bad yn khot U Khun jong U Blei ia i. ³⁶To tip ruh ia kane: Ka Elisabet kaba long ka kur jong pha, ka la punkhun ha ki sngi ka jinglong tymmen jong ka. Kata ia kaba ki khot kaba lyngki ka la punkhun mynta la hynriew bnai bad kan kha ia u khun shynrang. ³⁷Namar ka ktien kaba wan na U Blei kan ym long khlem ka bor!”

³⁸Ka Mari ka la ong, “Nga long ka shakri U Trai. Ai kan long ha nga katba kum ka ktien jong me.” Hadien kata uta u angel u la leit noh.

Ka Mari Ka Leit Jngoh Ia U Sakharaia Bad Ia Ka Elisabet

³⁹Ka Mari ka la ieng joit bad leit bran bran sha ka shnong kaba ha ki ri lum Juda.

⁴⁰Ka la leit sha ka iing jong u Sakharaia ia ka ban khublei ia ka Elisabet. ⁴¹Haba ka Elisabet ka la iohsngew ia ka jingkhublei ka Mari, ita i khunlung hapoh ka kpoh jong ka i la khhah bad la pyndap ia ka da U Mynsiem Bakhuid.

⁴²Ha ka sur kaba jam ka la ong ia ka Mari, “U Blei u la kyrkhu ia pha bun shah ban ia kiwei pat ki kynthei. Bad U Blei u la kyrkhu ia i khunlung iba phan sa kha. ⁴³Pha long ka kmie jong U Trai jong nga bad pha la wan

sha nga! Balei ba kata kaba bha ka la wan jia ha nga?⁴⁴Haba nga la iohsngew ia ka sur jong pha, i khunlung ha ka kpoh jong nga i la khhah da ka jingkmien. ⁴⁵Ki jingkyrkhu bakhraw ki long ki jong pha naba pha la ngeit ia kaei kaba U Trai u la kren sha pha! Pha la ngeit ruh ba kane kan jia.”

Ka Mari Ka Iaroh Ia U Blei

⁴⁶Te ka Mari ka la ong,

“Nga iaroh ia U Trai da la ka dohnud baroh.

⁴⁷ Nga shadkmien namar U Blei u long U Nongpynim jong nga.

⁴⁸ Ngam long kaba donnam, hynrei u la khmih ia nga, ka shakri barit jong u.

Naduh mynta haduh kaba kut ki ia, ki briew kin khot ia nga kaba la kyrkhu da U Blei.

⁴⁹ Hooiid, U Badonbor tam u la leh ia ki jingphylla ba khraw ha nga. Ka kyrnteng jong u ka long kaba khuid.

⁵⁰ U ai ka jingisynei man ki por sha kita kiba mane ia u.

⁵¹ U la kner ia la ka kti bad pynpaw ia la ka bor.

U pynsaphred ia kita kiba sarong bad ia kita kiba pyrkhath khraw shaphang ialade.

⁵² U pynhiar ia ki nongsynshar na la ka khet

bad u kyntiew ia kiba sngewrit.

⁵³ U pyndap ia kiba thngan da kiei kiei kiba bha, hynrei u pah noh suda ia kiba riewspah.

⁵⁴ U Blei u la iarap ia ki Israel—ki briew kiba u la jied ban shakri ia u.

Um shym la klet ia la ka kular ban theh sha ngi ia la ka jingisynei.

⁵⁵ U la leh ia kata kaba u la kular sha ki kpa tymmen jong ngi, sha u Abraham bad sha ki khun jong u junom.”

⁵⁶Ka Mari te ka la sah bad ka Elisabet kumba lai bnai bad hadien kata ka la leit pat sha la iing.

Ka Jingkha Ia U Iöannis

⁵⁷Haba ka Elisabet ka la dap bnai pura, te ka la kha ia u khun shynrang. ⁵⁸Ki para marjan bad ki bahaiing ki la iohsngew ba U Trai u la leh bha ia ka, ki la sngewkmien na ka bynta jong ka.

⁵⁹Haba uta u khunlung u la long phra sngi ka rta, ki la wan ia ka ban otsher ia u. Ki la kwah ruh ban pynkyrteng ia u, u Sakharaia namar ba kata ka dei ka kyrteng jong u kpa jong u. ⁶⁰Hynrei ka kmie ka la ong, “Em ym kumta, yn kyrteng ia u, u Yoannis.”

⁶¹Kita ki briedu ki la ong ia ka Elisabet, “Ym don mano mano ha ka longieng jong pha kiba don ia kata ka kyrteng.” ⁶²Te ki la kylli da kaba pyni dak ia u kpa jong u, “Kaei ka kyrteng kaba u kwah?”

⁶³U Sakharaia te u la pan ha kaba u lah ban thoh. Kumta u la thoh, “Ka Kyrteng jong u kan long u Yoannis.” Baroh te ki la sngewphylla. ⁶⁴Kumne kumne ruh hadien kata u Sakharaia u la lah pat ia ka ban kren bad u la sdang ban iaroh bad ainguh ia U Blei. ⁶⁵Baroh te ki para marjan ki la sheptieng. Te ki briedu ha baroh kita ki ri lum ka Judia ki la iai iakren sah shaphang kine kiei kiei. ⁶⁶Baroh ruh kiba la iohsngew shaphang kine kiei kiei ki la sngewphylla. Ki la ia pyrkat, “Uba kumno une u khylung un long?” Te ka kti U Trai ka la long lem bad u.

U Sakharaia U La Iaroh Ia U Blei

⁶⁷Te la pyndap ia u Sakharaia, u kpa jong u Yoannis da U Mysiem Bakhuid bad u la iathuhlypa:

- ⁶⁸ “Iaroh ia U Trai U Blei jong ki Israel.
U la wan ban iarap ia la ki briedu
bad u la ai ha ki ia ka jingsiewspah.
⁶⁹ U la ai ha ngi ia U Nongpynim
bakhraw bor
na ka iing u Dabid u shakri jong u.
⁷⁰ Kane ka long kaba u la kular
lyngba ki nongiathuhlypa bakhuid
jong u, naduh mynbarim.
⁷¹ Un pynim ia ngi na ki nongshun jong
ngi
bad na ka bor kita baroh kiba shun
ia ngi.
⁷² U Blei u la ong ba un pynpaw ia la ka
jingsisynei sha ki kpa jong ngi,
bad u la kynmaw ia la ka jutang
khuid jong u.
⁷³ Kane ka long kata ka kular kaba u la
pynlong bad u kpa jong ngi u
Abraham,
⁷⁴ ka kular ban pylait ia ngi na ka bor ki
nongshun jong ngi,
ba kumta ngin lah ban shakri ia u
khlem jingsheptieng
⁷⁵ ha ka rukom kaba khuid bad bahok
hakhmat jong u katba ngi dang
im.

- ⁷⁶ “mynta ia me, ko khun, yn khot
u nongiathuhlypa U Blei
bahakhlieh tam eh.
Men iaia da shuwa U Trai ban
pynkhreh ka lynti ia u.
⁷⁷ Men pynlong ia ki briedu ban
shemphang shaphang ka
jingsiewspah ia ki
da ka jingioh mab noh ia ki pop.

- ⁷⁸ “Da ka jingsisynei bajem U Blei jong ngi,
ka sngi ba thymmai kan paw ha ngi.
⁷⁹ Kan pynshai ia kita kiba shong ha
ka jingdum, ba la khum da ka
jingsheptieng ka jingiap.
Kan ialam lynti ia ngi sha ka lynti
ka jingsuk.”

⁸⁰U Yoannis te u la nang san bad nang khlaiñ ha ka mysiem bad u la san ha ri khlaw haduh kata ka por ba u la mih ban iathuh ha u paitlang Israel ia ka khubor U Blei.

Ka Jingkha Ia U Jisu Khrist

(Mt. 1:18–25)

2 ¹Ka la jia te ha kata ka por ba u Kaisar Agostos u la pynmih ia ka hukum sha baroh ki briedu hapoh ka jingsynshar jong ka sorkar Rom ba yn shim jingkheñ khana samari ia ki. ²Kane ka la long ka khana samari kaba nyngkong mynba u Kyrinios u la long u Lat jong ka Syria. ³Te uwei-pa- uwei baroh ki la leit phai sha la shnong trai ia ka ban ai kyrteng.

⁴Kumta u Joseph u la mih noh na Nasaret, ka shnong rit ha Galilaia bad u la leit phai sha la shnong sha Bethlehem ka Judia. U Joseph u la leit shata namar u la long na ka longiing u Dabid. ⁵U Joseph u la pynrung kyrteng lang ia ka Mari namar ba ka lah dep iateh ktien bad u, kaba mynta ka la pun khun. ⁶Katba ki dang don hangta, ka la dei artad ka por ba ka Mari ka la dap bnai pura. ⁷Te ka la kha ia u khun nyngkong jong ka. Ka la sop bha ia u bad ka la pynthiah ia u ha ka shyngoid ba la ju ai bam ia ki mrad, namar ba ym don jaka shuh ia ka ha iing basa.

Ki Angel Ki Wallam Khubor Sha Ki Nongap Langbrot

⁸Ha kata ka miet, la don ki nongaplangbrot kiba ap sharai ia la ki langbrot ha ki madan lum. ⁹U angel U Trai u la paw ha ki bad ka burom U Trai ka la tyngshaiñ sawdong ia ki. Kita ki nongaplangbrot ki la sheptieng shikatdei eh. ¹⁰U angel te u la ong ha ki,

“To wat sheptieng. Nga wallam ia ka khubor babha sha phi—ka khubor ka ban pynshad kmen ia baroh. ¹¹Ha kane ka sngi la kha ia U Nongpynim ha ka shnong u Dabid. U long U Mesaijah, uba U Trai. ¹²Kumne phin ithuh ia u: Phin shem ia u khunlung ba la sop ha ki jaiñ bad ba u da thiah ha ka shyngoid.”

¹³Hadien kane la paw u paidbah angel ha bneng lem bad uta u angel, ki la iaroh ia U Blei ki da ong,

¹⁴“Iaroh ia U Blei ha ki bneng,
bad ha ka pyrthei, to ai kan long
ka jingsuk sha ki brieve kiba u
sngewbha eh.”

¹⁵Te ki angel ki la leit phai pat sha bneng. Kita ki nongaplangbrot ki la iakren para ma ki, “Ia ngin ialeit sha Bethlehem bad ban iohi ia kane ka jingjia kaba khraw kaba U Trai u la iathuh ha ngi.”

¹⁶Kumta ki la leit kyrkieh bad ki la shem ia ka Mari, ia u Joseph bad ia uta u khunlung ba la pynthiah ha ka shyngoid. ¹⁷Haba ki la iohi ia uta u khunlung, ki la iathuh ia kata baroh ba la ong da uta u angel. ¹⁸Baroh te ki la sngewphylla haba ki la iohsngew ia kaei ba la iathuh da kita ki nongaplangbrot. ¹⁹Ka Mari te ka la iai puson ia kine kiei kiei, ka da pyrshang ban sngewthuh ia ki. ²⁰Kita ki nongaplangbrot ki la leit phai noh, ki da iaroh ia U Blei bad ainguh ruh ia u namar kata kaba ki la iohi bad iohsngew. Ka la long thik kumba u angel u la iathuh ia ki.

²¹Haba uta u khunlung u la dap phra sngi, la otsher ia u bad la pynkyrteng ia u, U Jisu. Kane ka long ka kyrteng ba la ai da u angel ha shuwa ba kan pun ia u.

La Leit Rah Ia U Jisu Ha Ka Templ

²²Ka por ka la poi ia ka Mari bad ia u Joseph ban pyndep ia kata kaba la hukum da u Moses shaphang ka jingpynkhuid. Te ki la wallam ia U Jisu sha Jerusalem khnang ban pynkyntang ia u sha U Trai. ²³La thoh ha ka hukum U Trai: “Haba i khun nyngkong jong ka brieve i dei u shynrang, yn khot ia u ‘uba kyrpang sha U Trai.’” ²⁴Ka hukum U Trai ka ong ruh ba ki dei ban ai ka jingknia: “Phin knia te ar tylli ki paro lane ar tylli ki lyngdkhur.” Kumta u Joseph bad ka Mari ki la leit sha Jerusalem ia kaban leh ia kane.

U Simeon U Iohi Ia U Jisu

²⁵La don u brieve uba kyrteng u Simeon uba la im ha Jerusalem. U la long u brieve uba hok bad ba riewblei. U la iai ap kyrmen ia

kata ka jingpynim jong U Blei ia u Israel. Te U Mynsiem Bakhuid u la don ha u. ²⁶U Mynsiem Bakhuid u la iathuh ia u ba un ym iap tad yndu u iohi ia U Mesaijah jong U Trai. ²⁷U Mynsiem u la ialam ia u Simeon sha ka Templ. Kumta u la don hangta mynba ka Mari bad u Joseph ki la wallam ia u khunlung Jisu ban pyndep ia kata baroh ba la dawa da ka hukum. ²⁸U Simeon u la shim ia uta u khunlung ha la ki kti bad u la ainguh ia U Blei u la ong,

²⁹“Mynta, Ah Trai, men pyllait noh ia la u shakri ha kaba suk kumba me la ong.

³⁰Naba nga la iohi da la ki jong ki khmat ia ka jingpynim jong me.

³¹Ia kaba me la pynkhreh na ka bynta baroh ki bynriew ba kin iohi ia ka.

³²Khngang ba kan long ka jingshai ia ki Jentil bad ka burom sha ki brieve jong me ki Israel.”

³³U kpa bad ka kmie U Jisu ki la sngewlyn ngoh ia kata baroh ba la kren da u Simeon shaphang jong u. ³⁴Te hadien kane u Simeon u la kyrkhu ia ki bad u la ong ia ka Mari, “To tip ia kane ba shibun kin ieng bad shibun ruh kin kyllon ha Israel namar une u khynnah. Un long ka dak na U Blei ha kaba kiba bun ruh kin kyntait. ³⁵Te kumta ia ki jingpyrkhat barieh jong kiba bun yn pynpaw bad kita kiei kiei ki ban sa jia kin long kiba pangnud ha pha—kum ka waitlam kaba dung ia u klongsnam jong pha.”

Ka Jingphla Jong Ka Anna

³⁶Ka Anna, ka nongiathuhlypa kaba long ka khun u Phanuel na ka jait Asher ka la don ha kata ka Templ. Ka la shong bad la u kurim hynñiew snem ha shuwa ba un iap bad iehnoh ia ka weibriew. Ka la tymmen bha. ³⁷Ka la sah riewkynthi jin phraphew saw snem. Ka la ju sah ha ka Templ bad kam ju mih ruh nangta. Ka da mane ia U Blei da ka jingsshah jingit bad jingduwai mynsngi bad mynmiet.

³⁸Ka Anna ka la don hangta mynba u Joseph bad ka Mari ki la wan sha ka Templ. Ka la iaroh ia U Blei bad ka la kren shaphang U Jisu sha kita baroh kiba ap kyrmen ia ka jingpynim U Blei ia ki Israel.

U Joseph Bad Ka Mari Ki Wan Phai Sha Nasaret

³⁹Ynda ki la lah pyndep ia kata baroh kaba ka hukum U Trai ka dawa, u Joseph bad ka Mari ki la wan phai pat sha Galilaia sha ka shnong jong ki ha Nasaret. ⁴⁰Uta u khynnah

Jisu u la nang san ha ka rymnieng, uba dap da ka jingstad bad ka jingaiei ka jong U Blei ka la don ha u.

U Khynnah Jisu

⁴¹Man la ka snem ki kmie ki kpa U Jisu ki ju leit sha Jerusalem na ka bynta ka jingkhawai Niam ka Jinglait. ⁴²Haba U Jisu u la dap khatar snem ka rta, ki la leit sha Jerusalem na ka bynta ka jingkhawai niam kumba ju long. ⁴³Haba ka jingkhawai niam ka la kut, ki la leit phai sha la iing, hynrei U Jisu u la nangsang ha Jerusalem. Pynban ka kmie bad u kpa jong u kim shym tip ia kane. ⁴⁴Ki la nang iaid baroh shisngi da kaba pyrkhath ba U Jisu u la don lem bad ki ha ka kynhun. Ki la sdang ban wad ia u hapdeng la ki ba hailing bad ki paralok ba iajan, ⁴⁵hynrei kim shym la shem ia u. Kumta ki la leit phai pat sha Jerusalem ban wad ia u hangta.

⁴⁶Hadien lai sngi ki shem ia U Jisu ba u da shong ha ka Tempel lem bad ki nonghikai niam, u da shahshkor bad kylli jingkylli ruh ia ki. ⁴⁷Baroh kiba iohsngew ia u ki la sngewphylla ia ka jingshemphang bad ia ki jubab ba stad jong u. ⁴⁸Haba ka kmie bad u kpa ki la iohi ia u, ki la sngewlyngngoh kumno kane lah ban long. Ka kmie jong u ka la ong, "Khun, balei me leh kumne ia ngi? Ma nga bad u kpa jong me ngi la khuslai shaphang jong me. Ngi la iai wad kylleng ia me."

⁴⁹U Jisu u la ong ia ki, "Balei ba phi ia wad ia nga? Hato phim tip ba ka dei ia nga ban bunkam ha ka kam U Kpa jong nga?" ⁵⁰Hynrei ki, kim shym la sngewthuh ia ka jingmut jong kata kaei kaba u la ong sha ki.

⁵¹Te U Jisu u la wan phai lang noh bad ki sha Nasaret bad u la iai kohnguh ia ki. Ka kmie jong u te ka la iai pyrkhath shaphang kita kiei kiei baroh. ⁵²Te U Jisu u la nangsang ha ka rymnieng, u la nangsang ruh ha ka jingstad. Ka jingshem sngewbha U Blei ka la long halor jong u bad kumjuh ka jingsngewtynnad na ki brieve kiba ithuh ia u.

Ka Jingialap U Ioannis

(Mt. 3:1-12; Mk. 1:1-8; Jo. 1:19-28)

3 ¹Ka la long te ha ka snem kaba khatsan jong ka jingsynshar u Tiberios Kaisar, kine ki brieve ki la synshar hapoh jong u:

U Pontius Pilat, u lat ka Judia;
U Herod, u tetrark^a ha Galilaia;

U Philip, u para jong u Herod, u tetrark
ka Ituraia bad ka Trakhonitis;
U Lusania, u tetrark ka Abilini.

²U Annanias bad u Kaiaphas ki la long ki rangbah lyngdoh. Ha kata ka por, u Ioannis, u khun jong u Sakharai, u la im ha ka ri khlaw bad u la iohpdiang ruh ia ka khubor na U Blei. ³Kumta u la leit kylleng kita ki phang sawdong ka wah Jordan ban ialap sha ki ba kin iohpdiang ia ka jingmab ia ki pop lyngba ka jingkylla kaba mut bad ba yn ioh pynbaptis ia ki. ⁴Kane ka la long kumba la thoh ha ka kitab u Isaiah u nongiathuhllypa:

"La don uwei uba pyrta ha ka ri khlaw:
'Pynkhreh ka lynti ia U Trai.

Pynlong ki lynti kiba beit na ka bynta jong u.

⁵Yn pyndap ia ki them,
bad yn pynmadan ia ki lumbah bad ki lumrit.

Yn pynbeit ruh ia ki lynti kiba kyllaiñ,
yn pynjih ia kiba khohruh khohram.

⁶Te baroh kin iohi kumno
U Blei u pynim ia la ki brieve!"

Isaiah 40:3-5

⁷Te u paidbah ba bun u la wan ban shah pynbaptis ha u Ioannis. Hynrei u la ong ia ki, "Phi baroh phi long ki khun ki ksiew ki bseiñ! Mano ba la maham ia phi ban phet noh na ka jingbishar jong U Blei ka ban sa want? ⁸To kylla kaba mut! Bad to pyni da ka rukom im ba phi la kylla. Nga tip ia kaei kaba phi ia pyrkhath bad ong halade, 'u Abraham u long u kpa jong ngi!' Kata kam don jingmut ei ei ruh em. Nga iathuh ha phi ba U Blei u lah ban pynlong khun na ka bynta u Abraham na kine ki maw! ⁹Mynta la pynkhreh ia u sdie ban khet noh ia u dieng. Baroh u dieng u bym pynmih ia u soh uba bha yn khet noh bad yn bret noh ruh sha ka ding." ¹⁰Te ki la kylli ia u Ioannis, "Kaei kaba ngi dei ban leh?"

¹¹U la jubab, "Lada phi don ar tylli ki sopti, ai noh kawei sha uta u bym don. Lada phi don jingbam, ia bynta ia kata ruh."

¹²Wat ki nonglum khajna ruh ki la wan sha u Ioannis, ki da kwah ba yn pynbaptis ia ki. Ki la ong ia u, "Ko Nonghikai, kaei kaba ngi dei ban leh?"

¹³U la iathuh ia ki, "Wat shim khajna na ki brieve palat na kata ba la hukum ia phi."

¹⁴Ki shipai ruh ki la ia kylli ia u, "Kumno shaphang jong ngi? Kaei kaba ngi dei ban leh?"

U la ong ia ki, "Wat leh jubor lymne shukor ia ka ban ioh pisa na ki brieve. To

^a **3:1 tetrark** Ha ka ktien Grik, kaba mut u nongsynshar ia ka shibynta na ka sawbynta jong ka llaka ha ka hima.

sngewkmen ha la ka jingsiew kaba phi ioh."

¹⁵Baroh te ki ia kyrmen ba U Mesaiah un wan bad ki da sngewlyngngoh shaphang u Iöannis. Ki la ia pyrkhath ruh, "Lehse u lah ban dei U Mesaiah."

¹⁶U Iöannis u la jubab, "Nga pynbaptis ia phi da ka um, hynrei don uwei u ban sa wan hadien uba lah ban leh kham khraw ia kaei kaba nga, nga leh. Ngam long uba bit wat tang ban law ia ki ksai juti jong u. Uta un pynbaptis ia phi da U Mynsiem Bakhuid bad ka ding. ¹⁷Un wan bad ka jingpeh ban pynkhuud ia u symboh kew. Un pyniakhlad ia u symboh kew uba bha na u stait bad un buh ia kata ka bynta kaba bha sha ka thiar jong u. Hadien kata un thang ia kata ka bynta ka bym myntoi da ka ding ka bymjulip." ¹⁸U Iöannis u la ong shibun kiei kiei kiba kum kine ban ai mynsiem ia ki briew ia ka ban kylla bad u da ialap ruh ha ki ia ka Khubor Babha.

Ka Jingkut Jong Ka Jingtrei U Iöannis

¹⁹Te u Iöannis u la kynthoh ia u Herod uba long u tetrark halor kaei kaba u la leh bad ka Herodia, ka tnga u Philip u para jong u bad kumjuh ruh ia kiwei de ki jingleh bymman jong u. ²⁰Nalor kine, u Herod u la nang pynlang shuh shuh halade ia ki jingleh bymman da kaba set byndi ia u Iöannis.

La Pynbaptis Ia U Jisu Da U Iöannis

(Mt. 3:13-17; Mk. 1:9-11)

²¹Mynba u Iöannis u la pynbaptis ia kiba bun ki briew, U Jisu ruh u la wan ban shah pynbaptis ha u. Hadien katta katba U Jisu u dang duwai, ka bneng ka la plie ²²bad U Mynsiem u la wan hiar halor jong u, ha ka dur jong ka paro. Te ka sur na bneng ka la wan ka da ong, "Me long U Khun jong nga, ia uba nga ieid. Nga da sngewbha eh ruh bad me."

Ka Jinghiar Pateng U Jisu

(Mt. 1:1-17)

²³Haba U Jisu u la sdang ban hikai, u la long te laiphew snem ka rta. Ki briew ki la ju pyrkhath ba U Jisu u long u khun jong u Joseph.

U Joseph u la long u khun jong u Heli.

²⁴U Heli u khun jong u Matthat.
U Matthat u khun jong u Lebi.
U Lebi u khun jong u Melkhi.
U Melkhi u khun jong u Janna.
U Janna u khun jong u Joseph.

²⁵U Joseph u khun jong u Mattathias.
U Mattathias u khun jong u Amos.
U Amos u khun jong u Naum.
U Naum u khun jong u Esli.
U Esli u khun jong u Naggai.

²⁶U Naggai u khun jong u Maath.
U Maath u khun jong u Mattathias.
U Mattathias u khun jong u Semei.
U Semei u khun jong u Josikh.
U Josikh U Khun jong u Juda.

²⁷U Juda u khun jong u Joanna.
U Joanna u khun jong u Risa.
U Risa u khun jong u Sorobabel.
U Sorobabel u khun jong u Salathiel.
U Salathiel u khun jong u Niri.

²⁸U Niri u khun jong u Melkhi.
U Melkhi u khun jong u Addi.
U Addi u khun jong u Kosam.
U Kosam u khun jong u Elmodam.
U Elmodam u khun jong u Er.

²⁹U Er u khun jong u Jose.
U Jose u khun jong u Elieser.
U Elieser u khun jong u Jorim.
U Jorim u khun jong u Matthat.
U Matthat u khun jong u Lebi.

³⁰U Lebi u khun jong u Simeon.
U Simeon u khun jong u Juda.
U Juda u khun jong u Joseph.
U Joseph u khun jong u Ionan.
U Ionan u khun jong u Eliakim.

³¹U Eliakim u khun jong u Melea.
U Melea u khun jong u Menan.
U Menan u khun jong u Mattatha.
U Mattatha u khun jong u Nathan.
U Nathan u khun jong u Dabid.

³²U Dabid u khun jong u Jesse.
U Jesse u khun jong u Obed.
U Obed u khun jong u Boas.
U Boas u khun jong u Salmon.
U Salmon u khun jong u Naason.

³³U Naason u khun jong u Aminadab.
U Aminadab u khun jong u Aram.
U Aram u khun jong u Esrom.
U Esrom u khun jong u Peres.
U Peres u khun jong u Juda.

³⁴U Juda u khun jong u Jakob.
U Jakob u khun jong u Isaak.
U Isaak u khun jong u Abraham.
U Abraham u khun jong u Terah.
U Terah u khun jong u Nahor.

³⁵U Nahor u khun jong u Serukh.
U Serukh u khun jong u Raw.
U Raw u khun jong u Peleg.
U Peleg u khun jong u Eber.
U Eber u khun jong u Shelah.

³⁶U Shelah u khun jong u Kainan.
U Kainan u khun jong u Arphaksad.
U Arphaksad u khun jong u Shem.

U Shem u khun jong u Noah.

U Noah u khun jong u Lamekh.

37 U Lamekh u khun jong u Methusela.

U Methusela u khun jong u Enok.

U Enok u khun jong u Jared.

U Jared u khun jong u Malelil.

U Malelil u khun jong u Kainan.

38 U Kainan u khun jong u Enos.

U Enos u khun jong u Seth.

U Seth u khun jong u Adam.

U Adam u khun jong U Blei.

U Soitan U Pynshoi İa U Jisu

(Mt. 4:1–11; Mk. 1:12–13)

4¹ U Jisu İa uba la pyndap da U Mynsiem Bakhuid, u la wan phai na ka wah Jordan. Te U Mynsiem u la İalam İa u sha ka ri khlaw. ²Dei hangta ba u Soitan u la pynshoi İa U Jisu haduh sawphew sngi. Te U Jisu um shym la bam ei ei ha kita ki sngi bad haba la dep, u la sngewthngan shikatdei eh.

³U Soitan u la ong İa u, “Lada me long U Khun U Blei, to ong İa kine ki maw ban long kpu.”

⁴U Jisu u la jubab, “Ka Jingthoh Bakhuid ka ong,

“Ym dei tang da u kpu ba ki brieve ki lah ban im, hynrei da ka ktien baroh kaba mih noh na ka shyntur jong U Blei.”

Deuteronomi 8:3

⁵Hadien kane u Soitan u la İalam İa U Jisu bad ha ka shikhyllipmat u la pyni İa baroh ki hima ka pyrthei. ⁶U Soitan u la ong İa u, “Ngan pynlong İa me u syiem halor kine ki jaka baroh. Men ioh İa ka bor halor jong ki bad İa ka burom baroh. La ai İa ka ha nga. Bad nga lah ban ai hano hano ruh ba nga mon. ⁷Ngan ai lut İa ka baroh sha me, tang lada men mane İa nga.”

⁸U Jisu u la jubab, “Ka Jingthoh Bakhuid ka ong,

“Me dei ban mane İa U Trai U Blei jong me.

Tang İa u ruh men shakri.”

Deuteronomi 6:13

⁹Nangta u Soitan u la İalam İa U Jisu sha Jerusalem bad u la pynİeng İa u ha kliar eh jong ka dong ka Templ. U la ong İa u, “Lada me long U Khun U Blei, to ryngkoh nange! ¹⁰Ka Jingthoh Bakhuid ka ong,

“U Blei un hukum İa ki angel jong u

ban İada İa me.’

Salm 91:11

¹¹La thoh ruh,

“Kin rah İa me ha ki kti jong ki, ba kumta men ym tyngkhuh İa la ka kjat ha u maw.”

Salm 91:12

¹²U Jisu u la jubab, “Hynrei ka Jingthoh Bakhuid ka ong ruh, ‘Men ym tynjuh İa U Trai U Blei jong me.’”

¹³U Soitan hadien ba u la dep ban pynshoi İa U Jisu da ki lad baroh, u la leit noh bad ap tad haduh ka por kaba biang kan wan.

U Jisu U Sdang İa Ka Jingshakri Ha Galilaia

(Mt. 4:12–17; Mk. 1:14–15)

¹⁴U Jisu u la leit phai pat sha Galilaia ha ka bor U Mynsiem. Te ka nam shaphang jong u ka la saphriang kylleng ki phang jong kata ka thaii. ¹⁵U la sdang ban hikai ha ki synagog bad baroh ki la İaroh İa u.

U Jisu U Leit Sha La Shnong

(Mt. 13:53–58; Mk. 6:1–6)

¹⁶U Jisu u la leit sha Nasaret, ka shnong ha kaba u la heh la san. Ha ka sngi Sabbaton u la leit sha ka synagog kumba u ju leh. U la İeng ban pule. ¹⁷La ai te ha u İa ka kitab u Isaiah u nongiathuhlypa. Haba u la plied u la shem İa ka jaka ha kaba la thoh kumne:

¹⁸“U Mynsiem U Trai U ha nga.

U la pynsleh İa nga ban İalap İa ka khubor babha sha kiba duk.

U la phah İa nga ban pynbna ha ki nongsah byndi ba la pyllait İa ki bad ban İathuh ruh ha kiba matlah ba ki lah ban İohi pat.

U la phah İa nga ban pyllaitluid İa kito kiba la shah ban beifi

¹⁹ bad ban pynbna İa ka snem ba pdianghun ka jong U Trai.”

Isaiah 61:1–2; 58:6

²⁰Te U Jisu u la khylliap İa ka kitab, u la ai ruh ha u nongsumar bad u la shong noh. Katba baroh kiba ha ka synagog ki la khmih shaii ha u, ²¹u la sdang ban kren sha ki. U da ong, “Katba phi dang İa shahshkor İa kine ki kyntien ba nga pule mynta, hakhmih la pyndep ruh İa ka ha kane ka sngi!”

²²Baroh kiba don hangta ki la İaroh İa U Jisu. Ki da sngewlyngngoh ruh ban İohsngew İa u ba u kren İa kiba kum kita ki kyntien shong sbai. Ki la İa ong, “Kumno

kane ka lah ban long? Hato une um dei u khun jong u Joseph?"

²³U Jisu u la ong ia ki, "Nga tip ba phin sa ong ia nga ia kine ki kyntien: 'Ko Nongpynkhiah, to pynkhiah ialade.' Phin sa ong ruh, 'Ngi la iohsngew shaphang shibun kiei kiei kiba me la leh ha Kapernam. To leh ruh ia kine kijuh ha la ka jong ka shnong!'" ²⁴Nangta u la ong, "Da shisha nga ong ha phi, u nongiathuhlypa um ju ioh burom ha la ka jong ka shnong.

²⁵⁻²⁶"Ha ka por u Elijah kam shym la hap slap ha Israel jin haduh lai snem shiteng. Ym shym la don jingbam ha ka ri hi baroh kawei. La don ruh ha kata ka por shibun ki riewkynthei ha Israel. Hynrei ia u Elijah ym shym la phah sha kito ki riewkynthei ha Israel. Pynban la phah ia u sha ka riewkynthei ha Sarepta, ka shnong kaba ha Sidon.

²⁷"Bad la don ruh shibun kiba pang ñiangthohlieh ha Israel kiba la im ha ka por u nongiathuhlypa Elisha. Hynrei ym shym la pynkhiah iano iano ruh, lait noh tang ia u Naaman. Bad u la long ruh na ka ri Syria, ym na Israel."

²⁸Baroh te kiba don ha kata ka synagog haba ki la iohsngew ia kane, ki la sngewbitar. ²⁹Ki la ieng joit bad ki la beh noh ia U Jisu shabar ka shnong. Te ki la ialam ia U Jisu sha tduh jong uta u lum ha kaba kata ka shnong ka la don ia ka ban pynnoh khongpong ia u nangta. ³⁰Hynrei u la iaid lyngba napedeng uta u paidbah bad u da leit noh.

U Jisu U Pyllaitluid Iä U Briew Na U Mynsiem Bymkhuid

(Mk. 1:21-28)

³¹Te U Jisu u la leit noh sha Kapernam, ka nongbah kaba ha Galilaia. U la hikai ruh ia ki briew ha ka sngi Sabbaton. ³²Ki la sngewlyngngoh shikattei eh ha ki jinghikai jong u namar ba u la hikai da ka iktiar.

³³Ha ka synagog la don te u briew uba la shong u mynsiem bymman ha u. Uta u briew u la pyrta jam, ³⁴"Ko Jisu na Nasaret! Me donkam aiu bad ngi? Hato me la wan hangne ban pynjot ia ngi? Nga ithuh me long uei—Uba Khuid jong U Blei!" ³⁵Hynrei U Jisu u la maham ia uta u mynsiem bymman. U la ong, "Sngap jar ma me! Mih noh ruh na u!" Te uta u mynsiem bymman u la lympat ia uta u briew ha madan hakmatat jong ki baroh bad u la mih noh na uta u briew khlem da pynmynsaw ei ei ia u.

³⁶Ki baroh te ki la lyngngoh bad ki la iakren para ma ki, "Ka mut aiu kane? Naba da ka iktiar bad da ka bor u hukum ia ki mynsiem bymman bad ki mih noh ruh." ³⁷Ka nam te shaphang U Jisu ka la saphriang sha baroh ki jaka ha kita ki thaiñ.

U Jisu U Pynkhiah Iä Ka Kiaw Kurim U Petros

(Mt. 8:14-17; Mk. 1:29-34)

³⁸Te U Jisu u la mih noh na ka synagog bad u la leit sha ka iing u Simon. Ka kiaw kurim u Simon ka shitom jur na ka jingpang khie shoh. Ki la kyrpad ia U Jisu ban pynkhiah ia ka. ³⁹U la ieng ha syndah jong ka bad u la hukum ia kata ka jingpang ban mih noh. Kata ka jingpang khieshoh ka la mih noh na ka bad ka la ieng joit ban shakri ia ki.

U Jisu U Pynkhiah Iä Shibun Kiwei Pat

⁴⁰Haba ka sngi ka la sep, ki briew ki la wallam ia ki paralok ba pang jong ki sha U Jisu. Ki la don har rukom ki jait jingpang, te U Jisu u la buh ia la ki kti ha ki bad u la pynkhiah ia ki baroh. ⁴¹Ki ksuid ki la mih na kiba bun ki briew, ki da pyrta, "Me long U Khun U Blei." Hynrei U Jisu u la hukum tynggeh ia ki ba kin ym kren, namar ba ki tip ba u long U Mesaiah.

U Jisu U Leit Sha Kiwei Pat Ki Shnong

(Mk. 1:35-39)

⁴²Ha ka sngi kaba bud U Jisu u la leit sha kawei ka jaka tang marwei hi. Te u paidbah u la wad ia u. Haba ki la shem ia u, ki la pyrshang ban khang ia u ba un ym leit noh na ki. ⁴³Hynrei u la ong ia ki, "Nga dei ban ialap ia ka Khubor Babha shaphang ka hima U Blei sha kiwei ruh ki shnong. Kane ka dei ka jingthmu balei ba la phah ia nga." ⁴⁴Hadien kane U Jisu u la ialap ia ka Khubor Babha ha ki synagog ha Galilaia kaba ha Judia.

U Jisu U Jied Iä Ki Synran

(Mt. 4:18-22; Mk. 1:16-20)

5¹Katba U Jisu u dang ieng harud ka duriaw Gennesaret, u paidbah u la kyntur kham shajan sha u ban iohsngew ia ka ktien U Blei. ²U Jisu u la iohi ar tylli ki lieng hangta harud duriaw. Ki nongtong dohkha te ki dang sait ia la ki jar. ³Te u la kiew ha kawei na ki lieng kaba dei jong u Simon. U la ong ruh ia u ban khynniat khyndiat la ryngkew. Haba u la shong te hangta u la hikai ia u paidbah.

⁴Haba U Jisu u la dep ban hikai, u la ong ia u Simon, To ñiad ia ka lieng sha kaba kham jylliew. Bret ia ka jar, khnang ba phin ngat dohkha.”

⁵U Simon u la jubab, “Kynrad, ngi la trei shitom baroh shimiet da kaba pyrshang ban ioh tong dohkha pynban ngim shym la ioh ei ei. Hynrei namar ba me la ong, ngan leh ia kata.” ⁶Kita ki nongtong dohkha ki la bret ia ka jar sha um. Te la pyndap ia ka jar jong ki da ki dohkha kat haduh ba ka jar ka la jan kad. ⁷Ki la khot ruh ia ki paralok na kiwei pat ki lieng ban iarap ia ki. Kita ki paralok ki la wan bad la pyndap ia ki lieng jong ki ruh da ki dohkha kat haduh ba ki lieng ki la jan ngam.

⁸⁻⁹Kita ki nongtong dohkha ki la sngewlynggoh ia kata ka jingngat bun ki dohkha. Haba u Petros u la iohi ia kane, u dem khohsiew hakhmat U Jisu bad u la ong, “To khie leit noh na nga, Kynrad. Nga long u brierw uba pop!” ¹⁰U Jakob bad u Ioannis, ki khun u Sebedi ruh, ki la sngewlynggoh. Kine ki dei kiba iatrei ryngkat bad u Simon.

U Jisu u la ong ia u Simon, “Wat sheptieng. Naduh mynta ka kam ba men trei ka long ban wallam ia ki brierw, te ym shuh ia ki dohkha!”

¹¹Kita ki brierw ki la king ia la ki lieng sha ryngkew. Ki la iehnoh ia kiei kiei baroh bad ki la bud ia U Jisu.

U Jisu U Pynkhiah Ia Uba Pang Niangthohlieh

(Mt. 8:1-4; Mk. 1:40-45)

¹²Ha kawei ka por U Jisu u la don ha ka shnong ha kaba la don uwei u brierw uba pang ñiangthohlieh. Haba uta u brierw u la iohi ia U Jisu, u la dem hakhmat jong u bad u la kyrpad ruh, “Ko Kynrad, lada me mon me lah ban pynkhiah ia nga.”

¹³U Jisu u la ong, “Nga mon ban pynkhiah ia me. To long khuid!” Te u la ktah ia uta u brierw bad kumne kumne uta u ñiangthohlieh u la jah noh na u. ¹⁴Te U Jisu u la maham ia u, “Wat iathuh hano hano ia kaei kaba la jia. Hynrei leit bad shah ba u lyngdoh un khmih ia me. Bad to ai ia ka jingainguh kaba u Moses u la hukum na ka bynta ka jingpynkhiah ia me. Kane kan pyni sha kiwei ba me la iohkhiah da shisha.”

¹⁵Hynrei ka nam shaphang U Jisu ka la nang iai saphriang. Bun ruh ki brierw ki la wan sha u ban ioh jingpynkhiah na ki jingpang jong ki. ¹⁶Bunsien U Jisu u la ju leit noh sha ki jaka kynjah ha ri khlaw ban don tang marwei hi khnang ba un ioh ban duwai.

U Jisu U Pynkhiah Ia Uba Pang Iapshiliang

(Mt. 9:1-8; Mk. 2:1-12)

¹⁷Ha kawei ka sngi katba U Jisu u dang hikai ia ki paidbah kiba la iaawan na baroh ki shnong ka Galilaia bad Judia bad na Jerusalem ruh. Te ki Pharisi bad ki Nonghikai ka hukum ki la iadon lang hangta bad ka bor U Trai ka la long halor U Jisu ban pynkhiah ia ki brierw. ¹⁸La don hangta u brierw uba pang iapshiliang bad katto katne ki brierw ki la wanrah ia u ha ka jingthiah bad ki da pyrshang ban buh ia u hakhmat U Jisu. ¹⁹Hynrei namar ka jingkhapngiah te kim shym la lah ban rung shapoh. Kumta ki la leit kiew na tnum iing bad ki la pynhiar ia uta uba pang hakhmat U Jisu da kaba pynpei thliw na ka. ²⁰Haba U Jisu u la iohi ia ka jingngeit jong kine ki brierw, u la ong sha uta uba pang iapshiliang, “Ko lok, la mab ia ki pop jong me.”

²¹Te ki nonghikai jong ka hukum lem bad ki Pharisi ki la ia pyrkhathalade, “Uei une u brierw uba nud ban kren kum kine ki ktien? Kane ka long ka jingtren bein Blei! Ym don uba lah ban mab ia ki pop hynrei tang U Blei hi.”

²²Hynrei U Jisu u la tip ia kaei kaba ki ia pyrkhath, u la ong ia ki, “Naba balei ba phi iadon ia kine ki jingkylli ha ki jingmut jong phi?” ²³⁻²⁴U Khun U Brierw u don ia ka bor ha ka pyrthei ban mab ia ki pop. Hynrei da kumno ngan pynshisha sha phi ia kata? Lehse phi ia pyrkhath ba kan long kham suk ia nga ban ong, ‘La mab ia ki pop jong me.’ Naba kam don kano kano ka jingpynshisha ia kata. Hynrei lada nga ong ia une u brierw, ‘Ieng joit bad iaid ruh?’ Te hangta phin iohi ba nga don shisha ia ka bor ban mab.” Kumta U Jisu u la ong ia uta uba pang iapshiliang, “Nga ong ha me, ieng joit! To rah ruh ia la ka jingthiah bad to leit noh sha la iing!”

²⁵Uta u brierw kumta kumta hi u la ieng joit hakhmat jong ki baroh. U la rah ia la ka jingthiah bad u la leit noh ruh sha la iing, u da iaroh ia U Blei. ²⁶Baroh te ki la sngewphylla bad la pyndap ia ki da ka jingtieng burom ia U Blei bad ki la iaroh ruh ia U. Ki da ong, “Ha kane ka sngi ngi la iohi ia kiei kiei kiba phylla shisha!”

Ka Jingkhot Ia U Lebi

(Mt. 9:9-13; Mk. 2:13-17)

²⁷Hadien kane U Jisu u la leit noh bad na iohi ia u nonglum khajna ba u da shong ha ka jaka lum khajna uba kyrteng u Lebi. Te U

Jisu u la ong ia u, “To bud ia ngal!”²⁸ U Lebi u la ieng joit, u la ieh ia kiei kiei baroh bad u la bud ia U Jisu.

²⁹Te u Lebi u la pynlong ia ka jingkhawai kaba khraw bha ha ka iing jong u na ka bynta U Jisu. Ha kata ka miej bam la don shibun ki nonglum khajna bad kiwei pat ruh ki briew.³⁰ Hynrei ki Pharisi bad ki nonghikai ka hukum ki la sdang ban khñium ha ka synran U Jisu ki da ong, “balei ba phi iabam bad iadih bad ki nonglum khajna bad kiba pop?”

³¹U Jisu u la jubab ia ki, “Ki dei kiba pang keiñ kiba donkam ia u nongpynkhiah, ym kiba koit ba khiah.³² Ngam shym la wan ban khot ia kiba hok, hynrei ia kiba pop ban kylla kaba mut na kata ka rukom im kaba ki ju im.”

U Jisu Um Long Kum Kita Kiwei Pat Ki Nongialam Niam

(Mt. 9:14-17; Mk. 2:18-22)

³³Ki la ong ia U Jisu, “Ki synran u Ioannis borabor ki shah jingit bad ki duwai, kumjuh ruh ki synran ki Pharisi. Hynrei ki synran jong me ki iabam iadih man ki por.”

³⁴U Jisu u la ong ia ki, “Ha ka jingkyntiew kurim phim ju ong ia ki paralok u nongleit kurim ban leh sngewsih bad ban shah jingit katba u dang don lang bad ki.³⁵ Hynrei ka por kan wan haba ia u nongleit kurim la shim noh napdeng jong ki. Hangta ki paralok jong u kin sa shah jingit.”

³⁶U Jisu u la iathuh ha ki: “Ym ju don ba syrdep da ka lyngkhot jaiñ ba thymmai ia ka sopti kaba la rim. Lym kumta kata ka lyngkhot jaiñ ba thymmai kan sepei bad kan ym iahap ruh ban syrdep lang bad ka sopti kaba rim.³⁷ Kumjuh ruh ki briew kim ju theh ia ka waiñ thymmai ha ki lywa snieh kiba rim. Ka waiñ ba thymmai kan pynkad ia ka lywa snieh ba rim, ka waiñ kan sa jaw lut sharud bad ki lywa snieh kin sa jot noh.³⁸ Borabor phi buh ia ka waiñ thymmai ha ki lywa snieh kiba thymmai.³⁹ Ym don ruh kiba la dih ia ka waiñ rim ki ban kwah ia ka waiñ thymmai. Naba ki ong, ‘Ka waiñ rim ka kham bang.’”

U Jisu U Trai Jong Ka Sabbaton

(Mt. 12:1-8; Mk. 2:23-28)

6¹Ha kawei na ki sngi Sabbaton, U Jisu u la iaid lyngba ka lyngkha kew. Ki synran jong u ki la kheit sohkw, ki la kyrjiaw ha la ki kti bad bam ruh ia u.² Katto katne na ki Pharisi ki la ong, “Balei ba phi ialeh kumne? Ka long pyrshah ia ka hukum u Moses ban leh kum ia kine ha ka sngi Sabbaton.”

³U Jisu u la jubab, “Phi lah iohsngew shaphang kaei kaba u Dabid u la leh haba

ma u bad ki briew jong u ki la ia thngan.⁴ U Dabid u la leit shapoh ka iing U Blei. U la shim ia uta u kpu ba kyntang bad u la bam ruh ia u bad u la ai ruh sha kita kiba iadon lem bad u. Kane ka long pyrshah ia ka aifñ u Moses, kaba ong ba tang ki lyngdoh kiba lah ban bam ia uta u kpu ba kyntang.”⁵ Te U Jisu u la ong, “U Khun u Briew u long U Trai halor ka sngi Sabbaton ruh.”

U Jisu U Pynkhiah Ha Ka Sngi Sabbaton

(Mt. 12:9-14; Mk. 3:1-6)

⁶Ha kawei pat ka sngi Sabbaton U Jisu u la leit sha ka synagow bad u la hikai ia u paidbah. Te u briew uba don ka kti kamon kaba iap u la don hangta.⁷ Ki nonghikai ka hukum lem bad ki Pharisi ki la khmih bniah, ki da ap kmang ban iohi la un pynkhiah ne em ha ka sngi Sabbaton. Ki da kwah eh ban iohi ba un leh kano kano kaba long pyrshah ia ka hukum khnang ba kin ioh ban mudui ia u.⁸ Hynrei U Jisu u la tip ia kaei kaba ki ia pyrkhath. U la ong ha uta u briew uba don ka kti kaba iap, “To ieng hangne ba baroh kin iohi.” Uta u briew ruh u la ieng.⁹ Haden kata U Jisu u la kylli ia ki, “To iathuh ia nga, kano ka long kaba dei ban leh ha ka sngi Sabbaton: ban leh bha ne leh sniew? Ban pyllait im ne ban pynjot?”

¹⁰U Jisu u la peit sawdong ha kita baroh bad u la ong ia uta u briew, “To kner ia la ka kti.” Haba u la kner te la pynkhiah ia kata ka kti.¹¹ Te ki Pharisi bad ki nonghikai ka hukum ki la bitar lep kum ban lamwir. Ki la iasylla para ma ki kaei kaba ki lah ban leh ia U Jisu.

U Jisu U Jied Ia Ki Khatar Ngut Ki Apostol

(Mt. 10:1-4; Mk. 3:13-19)

¹²Khyndiat sngi hadien, U Jisu u la leit sha u lum ban duwai. U la don hangta baroh shimiet ban duwai sha U Blei.¹³ Ha ka step kaba bud u la khot ia ki synran jong u. U la jied khatar ngut na ki bad u la khot ia ki, ki apostol. Kine ki long kita ia kiba u la jied:

- ¹⁴ U Simon, ia uba U Jisu u khot ia u, u Petros,
- U Andriw, u para u Petros,
- U Jakob,
- U Ioannis,
- U Philip,
- U Bartholomai,
- ¹⁵ U Matthaos,
- U Thomas,
- U Jakob, U Khun u Alphaios,

U Simon, ba la khot uba Shithrem

16 U Juda u khun u Jakob,

U Judas Iskariot, uta uba la aiti noh ia

U Jisu ha ki kti jong kita kiba shun

ia U Jisu.

U Jisu U Hikai Bad U Pynkhiah Ia Ki Brier

(Mt. 4:23–25; 5:1–12)

17 Te U Jisu lem bad ki apostol ki la wan hiar na uta u lum. U la ieng ruh ha ka jaka ba madan. Shibun ki synran jong u ki la ialum hangta. La don ruh hangta bun ki brier na kylleng ka judia, ka Jerusalem bad na ki nongbah ka rud duriaw jong ka Tairos bad Sidon. 18 Baroh te ki la wan ban iohsngew ba U Jisu u hikai bad ban ioh jingpynkhiah na ki jingpang jong ki. Te U Jisu u la pynkhiah ia kita baroh ba la pynshitom da ki mynsiem bymman. 19 Baroh ruh ki ia pyrshang ban ktah ia u, namar ba ka bor ka la mih noh na u ban pynkhiah ia ki baroh.

20 U Jisu te u la khmih ha la ki synran bad u la ong,

“Ka jingkyrkhu kaba khraw ka long ia phi kiba duk.

Naba ka hima U Blei ka dei ka jong phi.

21 Ka jingkyrkhu kaba khraw ka long ia phi kiba thngan mynta.

Naba yn pyndap ia phi.

Ka jingkyrkhu kaba khraw ka long ia phi kiba iam mynta.

Naba phin sa kmen bad rkhie.

22 “Ka jingkyrkhu kaba khraw ka long ia phi haba ki brier kin shun bad isih ia phi namar ba phi long ki jong U Khun u Brier. Kin kyntait bein ia phi na la ka kynhun. Kin niewbein ia phi bad kin niew sang wat ban jer ruh ia ka kyrteng jong phi. 23 To leh kmen bad shad kmen, namar kaba khraw long ka nong jong phi ha bneng. Naba ki kpa tymmen jong ki ruh ki la leh kumjuh ia ki nongiatuhlypa.

24 “Hynrei ka jingkordit kaba khraw kan long ia phi kiba riewspah, namar ba phi la im pahuh pahai.

25 Ka jingkordit kaba khraw kan long ia phi kiba dap mynta, namar ba phin sa thngan.

Ka jingkordit kaba khraw kan long ia phi kiba rkhie mynta, namar ba phin sa sngewsih bad iam.

26 “Ka jingkordit kaba khraw kan long haba baroh ki kren tang ia kaba bha suda shaphang jong phi. Ki kpa tymmen jong ki, ki la leh kumjuh ia ki nongiatuhlypa balamlar.

Ieid Ia Kiba Shun Ia Phi

(Mt. 5:38–48; 7:12a)

27 “Hynrei nga ong ha phi kiba shahshkor ia nga, to ieid ia kiba shun ia phi bad leh bha ia kito kiba isih ia phi. 28 To kyrkhu ia kita kiba tim ia phi bad duwai na ka bynta kita kiba leh sniew ia phi. 29 Lada uno uno u thap ia phi na ka ngab, ai ba un thab ruh sa na kawei pat ka liang. Lada uno uno u shim ia ka sopti lor jong phi, wat khang ruh ia ki ban shim ia ka sopti poh ka jong phi. 30 Ai ha uta uwei-pa-uwei baroh uba pan ei ei na phi. Habo uno uno u shim jubor ia kata kaba dei ka jong phi, wat ia knieh ia ka. 31 Leh ia kiwei ia kata kaba phi kwah ba kiwei kin leh na ka bynta jong phi.

32 “Lada phi ieid tang ia kita kiba ieid ia phi, ka jingiaroh kyrpang aiu ba phin ioh? Wat kiba pop ruh ki ieid ia kita kiba ieid ia ki! 33 Lada phi leh bha tang ia kita kiba leh bha ia phi, ka jingiaroh kyrpang aiu phin ioh? Wat kiba pop ruh ki leh kumjuh! 34 Lada phi ai kyliang ei ei sha ki brier da kaba khmih lynti ba phin ioh biang, ka jingiaroh kyrpang aiu phin ioh? Wat kiba pop ruh ki ia ai kyliang ba kumta kin ioh biang ia kata kajuh!

35 “Nga ong ha phi, ieid ia kiba shun ia phi bad leh bha ruh ia ki. Habo phi ai kyliang sha ki brier wat da khmih lynti ba phin ioh biang ia ka. Lada phi leh ia kane, phin ioh ia ka nong kaba khraw. Phin long ki khun jong U Blei bahakhlieh tam. Hood, namar U Blei u long uba sbun wat ia kita ki bym sngewnguh bad ia kiba bymman ruh de. 36 To long kiba isynei kumba U Kpa jong phi ruh u long uba isynei.

To Sumar Na Kaba Kynthoh Ia Kiwei

(Mt. 7:1–5)

37 “Wat bishar ia kiwei, te U Blei un ym bishar ia phi. Wat pynrem ia kiwei, khnang ba yn ym pynrem ia phi ruh. Mab ia kiwei, te yn mab ruh ia phi. 38 Ai sha kiwei, te yn sa ai pat ha phi. Yn ai kyrhai ruh ha phi. Yn thynnian ha phi kham palat ban ia kaba phi lah ban kynthup kat haduh ba kan da shlei na pneh jong phi. Kumba phi ai sha kiwei kumta ruh U Blei un ai pat sha phi.”

39 Te U Jisu u la kyli ia ki: “Hato u brier ba matlah u lah ban ialam ia uba matlah?

Em, namar baroh ar kin iahap lang shapoh thliw. ⁴⁰Uba shah hikai um long kham tbit ban ia u nonghikai. Hynrei ynda la hikai bha ia u, un long kum u nonghikai hi.

⁴¹“Balei ba phi khmih bniah ia u thngiat ha ka khmat u paralok jong phi, hynrei phim iohi pat ia u khung ha la ka jong ka khmat? ⁴²Phi ong ia la u paralok, ‘Shah ia nga ba ngan khlaw noh ia u thngiat na ka khmat jong phi.’ Naba balei ba phi kren ia kane? Hato phim lah ban iohi ia u khung ha la ka jong ka khmat? Phi kiba arsap. Nyngkong, to weng shuwa ia khung na la ka khmat. Te phin sa iohi khambha ban weng ia u thngiat na ka khmat u paralok jong phi.

Ki Dieng Kiba Bha Kiba Pynmih Ia U Soh Babha

(Mt. 7:17–20; 12:34b–35)

⁴³“U dieng uba bha um ju pynmih ia u soh ba sniew. Bad u dieng basniew um ju pynmih ia u soh babha. ⁴⁴Ia ki jait dieng baroh la ithuh na ki soh ba ki pynmih. Phim ju kheit soh dumbur na ki diengshiah lymne sohwaia na ki bniap sohshiah! ⁴⁵U briew uba bha u don ia kiei kei kiba bha ba la kynshew ha ka dohnud jong u. Na kata ka daw u kren ia kiei kiei kiba bha. Hynrei uta uba sniew u kynshew ia kiei kiei kiba sniew ha dohnud jong u bad u kren ia kiei kiei kiba sniew. Kaei kaba mih na ka shyntur jong u briew ka kyrsoi na ka jingshlei ka dohnud jong u.

Ar Jait Ki Briew

(Mt. 7:24–27)

⁴⁶“Balei ba phi khot ia nga, ‘Ah Trai, Ah Trai,’ pynban phim leh pat ia kaei kaba nga ong? ⁴⁷Ki briew kiba wan sha nga, kiba shahshkor ia ki jinghikai jong nga bad kiba kohnguh ruh ia ki—Ngan pyni ha phi ki long kum kiei: ⁴⁸Ki long kum u briew uba tei ia ka iing. U tih jylliew bad pynshong ia ka halor u mawsiang. Haba ki jingshlei ki wan bad ki um ruh ki shoh kyrthep ia kata ka iing, hynrei kata ka jingshlei kam lah ban pynkhih ia ka, namar ba la tei skhem bha ia ka.

⁴⁹“Hynrei ki briew kiba iohsngew ia ki ktien jong nga bad ki bymkohnguh ia ka, ki long kum u briew uba tei ia la ka iing khlem ka nongrim. Haba ki jingshlei ki wan bad ki um ruh ki shoh kyrthep ia kata ka iing, kata ka iing te ka la kyllon noh bad la pynjot noh khoit ia ka.”

U Jisu U Pynkhiah Ia U Shakri U Rangbah Shipai

(Mt. 8:5–13; Jo. 4:43–54)

7 ¹U Jisu haba u la dep ong ia kine kiei kiei sha u paidbah, u la leit noh shapoh Kapernam. ²Hangta la don uwei u rangbah shipai. U la don ruh ia u shakri ia uba u ieid eh ba u da pang bad don ha tmier ka jingiap. ³Haba u la iohsngew shaphang U Jisu, u la phah katto katne na ki basan jong ki Jiww ba kin kyrpad ia U Jisu ban wan ban pynkhiah ia u shakri jong u. ⁴Kita ki briew ki la leit sha U Jisu. Ki da kyrpad eh ia u ban iarap ia une u rangbah shipai. Ki la ong ha u, “Une u rangbah shipai u long uba dei eh ban ioh ia ka jingiarap jong me. ⁵U ieid ia ki briew ki jong ngi bad u la tei ruh ia ka synagog na ka bynta jong ngi.”

⁶Kumta U Jisu u la leit lem bad ki. Te haba u la jan poi hajan ka iing, uta u rangbah shipai u la phah ia la ki briew ban ong, “Kynrad, wat pynshitom ialade, namar ngam sngew long uba bit haduh ba men da wan rung hapoh iing jong nga, ⁷lymne wat ba ngan wan dalade sha me. Shu hukum, te u shakri jong nga un sa iohkhiah. ⁸Nga tip ia kane namar ba nga ruh nga dei u briew hapoh ka iktiar bad nga don ia ki shipai hapoh jong nga. Nga ong ia uwei, ‘Khie leit,’ bad u leit bad nga ong ia uwei pat, ‘To wan,’ te u wan. Nga ong ia la u shakri, ‘Leh ia kane,’ bad u shakri u kohnguh ia nga”

⁹Haba U Jisu u la iohsngew ia kane, u la lyngngoh shikatdei eh. U la phai sha kita kiba bud ia u bad u la ong, “Nga ong ha phi, kane ka dei ka jingngeit kaba ngam pat ju iohi hangno hangno ruh, wat ha Israel hi.”

¹⁰Kata ka kynhun ba la phah sha U Jisu ki la leit phai pat sha iing. Te ki la shem ba uta u shakri u la khiah.

U Jisu U Pynim Pat Ia U Khun Jong Ka Riewkynthei

¹¹Kham hadien kane U Jisu lem bad ki synran jong u ki la leit sha ka shnong ba la khot ka Naiñ. U paidbah byllien u la leit lem bad u. ¹²Haba U Jisu u la poi hajan ka khyrdop jong ka shnong, u la iohi ia ki briew ba ki rah ban leit ontep ia u khun marwei jong kawei ka riewkynthei. Ki la don lang ruh shibun kiwei pat na kata ka shnong. ¹³Haba U Trai u la iohi ia kata ka briew, u la sngewsynei ia ka bad u la ong, “Wat iam.” ¹⁴U la leit bad u la ktah ia kata ka krong. Kita ki briew kiba rah ia kata ka krong ki la sangeh. U Jisu te u la kren sha uta uba iap: “Ko samla, nga ong ha me,

to iëng joit!"¹⁵Te uta uba la iäp u la khie shong bad u la sdang ban kren. Te U Jisu u la ai pat ia u sha ka kmie.

¹⁶Ynda kumta la pyndap ia ki baroh da ka jingsheptieng. Ki la sdang ruh ban iaroh ia U Blei bad ki la ong, "U nongiathuhlypa bakhraw u don bad ngi hangne!" bad "U Blei u la wan jngoh ia la ki brieve."

¹⁷Kane ka khubor shaphang U Jisu ka la phriang kylleng ka Judia bad kylleng ki jaka hangta.

U Iöannis U Phah Ia Ki Brieve Ban Kylli Ia U Jisu

(Mt. 11:2-19)

¹⁸Ki synran u Iöannis ki la iathuh ha u ia kine kiei kiei baroh. Te u Iöannis u la khot ia ki ar ngut na ki synran jong u.¹⁹U la phah ia ki sha U Trai ban kylli, "Hato me dei uta ia uba ngi la iai ap khmih lynti, ne ngin ia ap ia uwei pat?"

²⁰Kumta kita ki brieve ki la wan sha U Jisu. Ki la ong, "U Iöannis u Nongpynbaptis u la phah ia ngi sha me bad kane ka jingkylli, 'Hato me dei uta ia uba ngi la iai ap khmih lynti, ne ngin ia ap ia uwei pat?'"

²¹Ha kata ka por hi U Jisu u dang pynkhiah ia shibun ki brieve na ki jingpang jingshitom jong ki. U la pyllait ia ki na ki mynsiem bymman bad u da pynpeit ia shibun kiba matlah.²²Te u la ong ia ki synran u Iöannis, "Khie leit iathuh ia u Iöannis ia kiei kiei kiba phi la iohi bad iöhsngew ba kiba matlah ki iohi pat, kiba dkoh ki iaid, ia kiba pang ñiangthohlieh la pynkhiah, kiba kyllut ki iöhsngew, la pynim pat ia kiba iap bad ia ka Khubor Babha la ialap sha kiba duk.²³Ka jingkyrkhu kaba khraw ka long ia kito ki bym thud ia nga."

²⁴Haba ki synran u Iöannis ki la mih, U Jisu u la sdang ban kren shaphang u Iöannis u la ong: "Ia ka ban lei phi ialeit sha ri khlaw ban jngoh? Ia u phlang ba la pynkhih da ka lyer?"²⁵Shisha, ia kaei ba phi ia khmih lynti ban iohi? Ia kiba phong da ki jaiñ linen kiba ni? Em ym kumta. Naba ki brieve kiba phong kum kita bad im ruh ha ka jingpahuh ki don ha ki iing syiem.²⁶Haba kumta ia ei phi ialeit ban jngoh? Ia u nongiathuhlypa? Hooiid, u Iöannis u long u nongiathuhlypa. Hynrei nga ong ia phi, u long kham palat ban ia kata.²⁷Kane ka Jingthoh Bakhuid ka kren shaphang jong u:

"To shahshkor! Ngan phah ia u
nonglamktien ha shuwa jong me

Un pynkhreh ka lynti na ka bynta
jong me.'

Malakhi 3:1

²⁸Nga ong ha phi, ym shym la don napedng kiba la kha u ban kham khraw ban ia u Iöannis. Hynrei uta uba rit tam ha ka hima U Blei u long kham khraw ban ia u Iöannis."

²⁹Haba ki brieve ki la iöhsngew ia kane, baroh ki la iamynjur ba ka jinghikai U Blei ka long kaba shisha. Wat ki nonglum khajna ruh ki la iamynjur lang. Kine ki long kita ki brieve ia kiba u Iöannis u la pynbaptis.³⁰Hynrei ki Pharisi bad ki riwstad jong ka hukum ki la kyntait ban pdiang ia ka jingthmu U Blei na ka bynta jong ki bad kim shym la shah ba u Iöannis un pynbaptis ia ki.

³¹"Ngan ong kumno shaphang kine ki brieve jong kane ka por? Badno ngan ianujor ia ki? Ki long kum kiei?"³²Ki long kum kito ki khynnah kiba shong ha ki jaka iew. Te kawei ka kynhun ka la ong ia kawei pat,

'Ngi la put ia ki bisli na ka bynta jong
phi,
hynrei phim shym la shad;
ngi rwai ia ki jingrwai sngewsih,
hynrei phim shym la iam.'

³³U Iöannis u la wan bad um shym la bam lymne dih waiñ, phi ong ia u, 'Uba shong ksuid.'³⁴U Khun u Brieve u wan u da bam bad da dih. Phi ia ong, 'Khmih ia u! U bam bad u dih waiñ lalot! U paralok jong ki nonglum khajna bad ki nongpop!'³⁵Hynrei la pyni ba ka jingstad ka long kaba shisha da kito kiba pdiang ia ka."

U Simon U Pharisi

³⁶Uwei na ki Pharisi u la khot bam ia U Jisu lem bad u. Te U Jisu u la leit sha ka iing jong uta u Pharisi bad u la shong ha ka miew bam.

³⁷La don te ka kynthei kaba pop ha kata ka shngong. Ka la tip ba U Jisu u la bam jingbam ha kata ka iing u Pharisi. Kumta kata ka kynthei ka la wallam ia ka jingiwbiñ kaba remdor bha ha u bilor alabastar.³⁸Ka la ieng hajan ki kjat U Jisu, ka da iam bad sait ia ki kjat jong u da la ki ummat. Ka la ñiad ruh ia ki kjat jong u da la u shñiuh khlieh bad ka la iai doh ia ki kjat jong u bunsien eh. Ka la pynsleh ruh ia ki kjat jong u da kata ka jingiwbiñ.

³⁹Haba uta u Pharisi uba la khot bam ia U Jisu u la iohi ia kane, u la pyrkhath

halade, “Lada une u briew u long shisha u nongiathuhlypa, un jin da la tip ba kane ka briew kaba ktah ia u ka dei ka nongpop!”

⁴⁰Te U Jisu u la ong ia uta u Pharisii, “Simon, nga don ei ei ban ong ia me.”

U Simon te u la ong, “To ong, ko Nonghikai.”

⁴¹U Jisu u la ong, “La don te ar ngut ki briew, baroh ar ngut ki la shah ram ha u nongairam. Uwei u la shah ha u san spah ki sbai rupa. Uta uwei pat u la shah shaphew ki sbai rupa. ⁴²Kita ki briew kim shym la don pisa ban siew ia kata ka ram. Hynrei uta uba airam u la ong ia ki ba kim donkam shuh ban siew. Te uno na kine ar u ban kham ieid ia u?”

⁴³U Simon u la jubab, “Nga tharai un dei uta uba shah ram khambun.”

U Jisu u la ong ia u, “Me la jubab ia kaba dei.” ⁴⁴Te u la phai sha kata ka kynthei bad u la ong ia u Simon, “Me iohi ia kane ka kynthei? Haba nga la wan sha ka iing jong me, mem shym la ai um ban sait ia ki kjat jong nga. Hynrei ka la sait ia ki kjat jong nga da ki ummat jong ka bad ka la niaid ruh da la u shniuh khlieh. ⁴⁵Mem shym la khublei ruh ia nga da ki jingdoh, hynrei kane ka la iai doh ia ki kjat jong nga naduh ba nga wan shaphoh. ⁴⁶Mem shym la niew burom ia nga ha kaba pynsleh umphniang ia ka khlieh jong nga, hynrei ma ka, ka la pynsleh ia ki kjat jong nga da ka umphniang ba iwbih. ⁴⁷Nga ong ha me ba ia ki pop ba bun ba ka la leh la mab noh ia ki. Kane ka la pynshisha namar ka la pyni ia ka jingieid bakhraw jong ka. Kita kiba ioh mab tang khyndiat ki ieid ruh tang khyndiat.”

⁴⁸Te U Jisu u la ong ia ka, “La mab ia ki pop jong pha.”

⁴⁹Kita te kiba ia shong bam lem hangta ki la ia pyrkhata halade, “U tharai ba u dei uei? Kumno u lah ban mab ia ki pop?”

⁵⁰U Jisu te u la ong ia kata ka briew, “Namar ba pha la ngeit, la pynim ia pha. To khie leit ha kaba suk.”

Ki Kynthei Kiba Iarap Ia U Jisu

8 ¹Ha ka sngi kaba bud, U Jisu u la iaid lyngba ki nongbah bad ki shnong rit. U da ialap ha ki ia ka Khubor Babha shaphang ka hima U Blei. Te ki khatar ngut ki apostol ki la don lem bad u. ²La don ruh bad u katto katne ki kynthei kiba U Jisu u la pynkhia ia ki na ki jingpang bad na ki mynsiem bymman. Kawei na ki ka dei ka Mari, ba la ju khot ka nong Magdala na kaba la lah mih noh ki hynniew ki ksuid.

³Ryngkat bad kine ki kynthei la don ruh ka Ioaanna, ka tnga u Khusa u nongpyniaid ia ka spah u Herod, ka Susanna bad shibun kiwei pat ki kynthei. Kine ki kynthei ki ju iarap ia U Jisu bad ia ki apostol da la ka pisa jong ki.

Ka Pharshi Shaphang U Nongbet Symbai

(Mt. 13:1–17; Mk. 4:1–12)

⁴Haba u paidbah ba bun na ki shnong baroh u la iawan lang, U Jisu te u la iathuh ha ki ia kane:

⁵“U nongrep u la leit ban bet ia u symbai. Katba u dang bet, katto katne ki la hap harud lynti. Ki briew ki la iuh ia uta u symbai bad ki sim bneng ruh ki la puh lut ia u. ⁶Uwei pat u la hap ha ki jaka maw. U la sdang ban mih hynrei shen u iap noh namar ba tyrkhong. ⁷Khyndiat ki la hap hapdeng ki dieng shiah. Une u symbai u la sdang ban mih, hynrei kham hadien kita ki dieng shiah ki la kchap ia uta u jingthung ban san. ⁸Uba sah na uta u symbai u la hap ha ka khyndew kaba bha. Une u symbai u la sdang ban san bad u la pynmih soh kiba shispah shah.”

Haba U Jisu u la pynkut ia ka pharshi. U la pyrta, “Phi kiba iohsngew ia nga to shahshkor!”

⁹Ki synran U Jisu ki la kylli ia u, “Kane ka pharshi ka mut aiu?”

¹⁰U la ong, “Ha phi la ai ban tip ia ki jingshisha barieh jong ka hima U Blei. Hynrei nga pynndonkam ia ki pharshi ban kren sha kiwei. Nga leh ia kane khnang ba

‘Kin wad,
hynrei kin ym shem,
bad kin shahshkor,
hynrei kin ym shemphang.’

Isaiah 6:9

U Jisu U Batai Ia Ka Pharshi Shaphang U Symbai

(Mt. 13:18–23; Mk. 4:13–20)

¹¹“Kane ka dei ka jingmut jong ka pharshi: U symbai u dei ka ktien U Blei. ¹²Don ki briew kiba long kum u symbai uba hap harud lynti. Ki iohsngew ia ka ktien U Blei, hynrei u Soitan u wan bad u pynpep ia ki na kaba puson shaphang jong ka. Kane ka pynpep ia ki na kaba ngeit ia ka bad ban iohlait im. ¹³Kiwei pat ki long kum u symbai uba hap ha jaka maw. Kane ka long kum kito ki briew kiba iohsngew ia ka ktien U Blei bad da kaba kmen ki pdiang ia ka. Hynrei kim don ka jingsuhthied kaba

jylliew. Ki ngeit tang shipor. Hynrei haba ki jingeh ki wan, ki phaidien noh na U Blei.

¹⁴“Kumno pat shaphang u symbai uba hap hapdeng ki dieng shiah? Une u long kum kito ki briew kiba iöhsngew ia ka ktien U Blei, hynrei ki jingkluslai, ka spah bad ki jingsngewbha jong kane ka jingim ki pynpep ia ki na ka ban san. Kumta kim lah ban pynmih soh. ¹⁵Bad kumno pat shaphang u symbai uba hap ha ka khyndew kaba bha? Uta u long kum kito ki briew kiba iöhsngew ia ka ktien U Blei da ka dohnud kaba beit bad basngur. Ki kohnguh ia ka bad da kaba iaishah eh ki pynmih ia u soh uba bha.

Pyndonkam İa Ka Jingshemphang Kaba Phi Don

(Mk. 4:21–25)

¹⁶“Ym don uba thang ia ka sharak bad uba tap pat ia ka da u khiew lane buhrieh ia ka hapoh khrum jingthiah. Pynban, ki buh ia ka sharak halor u dieng pynieng sharak khnang ba ki briew kiba wan kin iöhi. ¹⁷Baroh kata ia kaba la buhrieh yn sa pynpaw. Baroh ruh kaba rieh yn sa sei madan bad baroh kin iöhi ia ka. ¹⁸Kumta to pyrkhata bha ia kaei kaba phi iöhsngew. Kita kiba don ka jingshemphang kin iöhpdiang khambun. Hynrei kita ki bym don kin duh noh wat ia kata ruh kaba ki pyrkhata ba ki don.”

Ki Synran U Jisu Ka Longieng Bashisha Jong U

(Mt. 12:46–50; Mk. 3:31–35)

¹⁹Ka kmie U Jisu lem bad ki para jong u ki la wan ban jngoh ia u. Hynrei kim shym la lah ban wan hajan jong u, namar uta u paidbah ba bun. ²⁰La don te kiba la ong ia U Jisu, “Ka kmie jong me bad ki para ruh de ki ia ieng shabar. Ki kwah ban iakynduh ia me.”

²¹U Jisu u la jubab ia ki, “Ka kmie jong nga bad ki para jong nga ki dei kito kiba shahshkor ia ka ktien U Blei bad kiba kohnguh ruh ia ka.”

Ki Synran Ki İohi İa Ka İktiar U Jisu

(Mt. 8:23–27; Mk. 4:35–41)

²²Ha kawei ka sngi U Jisu lem bad ki synran jong u ki la kiew ha ka lieng. U la ong ia ki, “İa ngin İaleit sha shiliang ka duriaw.” Kumta ki la king sha shiliang. ²³Katba ki dang ia king ia ka lieng, U Jisu u la iöththiah. Te ka er iöng kaba jur ka la beh pyrshah ia ki bad la pyndap ia ka lieng da ka um bad ki la don ruh hapdeng ka

jingma. ²⁴Ki synran ki la leit sha U Jisu ban kyrsiew ia u. Ki la ong, “Kynrad! Kynrad! Ngin sa ngam jyllop!”

Te U Jisu u la ieng joit. U la hukum ia ka lyer bad ia ki jingatphyllung. Te ka lyer ka la sangeh bad ka duriaw ka la long jai jai pat. ²⁵U la ong ia la ki synran, “Hangno ka jingngeit jong phi?”

Ki la sheptieng bad sngewphylla eh. Ki la İakren para ma ki, “Uba kumno une u briew u long? U hukum ia ka lyer bad ka um bad ki kohnguh ia u.”

U Jisu U Pyllait İa U Briew Na U Mynsiem Bymman

(Mt. 8:28–34; Mk. 5:1–20)

²⁶Ynda U Jisu bad ki synran jong u ki la king sha shiliang kata ka duriaw. Ki la leit sha ki phang ha kaba ki nong Gadara ki shong, marshiliang ka Galilaia. ²⁷Haba U Jisu u la hiar na ka lieng, uwei u briew na kata ka shngong u la wan sha u. Une u briew u dei uba shong ksuid. La slem bah um shym la kup jaiİ shuh. Um shong ruh ha iing hynrei u im hapoh ki krem jingtep.

^{28–29}Uta u ksuid hapoh jong uta u briew bunsien u la ju kem jyndeı ia u. La ju buh ia u ha ka byndi ba la khum ia ki kti ki kjat da ki kynjri, hynrei borabor u ju bthata ia ki. Uta u ksuid hapoh jong u, u ju İiat ia u ban leit sha ki jaka kynjah. Te U Jisu u la hukum ia uta u mynsiem bymman ban mih noh na uta u briew. Haba uta u briew u la iöhi ia U Jisu, u la dem hakmat jong u da kaba pyrta jam, “Me donkam aiu bad nga, ko Jisu, U Khun U Blei bahakhlieh tam? Sngewbha, wat pynshitom ia nga!”

³⁰Te U Jisu u la kylli ia u, “Kaei ka kyrteng jong me?” Uta u briew u la jubab, “Ka kyrteng jong nga ka long Legeon^a,” namar shibun ki ksuid ki la shong ha u.

³¹Kita ki ksuid ki la kyrpad ia U Jisu ba un ym phah ia ki sha ka liewlong ba khlem trai. ³²Ha uta u lum la don shikynhun bah ki sniang kiba dang İabam. Kita ki ksuid ki la kyrpad ia U Jisu ban shah ia ki ban rung ha kita ki sniang. Kumta u la shah ia ki ban leh kumta. ³³Te kita ki ksuid ki la mih noh na uta u briew bad ki la leit rung ha kita ki sniang. Kata ka kynhun jong ki sniang ki la phet kyrtethep arsut uta u lum shapoh kata ka duriaw bad baroh ki la İap jyllop.

^a 8:30 **Legeon** Kat kum ka jingmut tynrai kamut u Paidbah, lane ka kynhun shipai kaba kynthup kumba 6000 ngut.

³⁴Kita ki brierw kiba sumar ia kita ki sniang ki la phet nangta bad ki la iaathuh ia kane ha ki lyngkha bad ha shnong. ³⁵Ki paidbah ki la leit ban iohi ia kaei kaba la jia. Ki la wan sha U Jisu bad ki la shem ia uta u brierw ba u da shong hangta ha ki kjat U Jisu. Uta u brierw u la kup jaiñ bad ba u da tip brierw pat; naba ki ksuid ki la lah mih noh na u. Kane ka la pynsheptieng ia ki. ³⁶Kita ki brierw kiba la iohi ia kine kiei kiei kiba la jia ki la iaathuh ruh ha kiwei shaphang kumno ba U Jisu u la pynkhiah ia uta u brierw. ³⁷Baroh kita kiba shong ha ki phang sawdong ka Gadara ki la kyrpad ia U Jisu ban leit noh na ki, namar la pyndap ia ki da ka jingsheptieng.

Kumta U Jisu u la kiew ha ka lieng ban leit phai pat sha Galilaia. ³⁸Uta u brierw uba la iohkhih u la kyrpad ban leit lem bad u. Hynrei U Jisu u la phah noh ia u, u da ong, ³⁹“Khie leit phai sha la iing bad iaathuh ha ki brierw ia kaei kaba U Blei U la lah leh na ka bynta jong me.”

Kumta uta u brierw u la leit kylleng ka shnong ban iaathuh ia kaei kaba U Jisu u la leh na ka bynta jong u.

U Jisu U Pynim Pat Ia Ka Khynnah Kaba Lah Iap Bad U Pynkhiah Ia Ka Brierw Kaba Pang

(Mt. 9:18–26; Mk. 5:21–43)

⁴⁰Haba U Jisu u la leit phai pat sha Galilaia, ki paidbah ki la pdiang sngewbha ia u. Baroh ruh ki la ia ap ia u. ^{41–42}U brierw uba kyrteung u Jairos u la wan sha u. U la long u nongialam ka synagog. U la don tang kawei ka khun kynthei kaba lah khatar snem ka rta kaba la pang la jan iap. Kumta u Jairos u la dem ha ki kjat U Jisu bad kyrpad ia u ban wan sha ka iing jong u.

Katba U Jisu u dang leit sha ka iing u Jairos, u paidbah u la ia kyntur shajan jong u. ⁴³La don ruh hangta ka kynthei kaba la pang mih snam la khatar snem. Ka la lah pynlut ia baroh ka spah ha ki nongsumar, hynrei ym don kiba lah ban pynkhiah ia ka. ⁴⁴Kane ka kynthei ka la wan na shadien U Jisu bad ka la ktah ia ki tduh ka jaiñkup jong u. Ha kata hi ka khyllipmat, ka jingmih snam ka la sangeh na ka. ⁴⁵Te U Jisu u la ong, “Mano ba la ktah ia nga?”

Baroh ki la ia phla ba kim shym la ktah ia u. U Petros u la ong, “Kynrad, u paidbah u long sawdong ia me, ki da ia kyntur ruh sha me.”

⁴⁶Hynrei U Jisu u la ong, “Don mano-re-mano ba la ktah ia nga. Nga sngewthuh ba ka bor ka la mih noh na nga.” ⁴⁷Haba

kata ka kynthei ka la sngewthuh ba kam lah shuh ban buhrieh ialade, ka la wan sha khmat da ka jingkyiuh. Ka la dem khrup ha ki kjat U Jisu. Haba baroh ki la sngap jar, ka la iaathuh balei ba ka la ktah ia u bad kumno ba la pynkhiah ia ka hangta hangta hi hadien ba ka la ktah ia u. ⁴⁸U Jisu u la ong ia ka, “Ko khun, la pynkhiah ia pha namar ba pha la ngeit. To khie leit ha kaba suk.”

⁴⁹Katba U Jisu u dang ia kren, la don kiba la wan na ka iing u nongialam synagog bad ki la ong ha u Jairos, “Ka khun jong me ka la iap! Wat pynkhuslai shuh ia U Nonghikai.”

⁵⁰U Jisu u la iohsngew ia kane bad u la ong ia u Jairos, “Wat sheptieng! Shu ngeit bad ka khun jong me kan im pat.”

⁵¹U Jisu u la leit sha kata ka iing. U la shah tang ia u Petros, u Ioannis, u Jakob bad ki kmie ki kpa jong kata ka khynnah ban rung shapoh lem bad u. ⁵²Baroh te ki la ia iam bad ia sngewsih namar ka jingiap kata ka khynnah. Hynrei U Jisu u la ong, “Wat iam. Kam shym iap. Ka shu ioththiah.”

⁵³Kita ki brierw te ki la ia rkhie beifñ ia u, namar ba ki da tip ba kata ka khynnah ka la lah iap. ⁵⁴Hynrei U Jisu u la bat na ki kti jong ka bad u la khot ia ka, “Ko khynnah rit, to ieng joit!” ⁵⁵Te ka mynsiem jong ka, ka la wan phai pat sha ka bad ka la ieng joit hangta hangta hi. U Jisu u la ong, “To ai ei ei ia ka ba kan bam.” ⁵⁶Ki kmie ki kpa kata ka khynnah ki la sngewphylla. U la maham ia ki ban ym iaathuh hano hano ruh ia kaei kaba la jia.

U Jisu U Phah Ia Ki Apostol Sha Ka Kam ialap

(Mt. 10:5–15; Mk. 6:7–13)

9¹U Jisu u la khot lang ia ki apostol. U la ai ha ki ia ka bor bad ka iktiar ban pynkhiah bad ban beh noh ia ki ksuid na ki brierw. ²U la phah ia ki ban ialap shaphang ka hima U Blei bad ban pynkhiah ia kiba pang. ³U la ong ia ki, “Haba phi leit, wat rah bad phi ia u diengduh. Wat rah ruh ia ka pla, jingbam, lane ka pisa, hynrei tang kata hi kaba phi phong. ⁴Haba phi rung hapoh ka iing, to sah hangta haduh ka por ba phin da mih noh. ⁵Lada ki brierw ha kata ka shnong kim pdiang sngewbha ia phi, to mih noh shabar kata ka shnong bad to kynthei ia ka khyndew na ki kjat jong phi kum ka dak ka jingmaham ia ki.”

⁶Kumta ki apostol ki la leit mih noh sha kylleng ki shnong. Ki da ialap ia ka Khubor Babha bad pynkhiah ruh ia ki brierw kylleng la kylleng.

U Herod U La Kulmar Shaphang U Jisu

(Mt. 14:1-12; Mk. 6:14-29)

⁷Te u Herod uba long u tetrank u la iohsngew shaphang kiei kiei baroh kiba la jia. U la shaöng namar ba don kiba ong, “U Ioannis u Nongpynbaptis u la mihpat na kiba iap.”
⁸Kiwei pat ki la ong, “U Elijah u la wan sha ngi” bad don pat kiwei kiba la ong, “Uwei na ki nongiathuhlypa mynbarim u la mihpat na ka jingiap.”
⁹U Herod u la ong, “Nga la khrai ia ka khlieh u Ioannis. Haba kumta uei une u brieve uba nga iohsngew shaphang kine kiei kiei. U Herod u la ia iapyrshang ban iakynduh ia U Jisu.

U Jisu U Bsa Palat Ia Ki San Hajar

(Mt. 14:13-21; Mk. 6:30-44; Jo. 6:1-14)

¹⁰Haba ki apostol ki la wan phai pat, ki la iathuh ha U Jisu ia kaei kaba ki la leh ha ka jingleit jong ki. Haden kata u la ialam noh ia ki sha ka shnong ba la khot ka Bethsaida, ia ka ban iadon kyrpang tang bad ki.
¹¹Hynrei u paidbah u la tip shano ba U Jisu u la leit bad ki la bud ia u. U Jisu u la pdiang sngewbha ia ki bad u la iathuh ha ki shaphang ka hima U Blei. U da pynkhiah ruh ia kita kiba pang ba shitom.

¹²Kham hadien ha kata ka janmiet, ki khatar ngut ki apostol ki la wan sha U Jisu bad ki la ong, “Ym don ba sah brieve ha kane ka jaka. To phah noh ia ki. Ki donkam ban wad jingbam bad ki jaka ban thiah ha ki bri bad ki shnong ba marjan hangne.”

¹³Hynrei U Jisu u la ong ia ki apostol, “To ai jingbam ia ki ban bam.”

Ki la ong, “Ngi don tang san tylli ki kpu bad ar tylli ki dohkha. Hato me mon ia ngi ba ngin leit thied jingbam na ka bynta kine baroh?” Ki la bun palat!
¹⁴Ki la don hangta san hajar tang ki rangbah.

U Jisu u la ong ia la ki synran, “Ong ia ki ban shong sanpew ngut shi kynhun kynhun.”

¹⁵Ki synran te ki la leh ia kane bad baroh ki la ia shong ha madan.
¹⁶Te U Jisu u la shim ia ki san tylli ki kpu bad ia ki ar tylli ki dohkha. U la khmied sha bneng bad ainguh ia U Blei na ka bynta ka jingbam. Haden kata u la kdiah u la ai sha ki synran ba kin sam sha uta u paidbah.
¹⁷Baroh ki la iabam bad ki la iakdang. Te ka la tam shibun ka jingbam bad la pyndap ia ki khatar shang da kita kiba sah tam.

U Petros U Phla Ba U Jisu U Dei U Mesaiah

(Mt. 16:13-19; Mk. 8:27-29)

¹⁸Ha kawei ka por katba U Jisu u dang duwai marwei, ki synran jong u ki la iawan lang

hangta bad U Jisu u la kylli ia ki, “Ki brieve ki ong ba nga dei uei?”

¹⁹Ki la jubab, “Don kiba ong ba me dei u Ioannis Nongpynbaptis. Kiwei ki ong me dei u Elijah. Kiwei pat ki ong ba me long uwei na ki nongiathuhlypa mynbarim uba la im pat.”

²⁰Te U Jisu u la ong sha la ki synran, “Phi pat phi ia ong ba nga dei uei?”

U Petros u la jubab, “Me long U Mesaiah jong U Blei.”

²¹Te U Jisu u la maham ia ki ban ym iathuh hano hano ruh.

U Jisu U Iathuh Ba Ka Dei Ia U Ban Iap

(Mt. 16:21-28; Mk. 8:30-9:1)

²²Hadien kane U Jisu u la ong, “U Khun u Brieve u dei ban shah shitom shibun kiei kiei. Yn kyntait ia u da ki basan, ki lyngdoh kiba kham hakmat bad ki nonghikai ka hukum. Te kin sa pyniap ruh ia u. Hynrei hadien lai sngi yn sa pynmihpat ia u na kiba iap.”

²³U Jisu u la bteng ban ong sha ki baroh, “Uno uno na phi uba kwah ban long u nongbud jong nga u dei ban keiñ noh na kaba pyrkhata shaphang ialade bad ia la ki jingkwah. Ha la ka sngi u dei ban bah ia la ka diengphna bad bud ruh ia nga.
²⁴Uno uno na phi uba pyrshang ban ri ia la ka jingim un duh noh ia ka. Hynrei uno uno uba kheiñduh ia la ka jingim na ka bynta jong nga, un shem ia ka jingim kaba shisha.

²⁵Kam myntoi ei ei ruh em ia phi ban ioh ia ka pyrthei baroh kawei lada phi hi phi jot noh.
²⁶Wat sngewlehraiñ ia nga bad ia ki jinghikai jong nga. Lym kumta, nga ruh ngan lehraiñ ia phi ynda ngan wan ha ka burom ba khraw jong nga bad ka jong U Kpa bad ka jong ki angel bakhuid.
²⁷To ngeit ia nga haba nga ong ba don napdeng jong phi kiba ieng hangne ki ban iohi ia ka hima U Blei ha shuwa ba kin iap.”

La Iohi Ia U Jisu Lem Bad U Moses Bad U Elijah

(Mt. 17:1-8; Mk. 9:2-8)

²⁸Kumba phra sngi hadien ba U Jisu u la lah ong ia kine kiei kiei, u la ialam ia u Petros, u Ioannis bad u Jakob sha u lum ban duwai.
²⁹Katba U Jisu u dang duwai, ka dur khmat jong u ka la kylla. Ki jaiñ phong jong u ki la lieh tyngshaiñ eh.
³⁰Te ar ngut ki brieve ki la don hangta, ki da iakren bad u. Kita ki dei u Moses bad u Elijah.
³¹Kine ruh ki la dap da ka burom kaba tyngshaiñ. Ki da iakren bad U Jisu shaphang ka jingiap jong u ka ban sa jia ha Jerusalem.
³²U Petros lem bad kita kiwei

ki la shoh samthiah eh. Haba ki la peitmat ki la iohi ia ka burom U Jisu lem bad ia kita ki ar ngut ki rangbah ba ki da ieng lang bad U Jisu.³³Ynda u Moses bad u Elijah ki la leit noh, u Petros u la ong, “Ko Kynrad, kan khambha ba ngin sah noh hangne. Ngin shna lai tylli ki iing trep—kawei ia me, kawei ia u Moses bad kawei ia u Elijah.” Hynrei um shym la shemphang ia kaei kaba u la kren.

³⁴Katba u Petros u dang kren ia kine kiei kiei, u lyoh u la tap ia ki. Te la pyndap ia u Petros, u Ioannis bad u Jakob da ka jingsheptieng.³⁵Ka sur ka la wan na uta u lyoh, ka da ong, “Une u dei U Khun jong nga ia uba nga la jied. To phin kohnguh ia u.”

³⁶Haba ka sur ka la sangeh, la don tang U Jisu hangta. U Petros, u Ioannis bad u Jakob kim shym la kren ei ei shuh. Kim shym la iathuh hano hano ruh ia kaei kaba ki la iohi hadien slem bah.

**U Jisu U Pyllait Ia U Khynnah
Na U Mynsiem Bymman**

(Mt. 17:14–18; Mk. 9:14–27)

³⁷Ha ka sngi kaba bud, ynda U Jisu, u Petros, u Ioannis bad u Jakob ki la wan hiar na uta u lum. U paidbah ba bun u la wan ban iashem ia U Jisu.³⁸Uta u brier na kata ka kynhun u la pyrta ia u, “Ko Nonghikai, sngewbha wan ban khmih ia u khun jong nga. U long u khun marwei ba nga don.³⁹U mynsiem bymman u ju kem ia u bad u ju lynniar. Um lah ban synshar ialade bad u ju sei tyrtho na ka shyntur. Une u mynsiem bymman u ju pynmynsaw ia u bad um ju ieh ia u.⁴⁰Nga la kyrpad ia ki synran jong me ban beh noh ia une u mynsiem bymman, hynrei kim shym la lah ban leh ia kata.”

⁴¹Te U Jisu u la jubab, “Phi kiba khlem ka jingngeit. Ka jingim jong phi kaba kynriang. Slem katno ba ngan long bad phi bad ba ngan iaishah bad phi?” Te U Jisu u la ong ia uta u brier, “Wallam ia u khun jong me hangne.”

⁴²Katba uta u khynnah u dang wan, uta u ksuid u la lympat ia u ha madan. Uta u khynnah um shym la lah shuh ban synshar ialade. Hynrei U Jisu u la dumok ia uta u mynsiem bymman. Hadien kata la pynkhih ia uta u khynnah bad U Jisu u la ai pat ia u sha u kpa jong u.⁴³Baroh ki brier ki la sngewphylla ia ka bor bakhraw U Blei.

U Jisu U iathuh Shaphang La Ka Jingiap

(Mt. 17:22–23; Mk. 9:30–32)

Katba kita ki brier ki dang ia sngewlyngngoh shaphang kiei kiei kiba U Jisu u la leh. U

la ong ia la ki synran,⁴⁴“Wat klet ia kaei kaba ngan iathuh ha phi mynta: Ia U Khun u Brier yn sa aiti noh shen sha ka bor jingsynshar kiwei pat ki brier.”⁴⁵Hynrei ki synran kim shym la sngewthuh u mut aü, namar la buhriehnoh na ka jingshemphang jong ki. Hynrei ki la sngewsheptieng pat ban kylli ia U Jisu shaphang kaei kaba u la kren.

Uei Uba Kham Khraw?

(Mt. 18:1–5; Mk. 9:33–37)

⁴⁶Ki synran U Jisu ki la sdang ban iasaid nia uei napteng jong ki uba kham khraw.⁴⁷U Jisu u la tip ia kaei kaba ki ia pyrkat, u la shim ia uwei u khynnah rit bad u la pynieng ia u hajan hangta.⁴⁸Te u la ong ia la ki synran, “Uno uno u ban pdiang ia u khynnah rit kum une ha ka kyrteeng jong nga u pdiang ia nga bad uno uno uba pdiang ia nga u pdiang ia uta uba la phah ia nga. Uta uba khamrit hapteng jong phi—uta keiñ u long uba khraw.”

**Uta U Bym Pyrshah Ia Phi U
Long Ha Ka Liang Jong Phi**

(Mk. 9:38–40)

⁴⁹U Ioannis u la phai ktien, “Kynrad, ngi la iohi ia uwei ba u pyndonkam ia ka kyrteeng jong me ban beh ksuid. Ngi la maham ia u ba un sangeh noh namar um shym long na ka kynhun jong ngi.”

⁵⁰U Jisu u la ong ia u, “Wat pynsangeh ia u. Uta u bym ialeh pyrshah ia phi u long ha ka liang jong phi.”

Ka Shnong Ki Nong Samaria

⁵¹Ka por ka la nang jan ba U Jisu un sa kiew noh sha bneng. U la kut jingmut ban leit sha Jerusalem.⁵²U la phah katto katne ki nonglamktien ha shuwa jong u. Te ki la leit sha ka shnong kaba ha Samaria ban pynkhreh ia kiei kiei baroh na ka bynta jong u.⁵³Hynrei kita ki brier hangta kim shym la pdiang sngewbha ia U Jisu namar ba u thmu ban leit sha Jerusalem.⁵⁴U Jakob bad u Ioannis, ki synran U Jisu haba ki la iohi ia kane ki la ong, “Kynrad, me mon ia ngi ba ngin hukum da ka ding na bneng ban bam duh ia kito ki brier kumba u Elijah u la leh?”

⁵⁵Hynrei haba U Jisu u la phai sha ki u la pynrem ia ka jingkren jong ki bad u la ong, “Phim shym tip kaba kum kano ka jait mynsiem phi iadon.⁵⁶U Khun u Brier um shym la wan ban pnyot ia ka jingim ki brier hynrei ban pynim ia ki.” Hadien kane ma u bad ki synran jong u ki la leit noh sha kawei pat ka shnong.

Kaba Bud İa U Jisu*(Mt. 8:19–22)*

⁵⁷Katba ki dang İa İaid te ha kata ka lynti la don ba la ong İa U Jisu, “Ngan bud İa me kat shaba me leit.”

⁵⁸U Jisu la jubab, “Ki myrsiang ki don İa ki thliew ban shong. Ki sim ki don İa ki skum. Hynrei U Khun u Briew um don ka jaka ban buh İa la ka khlieh.”

⁵⁹Te U Jisu u la ong İa uwei pat, “Bud İa nga!” Hynrei uta u briew u la ong, “Kynrad, shah İa nga ban tep shuwa İa u kpa jong nga.”

⁶⁰Hynrei U Jisu u la ong İa u, “Ai ba kita kiba İap kin tep İa la kiba İap. Hynrei ma me khie leit ban İalap shaphang ka hima U Blei.”

⁶¹Uwei pat u briew u la ong, “Ngan bud İa me Trai, hynrei shah İa nga ba ngan leit ban ai khublei shuwa İa ki bahaİng hasem jong nga.”

⁶²U Jisu u la ong, “Uno uno uba sdang ban lur İa ka lyngkha hynrei uba kyrtiang dien um long uba la bit na ka bynta ka hima U Blei.”

U Jisu U Phah İa Ki Hynİiewpnew Ngut Ki Synran

10¹Hadien kane, U Trai u la jied sa İa ki hynİiewpnew ngut ki synran jong u. U la phah İa ki ar ar ngut ha shuwa jong u sha ki shnong bad ki jaka baroh kiba u la thmu ban leit. ²U la ong İa ki, “Ka don ka jingot kaba khraw ban wallam İa ki briew shaphoh. Hynrei don tang khyndiat ngut ki nongtrei. U Blei u long u kynrad jong kata ka jingot. To kyrpad namar kata ba un phah İa ki nongtrei ki ban İarap sha ka jingot jong u.

³“To khie leit mynta. Hynrei shahshkor İa kane! Nga phah İa phi kum ki langbrot hapdeng ki suri. ⁴Wat rah pla pisa ei ei bad phi, lyenne ka pla jingbam, ne ka juti. Wat khublei İano İano ha kata ka lynti. ⁵Ha shuwa ba phin rung ha kano kano ka İing, to ong, ‘Long ka jingsuk ha kane ka İing.’

⁶Lada ki briew kiba sah hangta ki long kiba İeid İa ka jingsuk, kata ka jingkyrkhu jong phi kan sah bad ki. Hynrei lada kam long kumta, kan wan phai pat sha phi. ⁷To shong ha kata ka İing. To bam to dih kat kaba ki ai İa phi. Naba u nongtrei u dei ban İoh İa la ka nong. Phim dei ban kynriah na kawei ka İing sha kawei pat.

⁸Lada phi leit sha kano kano ka shnong bad ba ki briew jong ka ki pdiang sngewbha İa phi, bam İa ka jingbam kaba ki ai ha phi. ⁹Phin pynkhiah İa kiba pang

kiba don hangta bad phin ong ha ki, ‘ba ka hima U Blei ka long hajan jong ki!’

¹⁰“Hynrei lada phi leit sha kano kano ka shnong bad ki briew jong ka kim pdiang sngewbha İa phi, to mih noh sha ki lynti bah jong kata ka shnong bad ong, ¹¹“Wat İa ka khyndew na ka shnong jong phi kaba snoh ha ki kjat jong ngi, ngi kynther noh pyrshah sha phi. Hynrei to tip ba ka hima U Blei kan sa wan noh shen shen.’ ¹²Nga ong ha phi, ba ha ka sngi jingbishar kan long kham shyrkhei İa ki briew jong kata ka shnong ban İa ki briew jong ka Sodom.

U Jisu U Maham İa Ki Briew Ki Bym Kylla Kaba Mut*(Mt. 11:20–24)*

¹³“Kan long kaba shyrkhei na ka bynta jong pha Khorasin bad Bethsaida! Naba lada İa kine ki kambah la leh ha Tairos bad Sidon, ki briew hangta kin jin da la kup da ka jaiİ byrni bad sleh da u dpei kum ka dak jong ka jingsngewsih namar la ki pop bad kin jin da la kylla kaba mut ruh la slem bah. ¹⁴Hynrei ha ka sngi jingbishar kan long kham shyrkhei İa pha ban İa ka Tairos bad Sidon. ¹⁵İa pha ruh, Kapernam, hato yn kyntiew İa pha shaduh ki bneng? Em! Yn bret İa pha pynban sha ka jaka jong ki riewiap!

¹⁶“Jar kiba shahshkor İa phi kiba long ki synran jong nga, ki shahshkor İa nga. Hynrei jar kiba kyntait İa phi, ki kyntait keiİ İa nga bad haba ki kyntait ban pdiang İa nga, ki kyntait ban pdiang İa uta uba la phah İa nga.”

Ka Jingwanphai Ki Hynİiewpnew Ngut

¹⁷Haba ki hynİiewpnew ngut ki synran ki la wan phai pat na ka jingleit jong ki, ki la sngewkmen shikatdei eh. Ki da ong, “Kynrad, wat ki ksuid ki kohnguh İa ngi haba ngi beh İa ki ha ka kyrteng jong me!”

¹⁸U Jisu u la ong İa ki, “Nga İohi İa u Soitan ba u hap kum ka leilieh na suiİbneng. ¹⁹Hynrei nga la ai ha phi İa ka iktiar ban İuhroit halor ki bseİİ bad ki İianglartham bad halor ka bor u nongshun baroh. Ym don ei ei ruh ka ban pynsniew İa phi. ²⁰Pynban wat shu kmen ba la pyndem İa ki mynsiem hapoh jong phi. Hynrei to phin kmen khamtam eh ba İa ka kyrteng jong phi la thoh ha bneng.”

U Jisu U Ainguh İa U Kpa*(Mt. 11:25–27; 13:16–17)*

²¹Ha kata hi ka por la pyndap İa U Jisu da ka jingkmn ha U Mynsiem Bakhuid bad

u la ong, “Nga ainguh ia me ko Kpa, U Trai jong ka bneng bad ka khyndew ba me la buhrieh ia kine kiei kiei na kiba stad bad ba shemphang, hynrei me la pynpaw ia ki sha ki briew kiba long kum ki khunlung. Hood, ko Kpa, me la leh ia kane namar kata ka long kaba ibit hakhmat jong me.

²²“U Kpa jong nga u la ai ha nga ia kiei kiei baroh. Ym don uba ithuh ia U Khun, hynrei tang U Kpa. Ym don ruh uba ithuh ia U Kpa hynrei tang U Khun bad ia kita kiba U Khun u jied ban pynithuh.”

²³Te U Jisu u la phai sha la ki synran kiba la don kyrpang hangta bad u. U la ong ia ki, “Ka jingkyrkhu kaba khraw ka long ia phi kiba la iohi ia kiei kiei kiba phi iohi! ²⁴Nga ong ha phi, bun ki nongiathuhlypa bad ki syiem ki la kwah ban iohi ia kaei kaba phi iohi, hynrei kim shym la iohi bad ki la kwah ban iohsngew ia kaei kaba phi iohsngew, hynrei kim shym la iohsngew.”

Ka Pharshi Shaphang U Nong Samaria Uba Bha

²⁵Hakhmih ruh uwei u riwestad jong ka hukum u la ieng joit ban tynjuh ia U Jisu. U da kylli ia u, “Ko Nonghikai, kaei ba nga dei ban leh ban ioh ia ka jingim bymjukut?”

²⁶U Jisu u la ong ia u, “Ha ka hukum la thoh aiu? Kaei ba me sngewthuh na ka?”

²⁷Uta u briew u la jubab, “Men ieid ia U Trai U Blei jong me da ka dohnud jong me baroh, da ka mynsiem jong me baroh, da ka bor jong me baroh bad da ka jingmut jong me baroh, kumjuh ruh, ‘Men ieid ia u paramarjan jong me kumba ialade.’”

²⁸U Jisu u la ong te ha u, “Me la jubab ia kaba dei. To leh ia kane te men ioh im.”

²⁹Hynrei namar ba uta briew u kwah ban pynksan ialade, u la kylli ia U Jisu, “Uno te uba long u paramarjan jong nga?”

³⁰Ban jubab ia kane ka jingkylli, U Jisu u la ong, “Uwei u briew u la leit hiar arsut na Jerusalem sha Jerikho. Ki nonglute ki la kynrup ia u, ki la tar ia ki jainkup jong u bad ki la shoh ia u. Haden kata ki la ieh ia u ba la thiahi lyngktar ha madan kum uba la iap.

³¹“Ka la jya te ba u lyngdoh u la iaied na kata ka lynti. Haba u la iohi ia uta u briew, um shym la sangeh ban iarap ia u. U la nangleit te la ka jingleit. ³²Haden kata, u Lebi u la iaied najan nangta. U la iohi ia uta u briew uba mynsaw, u ruh u la phai noh nangta shawei pat. Um shym la iarap ia u hynrei u la leit noh.

³³Haden kata uwei u nong Samaria uba dang leit jingleit u la iaied lynti nangta. Haba u la poi ha kata ka jaka u la iohi ia uta u

briew uba mynsaw bad u la sngewsynei ia u. ³⁴Uta u nong Samaria u la leit sha u bad u la theh ia ka umphniang olib bad ka waii ha ki jingmong jong u. Haden kata u la sop spaii ia ki jingingemsnam jong uta u briew. Uta u nong Samaria u la buh ia uta u briew ba mynsaw ha u kadda jong u bad u la iaialam ia u sha ka iingsah basa. Hangta u la sumar ia u. ³⁵Ha ka sngi kaba bud haba un sa leit noh, uta u nong Samaria u la sei ar tylli ki sbai rupa ban ai ha uta u trai ka iing basa. U da bthah ia u, ‘Sumar ia une u briew. Lada me la pynlut tam, ngan sa siew pat sha me ynda nga la wan phai.’”

³⁶Te U Jisu u la kylli, “Uno na kine ki lai ngut ba me pyrkhath ba u dei shisha u paramarjan jong uta u briew uba hap ha ki nonglute?”

³⁷Uta u nonghikai ka hukum u la ong “Uta uba la iarap ia u.”

Te U Jisu u la ong, “Khie leit ma me ruh bad to leh kumjuh.”

Ka Jingleit Jngoh U Jisu Ia Ka Mari Bad Martha

³⁸Katba U Jisu bad ki synran jong u ki dang leit jingleit, u la rung sha kawei ka shnong bad ka kynthei kaba kyrteng ka Martha ka la pdiang sngewbha ia u ban sah ha iing jong ka. ³⁹Ka la don te ia ka para kaba kyrteng ka Mari, kaba la shong ha ki kjat U Jisu ban shahshkor ia ki jinghikai jong u. ⁴⁰Hynrei ka Martha ka la bunkam ban pyndep ia ki kam ki jam baroh. Te ka la leit bad ka la ong ia U Jisu, “Kynrad, mem khmih ba ka para jong nga ka la shu ieh lut tang ha nga marwei ban leh ia ki kam baroh? To ong ia ka ba kan iarap lem ia nga!”

⁴¹Hynrei U Trai u la jubab ia ka, “Martha, Martha, pha la shu khuslai bad pynjynjar ialade shaphang bun kiei kiei. ⁴²Hynrei kawei kaba donkam eh. Ka Mari te ka la pynlong ia ka jingjied kaba dei bad da lei lei yn ym shim noh ia kata na ka.”

U Jisu U Hikai Shaphang Ka Jingduwai
(Mt. 6:9-15)

11 ¹Ha kawei ka por haba U Jisu u la leit ban duwai bad haba u la dep, uwei na ki synran u la ong ia u, “U Ioannis u hikai ia la ki synran kumno ban duwai. Kynrad, hikai ia ngi ruh ban duwai.”

²Te U Jisu u la ong ia la ki synran, “Kumne phi dei ban duwai:

‘Ko Kpa jong ngi uba ha bneng, ai ba ka kyrteng jong Me kan long ba la niew kyntang,

- ³To ai ha ngi ka jingbam kaba man la ka sngi.
⁴Mab ia ki pop jong ngi,
 kumjuh kumba ngi mab ia kiba leh sniew ia ngi.
 To pyllait ia ngi na ka jingpynshoi.”

Pan İa Kaba Phi Donkam Na U Blei

(Mt. 7:7–11)

^{5–6}Hadien kane U Jisu u la ong ia ki, “Shu buh uwei na phi u leit sha ka iing u paralok jong phi ha ka por shiteng synña bad u ong ia u, ‘U paralok jong nga u wan ban jngoh ia nga. Hynrei ngam don ei ei ban ai bam ia u. Sngewbha ai ia nga lai tylli ki kpu.’⁷Uta u paralok na shapoh ka iing un jubab bad ong, ‘Khie leit noh! Wat pynthud ia nga! Nga la dep khang ia ka jingkhang. Ki khun jong nga bad ma nga ngi la iathiah. Ngam lah shuh ban nang khie bad ban ai jingbam ia me mynta.’⁸Nga ong ha phi, tang namar ba u dei u paralok kam mut ba un khie ban ai jingbam ia u. Hynrei namar ba u İai pan kumta un ai ha u İa kata kaba u donkam.⁹Kumta nga ong ha phi, İai pan bad U Blei un sa ai ha phi. İai wad bad phin sa shem. İai tied bad yn sa plie İa phi.¹⁰Hooïd, uta baroh uba pan un iohpdiang. Uno uno uba İai wad un shem bad uno uno uba İai tied yn plie İa u.¹¹Ma phi kiba don khun, phin leh kumno lada u khun jong phi u pan dohkha? Hato phin ai İa u da u bseiñ?¹²Lane, lada u pan pylleng, hato phin ai İa u da ka ñianglartham? Da lei lei ruh em!¹³Wat ma phi kiba bymman phi tip kumno ban ai İa kiei kiei kiba bha İa la ki khun. Da shisha U Kpa jong phi uba ha bneng un ai İa U Mynsiem Bakhuid ha kita kiba pan na u.”

Ka İktiar U Jisu Ka Long Na U Blei

(Mt. 12:22–30; Mk. 3:20–27)

¹⁴Ha kawei ka por U Jisu u la beh noh İa u ksuid na u briew u bym nang ban kren. Haba uta u ksuid u la mih noh, uta u briew u la lah ban kren. U paidbah baroh te u la sngew kyndit.¹⁵Hynrei la don kiba ong, u pyndonkam da ka bor u Soitan, uba long u nongsynshar ki ksuid ban beh İa ki ksuid na ki briew.”

¹⁶La don pat katto katne kiba la kwah ban tynjuh İa U Jisu. Ki la dawa İa u ban leh İa ka kambah kum ka dak na U Blei.¹⁷Hynrei u la tip İa kaei ba ki İa pyrkhath. Kumta u la ong ha ki, “Baroh ka hima kaba İaleh pyrshah İalade kan jot noh. Bad ka longiing kaba İaleh makynti kan pra.¹⁸Kumta lada u Soitan u İaleh pyrshah

İalade, da kumno ka hima jong u kan neh? Phi ong ba nga pyndonkam da ka bor u Soitan ban beh noh İa ki ksuid.¹⁹Hynrei lada nga pyndonkam da ka bor u Soitan ban beh İa ki ksuid, haba kumta da ka bor aïu ba ki briew jong phi ki pyndonkam ban beh noh İa ki ksuid. Kumta ki briew ki jong phi hi ki pynshisha ba phi bakla.²⁰Hynrei lada nga pyndonkam da ka bor U Blei ban beh noh İa ki ksuid, kane ka pyni ba ka hima U Blei ka la wan ha phi mynta.

²¹“Haba u briew uba khlaiñ ryngkat bad ki atiar İaleh u pahara İa la ka iing, kita kiei kiei kiba ha ka iing jong u ki don ha ka jingİada.²²Hynrei shu buh uta uba kham khlaiñ bor u wan bad u jop İa u, te un kurup noh İa ki atiar İaleh kiba uta u briew u la shaniah ban İada İa ka iing jong u. Te uta uba kham khlaiñ bor un leh katba u mon İa kita kiei kiei kiba long jong uta u briew.

²³“Uno uno u bym long bad nga u long pyrshah İa nga bad uno uno u bym İatrei lang bad nga u trei pyrshah İa nga.

Ka Jingma Jong Ka Jingthylli

(Mt. 12:43–45)

²⁴“Haba u mynsiem bymman u la mih noh na u briew, u İaid kylleng ki jaka ryngkhiang, u da wad İa ka jaka ban shongthait. Hynrei um shym la shem satia. Kumta u la ong, ngan leit phai pat sha ka iing na kaba nga la mih.’²⁵Haba u la wan phai, u la shem ba kata ka iing ka la khuid bad pynbeit itynnad bha.²⁶Te uta u mynsiem u mih noh bad u wallam sa hynñiew kiwei pat ki mynsiem kiba kham bymman ban İa u. Ki baroh ki la leit ban shong hangta bad uta u briew u la kham sniew bun shah ban İa kaba mynnyngkong.”

Ki Briew Kiba U Blei U Kyrkhu

²⁷Katba U Jisu u dang kren İa kine kiei kiei, kawei ka kynthei napdeng uta u paidbah ka la pyrta İa u, ‘B’la kyrkhu long kata ka briew kaba la kha bad bsa ruh İa me!”

²⁸Hynrei U Jisu u la ong, “Ki briew kiba İohsngew İa ka jinghikai U Blei bad kiba kohnguh İa ka, kita keiñ ki long ki b’la kyrkhu jong U Blei.”

Don Kiba Artatien İa Ka İktiar U Jisu

(Mt. 12:38–42; Mk. 8:12)

²⁹Te u paidbah u la nang kham İabun. U Jisu u la ong, “Ki briew jong kine ki sngi ki long kiba bymman. Ki pan İa ka dak na

U Blei. Hynrei ym don kano kano ka dak ka ban pynshisha ei ei ia ki. Lait tang kata kaba la jia ia u Jonah.³⁰ U Jonah u la long ka dak na ka bynta kito kiba im ha Ninebe. Ka long kumjuh ruh bad U Khun u Briew. Un long ka dak na ka bynta ki briew jong kane ka pateng.

³¹“Ha ka sngi jingbishar, phi kiba im mynta yn ianujor bad ka syiem kaba na Shathie bad ka kan long ka sakhi ba phi long kiba rem. Balei ba nga ong ia kane? Namar ka la wan na sha jngai bah, ban shahshkor ia ka jinghikai bastad jong u Solomon bad nga ong ha phi ba uba kham khraw ban ia u Solomon u don hangne, hynrei phim treh ban shahshkor!

³²“Ha ka sngi jingbishar, phi kiba im mynta yn ianujor bad ki briew ka Ninebe bad ki kin long ka sakhi ba phi long kiba rem. Nga ong ia kane namar u Jonah u la ialap sha kine ki briew, ki la kylla kaba mut. Hynrei phi phi la ia shahshor ia uta uba kham khraw ban ia u Jonah, pynban phi la kyntait ban kylla kaba mut!

To Long Ka Jingshai Sha Ka Pyrthei

(Mt. 5:15; 6:22–23)

³³“Ym don uba tbeh ia ka sharak bad uba buh pat ia ka hapoh u khiew lane tap ia ka. Pynban, ki buh ia ka ha u dieng pynieng sharak ban pynshai ia ki briew kiba wan rung shapoh.³⁴ Ka tyllong jong ka jingshai na ka bynta ka met ka dei ka khmat. Haba phi kmih ia ki briew bad ba phi kwah ban iarap ia ki, phi long kiba dap da ka jingshai. Hynrei haba phi peit ia kiwei da ka jingbyrtia, phi long kiba dap da ka jingdum.³⁵ Kumta to sumar! Wat ai ba ka jingshai kaba ha phi kan long ka jingdum.³⁶ Lada phi long kiba dap da ka jingshai bad ym shym don ka bynta kaba dum ha phi, te hangta kan tyngshaiñ bha la kumba phi don ia ka jingshai jong ka sharak kaba shai ha phi.”

U Jisu U Pynrem Ia Ki Nongialam Niam

(Mt. 23:1–36; Mk. 12:38–40; Lk. 20:45–47)

³⁷Hadien ba U Jisu u la dep ban kren, uwei u Pharisi u la khot ia u ban iabam lem bad u. Kumta u la leit bad u la shong ha ka miej bam.³⁸ Hynrei uta u Pharisi u la lyngngoh haba u la iohi ba U Jisu um shym la sait ia la ki kti ha shuwa ba un bam.³⁹ Te U Trai u la ong ia u, “Ka jingsait kti kaba ma phi ki Pharisi phi ia leh ka long kum ka jingpynkhuid ia kaba shabar jong ka khuri ne ka pliang. Hynrei kaba kumno

kaba shapoh jong phi? Phi ia kwah tang ban shukor bad ban pynmong ia ki briew.⁴⁰ Phi long kiba bieit! Uta ujuh uba thaw ia kaba shabar u thaw ruh ia kaba shapoh.⁴¹ Haba kumta to khmih bha kaba kumno kaba shapoh ka long. Ai sha ki briew kiba donkam ia ka jingiarap. Te phin long kiba khuid da shisha.

⁴²“Ka jingkordit kan long ia phi ki Pharisi! Phi ai sha U Blei ia kaba shiphew na ka jingbam kaba phi ioh, wat na u pudina, u jhur kthang bad baroh ki jait jingthung ha ka kper jong phi. Hynrei phi leh klet pat ban leh babha ia kiwei bad ban ieid ruh ia U Blei. Kine ki dei kiei kiei kiba phi dei ban leh bad phi dei ruh ban iaineh ban leh ia kito kiwei pat kiei kiei.

⁴³“Ka jingkordit kan long ia phi ki Pharisi namar phi ieid ban shong ha ki jaka kiba kongsan ha ki synagog bad phi ieid ruh ba ki briew kin pynpaw ia ka jingñiewkor ia phi ha ki jaka iew.⁴⁴ Ka jingkordit kan long ia phi, namar phi long kum ki jingtep ba lah dam. Ki briew ki iuh nalor jong ki khlem da tip.”

⁴⁵Uwei na ki riewstad jong ka hukum u la ong ia U Jisu, “Ko Nonghikai, haba me kren ia kine kiei kiei shaphang ki Pharisi, me kren kynthah ruh ia ngi.”

⁴⁶U Jisu u la jubab, “Ka jingkordit kan long ruh ia phi ki riewstad jong ka hukum! Phi thaw ia ki aiñ kiba pyrkhing kiba jynjar ia ki briew ban kohnguh. Phi pyrshang ban pynbor ia kiwei ban kohnguh ia ki aiñ jong phi. Hynrei phi ialade phim ju pyrshang ban bud ia kawei ruh na ki.⁴⁷ Ka jingkordit kan long ia phi, namar phi tei ia ki mot jingtep na ka bynta ki nongiathuhlypa. Hynrei kine ki dei kijuh ki nongiathuhlypa ia kiba ki kpa tymmen jong phi ki la pyniap!⁴⁸ bad mynta phi pyni sha ki briew baroh ba phi iamynjur bad kaei kaba ki kpa tymmen jong phi ki la leh. Ki, ki la pyniap ia ki nongiathuhlypa bad ma phi pat phi iatei mot na ka bynta jong ki!⁴⁹ Kane ka dei ka daw balei ba U Blei ha la ka jingstad u la ong, “Ngan phah ia ki nongiathuhlypa bad ia ki apostol sha ki. Don napdeng ki nongiathuhlypa bad ki apostol jong nga ki ban sa shah pyniap bad kiwei pat kin shah lehbein lehkhoh ha ki riewbymmam.”

⁵⁰“Kumta phi kiba im haduh mynta yn pynshitom na ka bynta ka jingiap jong baroh ki nongiathuhlypa kiba la shah pyniap naduh kaba sdang ka pyrthei.⁵¹ Yn pynshitom ia phi namar ka jingiap u Abel. Bad ruh namar ka jingiap u Sakharaiia, ia uba phi la ia pyniap hapdeng ka duwan jong ka Templ. Hooid,

nga ong ia phi ba yn pynshitom ia phi na ka bynta jong ki baroh.

⁵²“Ka jingcordit kan long ia phi ki riewstad jong ka hukum! Phi la shim noh ia u shabi ka jingtip shaphang U Blei. Phi dalade phim shym treh ban shah hikai bad phi pynpep ruh ia kiwei na kaba ioh jinghikai.”

⁵³Haba U Jisu u la mih noh, ki nonghikai jong ka hukum bad ki Pharisi ki la pynwit shikatdei ia u. Ki la pyrshang ban kylli jingkylli ia u shaphang shibun kiei kiei. ⁵⁴Ki da pyrshang ruh ban kem daw pyrshah ia u hangno ba un kren bakla.

Wat Long Kum Ki Pharisi

12 ¹Bun hajar u paidbah u la iawan lang bad ki da thynñian bad iuh iwei ia iwei pat. Ha shuwa ba U Jisu un kren sha uta u paidbah, u la ong ia la ki synran, “To sumar na u thiat ki Pharisi. Nga mut ban ong ia ka jingersap jong ki. ²Kata baroh ia kaba la buhrieh yn sa pynpaw bad baroh ruh kaba rieh jong u briew yn sa pynbna. ³Kaei kaba nga ong ha kaba dum yn iathuh ia ka ha kaba shai bad kaei kaba phi pasiaw ha ka kamra kaba rieh yn sa pyrta na tnum iing.”

To Sheptieng Tang Ia U Blei

(Mt. 10:28-31)

⁴Hadien kane U Jisu u la ong ruh sha u paidbah, “Nga ong ha phi ki lok jong nga, wat sheptieng ia ki briew kiba lah ban pyniap tang ia ka met, hynrei ki bym donbor ei ei shuh hadien jong kata. ⁵Ngan pyni ia phi iano phi dei ban kham sheptieng. Phi dei ban sheptieng ia U Blei keiñ, uba don ia ka bor ban pyniap bad ban bret ruh ia phi sha duk. Hooi, dei tang ia u ba phi dei ban sheptieng.

⁶“Haba ki die ia ki sim, san tylli ki shong dor tang ar pisa. Hynrei U Blei um shym la klet ia iwei ruh na ki. ⁷Hooi, U Blei u tip ruh katno tylli ki shñiuh ki don ha ka khlieh jong phi. Wat sheptieng. Phi kham kordor ban ia shibun ki sim.

Wat Sngewlehraiñ Ia La Ka Jingngeit

(Mt. 10:32-33; 12:32; 10:19-20)

⁸“Nga ong ha phi, lada phi ieng hakhmat kiwei bad long la kloï ban phla ba phi ngeit ha nga, te nga ruh ngan phla ia kane hakhmat ki angel U Kpa jong nga ba phi dei ki jong nga. ⁹Hynrei, lada phi ieng hakhmat kiwei bad phi ong ba phim ngeit ha nga, te nga ruh ngan sa ong hakhmat ki angel U Kpa jong nga ba phim long ki jong nga.

¹⁰“Uno uno u ban kren pyrshah ia U Khun u Briew lah ban mab ia u. Hynrei uno uno u

ban kren pyrshah ia U Mynsiem Bakhuid yn ym mab shuh ia u.

¹¹“Haba ki briew kin ring ia phi sha synagog hakhmat ki nongialam bad kiwei pat ki briew ba pawkhmat, wat khuslai shaphang kaei kaba phin kren. ¹²U Mynsiem Bakhuid un sa hikai ia phi ha kata ka por ia kaei ba phin kren.”

U Jisu U Maham Pyrshah Ia Ka Jingbyrtia

¹³Uwei u briew napdeng uta u paidbah u la ong ia U Jisu, “Ko Nonghikai, u kpa jong ngi u la iap noh bad u la ieh katto katne na ka bynta jong ngi. Ong lem ia u hynmen ban iabynta lem bad nga.”

¹⁴Hynrei u Jisu u la ong ia u, “Mano ba la ong ba ngan long u nongbishar jong me lane ban ai rai kumno ban iasam ia kiei kiei ki jong u kpa jong me hapdeng jong me ar ngut?” ¹⁵Te U Jisu u la ong ia ki, “To sumar bad to kiar na kata baroh ka jingkwah lalot. Ki briew kim ioh jingim satia na kaei kaba ki don.”

¹⁶Te U Jisu u la iathuh ia kane ka pharshi: “La don te uwei u briew uba riewspah uba la don kawei ka jaka. Ka khyndew jong u ka la pynmih soh shibun eh. ¹⁷U la pyrkat halade, ‘Ngan leh kumno? Ngam don jaka shuh ban buh ia ki soh ka lyngkha jong nga.’

¹⁸“Te u la ong, ‘Nga tip kaei ngan leh. Ngan pynpra ia ka iing kynshew jong nga bad ngan tei da kawei pat kaba kham hehi Ngan buh ia baroh u kew jong nga bad ia kiei kiei kiba bha jong nga hangta. ¹⁹Hadien kata ngan ong ialade, nga don shibun kiei kiei kiba bha ia kiba nga la kynshew lypa. Nga la tyngkai kaba biang na ka bynta kiba bun ki snem ki ban sa wan. To shongthait, bam, dih bad to lehkmen ko mynsiem jong nga!’

²⁰“Hynrei U Blei u ong ia uta u briew, ‘Ah me u briew uba bieit! Lada ha kane ka miet men iap noh, kumno shaphang kita kiei kiei kiba me la pynkhreh na ka bynta ialade? Mano ban ioh ia ki mynta?’

²¹“Kumta kan long ruh ia baroh kiba kynshew ia kiei kiei tang na ka bynta ialade. Ha U Blei, uta u briew um long uba riewspah.”

Buh Ia Ka Hima U Blei Hakhmat Eh

(Mt. 6:25-34; 19-21)

²²U Jisu u la ong ia la ki synran, “Kumta nga iathuh ha phi, wat khuslai shaphang kiei kiei kiba phi donkam ha ka jingim, kaei phin bam lane kaei phin phong. ²³Ka jingim ka long kham kordor ban ia ka jingbam bad ka met ka long kham kor ban ia ka jaiñkup. ²⁴Khmiñ ia ki sim.

Kim thung, kim ot, lymne kim kynshew jingbam ha la ki skum ne iing kynshew, hynrei U Blei u bsa ia ki. Phi, phi long kham kor ban ia ki. ²⁵Ym don uwei ruh na phi uba lah ban pyntam khyndiat ka por sha la ka jingim da kaba khuslai. ²⁶Bad da kaba khuslai phim lah ban leh ei ei ia iba rit eh, balei te phin khuslai ia kiei kiei kiba khraw?

²⁷“Pyrkhat kumno ki syntiew khlaw ki san. Kim trei lymne thir. Hynrei nga iathuh ia phi ba wat u Solomon, u syiem uba khraw bad ba riewspah, um shym la kup itynnad ialade kum iwei ruh na kine ki syntiew. ²⁸Lada U Blei u pynkup kat kane ka jingitynnad ia u syntiew ha khlaw uba mih mynta bad hadien khyndiat por la bret noh ia u sha ka ding, katno tam un leh na ka bynta jong phi? Ka jingngeit jong phi ka rit than eh!

²⁹“Naba kumta phi ia pyrkhat shaphang kaei phin bam lane dih. Wat khuslai shaphang kata. ³⁰Kata baroh ka long kaei kaba ki briew jong ka pyrthei ki ia pyrkhat khuslai. Hynrei U Kpa jong phi u tip ba phi iadonkam ia kine kiei kiei. ³¹Kaei kaba phi dei ban iai pyrkhat ka long ban wad shuwa ia ka hima U Blei. Te un sa ai ha phi ia baroh kiei kiei kiba phi donkam.

Wat Shaniah Ha Ka Spah

³²“Wat sheptieng, phi ka kynhun kaba rit. U Kpa jong phi u sngewbha ban ai ha phi ia kata ka hima. ³³To die noh ia kata baroh kaba phi don bad to sam ia ka sha kita kiba donkam ia ka. Da kumta phin kynshew ia ka spah jong phi ha bneng ka ban neh junom. Sha kaba ki nongtuh kim lah ban tuh bad ka khsiang ruh kam lah ban pynjot ia ka. ³⁴Naba hangta ha kaba ka spah jong phi ka don, hangta ruh ka dohnud jong phi kan don.

Long Borabor Kiba La Khreh

(Mt. 24:42-44)

³⁵“To long kiba la khreh! bad kiba la tbeh ding ruh ia la ki sharak. ³⁶To long phi kum kita kiba iai ap ia la u kynrad ban wan phai na ka jingkhawai kyntiew kurim. Te u kynrad u wan bad u tied ia ka jingkhang bad kumta kumta hi kin plie ia u. ³⁷Haba u kynrad un iohi ba ki long kiba la khreh bad ba ki iai ap ia u, kan long ka sngi kaba khraw na ka bynta jong ki. Da shisha nga ong ha phi, ba u kynrad jong ki un pynkhreh ialade ban pynshong bam ia ki bad ban shakri ruh ia ki. ³⁸Kita ki shakri lehse ki iai ap ia u haduh kaba shiteng

miet lane palat ruh ia kata. Hynrei kin shad kmen ba ki leh kumta namar ba un shem ia ki ba ki dang iai ap.

³⁹“Hynrei kumno phin tharai ba u trai iing un leh lada u tip ha kano ka por ba u nongtuh un wan? Un ym jin da la ailad ia u nongtuh ban prong shapoh. ⁴⁰Kumta ma phi ruh phi dei ban long kiba la khreh, namar U Khun u Briew un wan ha ka por kaba phim shym poi pyrkhat ba un wan!”

U Shakri Uba Lah Ban Shaniah?

(Mt. 24:45-51)

⁴¹U Petros u la ong, “Kynrad, hato me iathuh ia kane ka pharshi na ka bynta jong ngi ne na ka bynta u paidbah?”

⁴²Te U Trai u la ong, “Uno uta u shakri uba stad ia uba u kynrad u lah ban shaniah ia ka kam ha u, ba un ai bam ia kiwei pat ki para shakri ha ka por kaba biang? ⁴³Bad haba u kynrad un wan un shem ia u ba u dang leh ia kata ka kam ba la shaniah ha u! ⁴⁴Da shisha nga ong ha phi, ba u kynrad un buh ia uta u shakri ba un khmih ia kita kiei kiei baroh kiba u don.

⁴⁵“Hynrei kaei ka ban jia lada uta u shakri u long uba bymman bad uba da pyrkhat ruh ba u kynrad jong um pat kloï wan? Un sdang ban shoh ia kita kiwei pat ki para shakri shynrang bad kynthei. Un bam un dih lalot ruh ialade. ⁴⁶Te u kynrad jong u un wan ha ka por ba uta u shakri um poi pyrkhat, ha ka por keiñ kaba um shym la khmih lynti ia u. Te uta u kynrad un pynshitom bad beh noh ruh ia u ba un iohbynta lang bad kita kiwei ki bym kohnguh.

⁴⁷“Uta u shakri u la tip ia kaei kaba u kynrad u kwah ia u ba leh, hynrei um shym la pynkhreh ialade lane pyrshang ban leh ia kata. Kumta te yn pynshitom jur ia uta u shakri. ⁴⁸Hynrei kumno shaphang uta u shakri u bym shym tip ia kaei ba u kynrad u kwah? U ruh u leh ia kita kiei kiei kiba dei ia u ban ioh pynshitom. Te uta un ioh kham duna ka jingpynshitom ban ia uta u shakri uba la tip ia kaei kaba u dei ban leh. Uno uno uba la iohpdiang khambun, ka jingkit khlieh ruh kan long khambun. Ka jingkhmih lynti kaba khambun kan long ruh na uta uba la iohpdiang khambun.”

Ki Jingeħ Kiba Mih Na Kaba Bud Ia U Jisu

(Mt. 10:34-36)

⁴⁹U Jisu u la kren shuh shuh: “Nga la wan ban pynklang ia ka ding ha ka pyrthei. Nga mon ba kan jin da la meh lypa! ⁵⁰Ka

don ka jait jingpynbaptis kaba nga dei ban ñaid lyngba. Nga sngewjynjar tad ynda la pyndep ña ka. ⁵¹Phi tharai ba nga la wan ban ai jingsuk ha ka pyrthei? Em, hynrei ka jingiapaít ñapra! ⁵²Naduh mynta, san ngut ha ka longiing kin ñaleh makynti, lai ngut kin ñaleh pyrshah ña ki ar ngut bad ar ngut pyrshah ña ki lai ngut.

⁵³ Kan don ka jingiapat hapdeng u kpa bad u khun:
 U khun un ñaleh pyrshah ña la u kpa.
 U kpa ruh pyrshah ña la u khun.
 Kan don ka jingiapat hapdeng ka kmie bad la ka khun:
 Ka khun kan ñaleh pyrshah ña la ka kmie.
 Ka kmie ruh pyrshah ña la ka khun.
 Ka jingiapat ruh kan long hapdeng ka kiaw kurim bad ka pyrsha kurim:
 Ka pyrsha kurim kan ñaleh pyrshah ña la ka kiaw kurim.
 Ka kiaw kurim ruh kan ñaleh pyrshah ña la ka pyrsha kurim.”

Ka Jingsngewthuh ña Ki Aïom

(Mt. 16:2-3)

⁵⁴Te U Jisu u la ong sha uta u paidbah, “Haba phi ñohi ña u lyoh uba mih na shaphang sepgi, phi ña ong, ‘u ‘lapbah un sa wan’ bad da shisha ka jia kumta. ⁵⁵Haba phi sngew ba ka lyer ka sdang ban beh na shathie, phi ña ong, “Kan shit kyrang’ bad ka long shisha kumta. ⁵⁶Phi kiba arsap! Phi lah ban sngewthuh ña ka mariang. Balei ba phim sngewthuh ña kaei kaba jia mynta?”

Pynbeit ña Ki Jingeh

(Mt. 5:25-26)

⁵⁷“Balei ba phim lah ban rai kaei kaba dei na ka bynta ñalade? ⁵⁸Shu buh la don uba tian bishar ña me bad katba me dang ñaid lem bad u ha ka lynti sha iingbishar, to pyrshang ban ña suk noh bad u ha kata ka lynti. Lada mem pynbeit ña ka, men hap ban leit ñashem ña u nongbishar. Te u nongbishar un aiti ña me ha ka kti jong uwei pat u ban bret ña me sha iingbyndi. ⁵⁹Nga ong ña me, men ym mih noh nangta tad haduh ba men da siew dep ña ka kuna kaba me shah.”

To Kylla Ha Ki Dohnud Jong Phi

13 La don ki brieve hangta ha kata ka por lem bad U Jisu kiba ñathuh ña u shaphang kaei kaba la jia ña ki nongmane kiba na Galilaia ña kiba u Pilat u la pynñap bad ña ka snam jong ki u la khleh lang bad

ka jong ki mrad kaba ki la wallam na ka bynta ka jingknia. ²Te U Jisu u la jubab, “Phi tharai ba kane kaba la jia ña kito ki brieve ka dei namar ba ki long kham pop ban ña baroh kiba ha Galilaia? ³Em, ym kumta. Hynrei lada phim kylla bamut, phi ruh phin jot noh kum kine ki brieve! ⁴Bad kumno shaphang kito ki khatphra ngut kiba la ñap haba u mot ka Siloam u khyllum ha ki? Hato phi pyrkat ba ki long kham pop ban ña baroh kiba ha Jerusalem? ⁵Em, kim long kumta. Hynrei nga ong ha phi ba lada phim kylla bamut, phi ruh baroh phin jot lang noh!”

U Dieng Dumbur U Bym Sei Soh

⁶U Jisu u la ñathuh ña kane ka pharshi: “Uwei u brieve u la thung ña uwei u dieng dumbur ha ka kper jong u. U la wan te ban wad soh na uta u dieng, hynrei um shym la shem ei ei. ⁷U la ong te ña u shakri uba sumar ña ka kper jong u, ‘Nga la wan wad soh na une u dieng mynta lai snem, hynrei ngam shym la shem ei ei ruh em. To pom noh ña u! Naba balei ba yn pynlehnohei ña ka khyndew?’ ⁸Hynrei u shakri u la jubab, ‘Kynrad, ailad ña une u dieng sa mynta ka snem. Shah ña nga ba ngan tih ña ka khyndew sawdong jong u bad ngan ai sboh ruh ña u. ⁹Lehse sa yn pynmih soh ha ka snem kaba bud. Lada un pynmih, te me lah ban sa khet noh.”

U Jisu U Pynkhiah ña Ka Brieve Ha Ka Sngi Sabbaton

¹⁰U Jisu u la hikai ha kawei na ki synagog ha ka sngi Sabbaton. ¹¹Kawei ka kynthei ka la don hangta kaba la don ña u mynsiem bymman uba la pynkhrew ña ka jin khatphra snem. Ka met jong ka, ka long kaba la kdor ryngkdung katba kam lah shuh ban ñeng beit. ¹²Haba U Jisu u la ñohi u la khot ña ka, “Ko ka brieve, la pyllaituid ña pha na ka jingkhrew jong pha!” ¹³U la buh ña la ka kti ha ka bad kumne kumne ka la lah pat ban ñeng beit. Te ka la sdang ban ñaroh ña U Blei.

¹⁴U nongialam ha ka synagog u la sngewbitar namar ba U Jisu u la pynkhiah ha ka sngi Sabbaton. U la ong ña ki brieve hangta, “Don hynriew tylli ki sngi na ka bynta ban trei kam. Kumta to wan ha kine ki sngi ban ñohkhiah. Wat wan ban ñoh jingkhiah ha ka sngi Sabbaton.”

¹⁵U Trai u la jubab, “Phi kiba arsap! Baroh na phi, phi ju pyllait ña la ki jingri bad ñalam ruh ña ki ban pyndih um man la ka sngi, wat ha ka sngi Sabbaton ruh.

¹⁶Kane ka kynthei kaba nga la pynkhiah ka dei da shisha ka khun u Abraham ia kaba u Soitan u la teh jin khatphra snem. Da shisha kam long kaba bakla na ka bynta jong ka ba kan iohlait na ka jingshitom jong ka ha ka sngi Sabbaton!”
¹⁷Haba U Jisu u la ong ia kane, baroh kita kiba wad dong ia u ki la sngewlehrain ialade. Bad baroh ki paidbah ki la shad kmen namar kiei kiei kiba phylla kiba u la leh.

Kaba Kumno Ka Hima U Blei Ka Long?

(Mt. 13:31–33; Mk. 4:30–32)

¹⁸Hadien kane U Jisu u la ong, “Ka hima U Blei ka long kum kaei? Bad kaei ngan pyniasyriem ia ka? ¹⁹Ka hima U Blei ka long kum u symbai tyroso ia uba u brieve u la thung ha ka kper. Uta u symbai u san bad u la kylla long u diengbah bad ki sim ki shna ia la ki skum ha ki tnad jong u.”

²⁰U Jisu u la ong pat, “Ngan ianujor bad kaei ia ka hima U Blei? ²¹Ka long kum u thiat ia uba ka brieve ka khleh lang ha u moida ha ka dabor heh ban shna kpu. Uta u thiat u pynlong ia uta u moida ba la khleh ban sieb.”

Ka Khyrdop Kaba Khim

(Mt. 7:13–14, 21–23)

²²Te U Jisu u la hikai ha man la ki shnong bah bad ki shnong rit ha ka lynti sha Jerusalem. ²³La don te ba la ong ia u, “Kynrad, katno ngut ki brieve ki ban iohlait im? Tang khyndiat?”

U Jisu u la ong, ²⁴“Ka khyrdop sha bneng ka long kaba khim shisha. To pyrshang tyngheh ban bsut sha ka. Shibun ki brieve kin pyrshang ban rung shapoh, hynrei kin ym lah. ²⁵Lada u trai jong ka iing u la khang ia ka jingkhang jong ka iing jong u, phi ieng nabar bad tied ia ka, hynrei un ym plie satia ia ka. Phi lah ban ong ruh, ‘Kynrad, kynrad, to plie ia ka jingkhang na ka bynta jong ngi.’ Hynrei un jubab, ‘Ngam ithuh ia phi. Nangno phi iawan?’ ²⁶Te phin ong ha u, ‘Ngi la iabam bad iadid lang bad me. Me la hikai ha ki lynti bah ka shnong jong ngi.’ ²⁷Te un ong pat ha phi, ‘Ngam ithuh ia phi. Nangno phi iawan? Khie leit noh na nga! Phi kiba ju leh ia ki kam bymman!’

²⁸“Phin iohi te ia u Abraham, u Isaak, u Jakob bad ia baroh ki nongiathuhlypa ha ka hima U Blei. Hynrei yn iehnoh ia phi shabar. Hangta kan don ka jinglynñiar bad kaba dait bniat ha ka jingkordit. ²⁹Ki brieve kin wan na mihngi, na sepngi, na shatei

bad na shathie. Kin shong ha ka miej bam ha ka hima U Blei. ³⁰Ki brieve kiba ioh ia ka kyrdan kaba poh tam ha kane ka jingim kaba mynta kin ioh ia ka kyrdan kaba halor tam ha ka hima U Blei. Bad ki brieve kiba ioh ia ka kyrdan kaba halor tam mynta kin ioh ia kaba poh tam ha ka hima U Blei.”

U Jisu Un Shah Iap Ha Jerusalem

(Mt. 23:37–39)

³¹Ha kata hi ka por ki Pharisi ki la wan sha U Jisu bad ki la ong, “To khie leit noh nangne bad buhrieh ialade. Naba u Herod u kwah ban pyniap noh ia me!”

³²U Jisu u la ong ia ki, “Khie leit iathuh ia uto u myrsiang, ‘Mynta ka sngi bad la shai nga beh noh ia ki ksuid na ki brieve bad ngan pynkhiah ia kiba pang. Te, ha kaba lai ka sngi ia ka kam jong nga yn pyndep.’

³³La kumta ruh ka dei ia nga ban nangleit mynta ka sngi, lashai bad la shisngi ruh, namar ka dei ia baroh ki nongiathuhlypa ban iap ha Jerusalem.

³⁴“Ah Jerusalem, Jerusalem! Pha kaba pyniap ia ki nongiathuhlypa. Pha pyniap ia ki brieve kiba U Blei u la phah ha pha da kaba lynthem maw ia ki. Katno sien shuh ba nga la kwah ban iarap ia ki brieve jong pha. Nga la kwah ruh ban kdup ia ki kumba ka syiar ka kdup ia la ki khun hapoh ki thapniang jong ka. Hynrei phim shym la shah satia ia nga. ³⁵Mynta ia ka iing jong pha yn iehnoh thylli syndon. Nga ong ha pha, phan ym iohi shuh ia nga tad haduh kata ka por ba phan sa ong, ‘To wan! Ngi pdiang sngewbha ia uta uba wan ha ka kyrteng U Trai.’”

Ka Dei Ne Em Ban Pynkhiah Ha Ka Sabbaton?

14 ¹Te ha ka sngi Sabbaton, U Jisu u la leit sha ka iing jong uwei na ki nongialam ki Pharisi ban iabam lem bad u, te kiba iadon hangta ki la ia apthap ban ioh kem daw ia U Jisu. ²Te u brieve uba don ia ka jingpang at top u la don hakhmat jong u. ³U Jisu u la ong ia kita ki Pharisi bad ki riewstad jong ka hukum, “Ka long ne em kaba dei ban pynkhiah ha ka sngi Sabbaton?” ⁴Hynrei kim shym la jubab ia u. Kumta u la shim ia uta u brieve bad u la pynkhiah ia u. Hadien kata u la phah noh ia u. ⁵U Jisu u la ong ia ki, “Lada u khun lane u mrad ba pyntrei kam u hap hapoh ka pung ha ka sngi Sabbaton, phi tip ba phi hap ban tan ia u kumta kumta hi.” ⁶Kita ki Pharisi bad ki riewstad jong ka hukum kim nang ong ei ei shuh pyrshah ia u.

Wat Niew İalade Kiba Kyrpang

⁷Te U Jisu u la khmih thuh ba don na kita kiba la shah khot sngewbha ki da ia jied ia ki jaka ba kongsan ban shong. Kumta u la ong ia ki: ⁸“Haba don ba khot sngewbha ia phi sha ka jingkyntiew kurim, wat leit ban shong ha ki jaka ba kongsan. Ki lah lehse ban khot ia kiwei pat kiba kham kongsan ban ia phi. ⁹Kin wan bad ong ruh ia phi, ‘To ai noh ha une u briew ia ka jaka shong jong phi!’ Te phin hap ban kynriah bad ban shong sha ka jaka ba shadien eh bad kan long ka jinglehrai ia phi.

¹⁰“Kumta haba don ba khot sngewbha ia phi, leit ban shong ha ka jaka paidbah. Te kin wan sha phi bad kin ong, ‘Ko lok, ale shong hangtei ha ka jaka ba kham hakhmat!’ Shisha kan long ka burom ia phi hakhmat jong kita kiwei pat kiba la shah khot sngewbha. ¹¹Uta uba pynkhraw ialade yn pynpoh ia u. Hynrei uta uba pynpoh ialade yn pynkhraw ia u.”

Yn Ai Nong İa Phi

¹²Hadien kane U Jisu u la ong ia uta u Pharisi uba la khot sngewbha ia u, “Haba me khot bam mynstep lane mynmiet, wat ju khot tang ia ki paralok jong me, ki hynmen ki para, kiba ha iing bad ki para marjan ba don ba em. Namar ki ruh ki lah ban khot kylliang ia me ha kawei pat ka por. ¹³Pynban, haba me pynlong ia ka jingkhawai, khot sngewbha ia kiba duk, kiba kynriang, kiba dkoh bad kiba matlah. ¹⁴Te men ioh ki jingkyrkhu kiba khraw, namar kine ki briew kim don ei ei ban siew kylliang pat ia me. Hynrei U Blei un ainong ia me ha ka sngi jong ka jingmihpat ki riewkhuid.”

Ka Pharshi Shaphang Ki Briew Kiba Shah Khot Sha Ka Jingkhawai Miet

(Mt. 22:1-10)

¹⁵Uwei na kita ki briew kiba shong bam ha ka miej bad U Jisu, u la iohsngew ia kine kiei kiei. U la ong ia u, “Kan long ka jingkyrkhu kaba khraw ban ioh shong bam ha ka hima U Blei!”

¹⁶U Jisu u la ong ia u, “Uwei u briew u la pynlong ia ka jingkhawai miet kaba khraw. U la khot sngewbha ruh shibun ki briew.

¹⁷Haba u la dep pynkhreh ia ka bam, u la phah ia la u shakri ban leit iathuh ia kita kiba la shah khot sngewbha. ‘To wan, lah dep pynkhreh ia ka jingbam. ¹⁸Hynrei baroh kita kiba lah shah khot sngewbha ki la ong ba kin ym lah ban wan, ki la ai ruh la la ki jong ki daw. Uba nyngkong u la ong, ‘Nga

dang shu thied ia ka lyngkha, kumta ka dei ia nga ban leit jngoh ia ka. Sngewbha wat sngew ei ei.’ ¹⁹Uwei pat u la ong, ‘Nga dang shu thied san jur ki masi lur: Nga dei ban leit ban tynjuh ia ki. Sngewbha ban mab ia nga.’ ²⁰Uba lai u la ong, ‘Nga dang shu dep iathoh shongkurim; Ngam lah ban wan.’

²¹“Kumta uta u shakri u la leit phai bad iathuh ia la u kynrad ia kaba la jia. Uta u kynrad te u la sngewbitar eh. U la ong, ‘Pynkloi! Leit sha ki lynti bah bad ki lynti khim jong ka shnong. Wallam sha nga ia kiba duk, kiba dkoh, kiba matlah bad kiba anna.’

²²“Hadien kata, uta u shakri u la ong ia u, ‘Kynrad, nga la leh kumba me la bthah ia nga ban leh, hynrei dang don shibun ki jaka ba dang lait.’ ²³U kynrad u la ong ia la u shakri, ‘Khie leit sha ki lynti bah bad sha ki lynti bri baroh. Ong ia ki briew ba kin wan. Nga kwah ba ka iing jong nga kan dap pura! ²⁴Ym don uwei ruh na kita kiba la shah khot sngewbha ki ban ioh ban bam kawei ruh na kine ki jingbam.”

Ka Dor Ban Bud İa U Jisu

(Mt. 10:37-38)

²⁵U paidbah ba bun u la ialeit lem bad U Jisu. Te u la ong ia ki, ²⁶“Lada phi bud ia nga khlem da iehnoh ia la ka iing ka sem, phim lah ban long ki synran jong nga. Phi dei ban ieid ia nga kham palat ban ia kaba phi ieid ia la u kpa, ka kmie, ka tnga, ki khun, ki hynmen ne para, hooid wat kham palat ban ia la ka jingim ruh! ²⁷Uno uno u bym bah ia la ka diengphna bad bud ia nga um lah ban long u synran jong nga.

²⁸“Lada phi kwah ban tei ia ka iing, nyngkong ka dei ia phi ban shong pyrkat bad ban kheiñ katno kan shongdor. Phi dei ban tip la phi don ne em ka pisa kaba biang kat ban pyndep ia ka. ²⁹Lada phi la sdang ban tei bad phim lah pat ban pyndep ia ka, te baroh kin rkhi bein ia phi. ³⁰Kin ong, ‘Une u briew u la sdang ban tei, te hynrei um shym lah shuh ban pyndep ia ka.’

³¹“Lada u syiem u leit ia ka ban ialeh thma pyrshah ia uwei pat u syiem, nyngkong un shong ban pyrkat. Lada u don tang shiphew hajar ngut ki shipai, un kheiñ la u lah ne em ban jop ia uta uwei pat u syiem uba don arphew hajar ngut ki shipai. ³²Lada u sngewthuh ba um lah ban jop, un phah ia la ki briew ban iasuk katba uta u syiem u dang ha jngai.

³³“Ka long kumjuh ruh bad phi. Ka dei ia phi ban iehnoh ia kiei kiei baroh ban bud

ia nga. Lada em, phim lah da lei lei ban long ki synran jong nga.

**Ka Mluh Kaba La Duh
Noh Ia Ka Jingmad**

(Mt. 5:13; Mk. 9:50)

³⁴“Ka mluh ka long kaba bha. Hynrei lada ka mluh ka la duh noh ia la ka jingmad, phim lah shuh ban pynbang pat ia ka. ³⁵Ka long ka bym myntoi shuh. Phim lah hi ruh ban pyndonkam ia ka kum ka sboh khyndew, hynrei la ju bret noh ia ka shahud.

“Phi kiba iohsngew ia nga, to shahshkor!”

Ka Jingkmen Ha Bneng

(Mt. 18:12-14)

15 ¹Bun na ki nonglum khajna bad ki nongpop ki la iai wan ban iohsngew ia U Jisu. ²Te ki Pharisi bad ki nonghikai ka hukum ki la iakren khñium, “Khmih, ia une u briew u pdiang sngewbha ia ki nongpop bad u iabam lem ruh bad ki!”

³Te U Jisu u la iathuh ha ki ia kane ka pharshi: ⁴“Shu buh uwei na phi u don shispah tylli ki langbrot, hynrei kawei ka jah noh. Kaei kaba phin leh? Hato phin ym iehnoh ia kita ki khyndaiphew khyndai ki langbrot hangta ha lum bad ban leit wad ia kata kaba la jah? Phin iai wad keiñ tad haduh ba phin da shem ia ka. ⁵Te haba phi la shem ia ka, phin jin da la kmen. Phin rah ia ka sha la iing, ⁶phin leit sha ki paralok bad ki para marjan jong phi bad phin ong ia ki, “To ia kmen lem bad nga namar nga la shem pat ia ka langbrot kaba la jah!” ⁷Ha kajuha ka rukom, nga ong ha phi ba ka bneng ka shad kmen haba uwei u nongpop u kylla kaba mut, ban ia ki khyndaiphew khyndai kiba hok ki bym donkam ban kylla kaba mut.

⁸“Shu buh ka don ka briew kaba don shiphew tylli ki sbai rupa, hynrei kumno re kumno kawei na ki ka jah noh. Te kan shim ia ka sharak bad kan pynkhuid ia ka iing. Kan wad biang biang ruh ia ka tad haduh ba kan da shem. ⁹Te haba ka la shem ia ka, kan khot ia ki paralok bad ki para marjan baroh bad kan ong sha ki, “To ia sngewkmen lem bad nga namar nga la shem pat ia ka sbai rupa kaba la jah!” ¹⁰Ha kajuha ka rukom, kan long ka jingkmnen kaba khraw ia ki angel U Blei haba uwei u nongpop u kylla kaba mut.”

**Ka Pharshi Shaphang
Ar Ngut Ki Khun**

¹¹Te U Jisu u la ong, “La don uwei u briew uba la don ar ngut ki khun shynrang.

¹²Uta uba ar u la ong ia la u kpa, “To ai noh ha nga ia ka bhah kaba dei ka jong nga.” Kumta u kpa u la pynbynta ia ka spah jong u hapdeng ki ar ngut ki khun jong u.

¹³“Khyndiat sngi hadien uta u khun uba ar u la lum ia la ka spah bad u la mih noh na la iing ban leit sha kawei pat ka ri kaba jngai. Hangta u la pynsyrywa kai ia ka spah jong u ha kaba im sarong awria. ¹⁴Hadien ba u la pynlut baroh ka spah kaba u don, ka la jia ka nemsniew kaba jur ha kata ka ri baroh kawei. U te u la thngan bad kyrduh eh. ¹⁵Kumta u la leit ban wad kam na uwei u briew uba shong hangta. Uta u briew u la phah ia u sha lyngkha ban ap sniang. ¹⁶Ym don shuh mano mano ba ai jingbam ia u. U la thngan iaduh ba u la sngewkwah ban pynkdang ialade da ka jingbam jong ki sniang.

¹⁷“Ynda uta u samla u la kyndit bynriew, u la pyrkat, ‘kiba bun ki shakri ha ka iing u kpa jong nga ki don kyrhai ka bam. Hynrei nga hangne, ngan sa iap thngan. ¹⁸Nga dei ban ieng joit nangne bad ngan leit sha u kpa jong nga. Ngan ong ruh ia u: Ko Pa, nga la leh pop pyrshah ia U Blei bad ruh ia me. ¹⁹Ngam long shuh uba dei hok ba yn khot u khun jong me. Hynrei to shah ia nga ban long tang kum uwei na ki shakri jong me.’ ²⁰Kumta u la ieng joit nangta bad leit sha la u kpa.

U Khun Uba Ar U Wan Phai Pat

“Katba uta u khun u dang ha jngai, u kpa u la iohi ia u ba u wan bad u la sngewsynei ia u. Kumta u la mareh sha u bad u la kdup bad doh ia u. ²¹Uta u khun u la ong, ‘Ko Pa, nga la leh pop pyrshah ia U Blei bad ia me ruh. Ngam long shuh uba dei ban khot u khun jong me.’

²²“Hynrei u kpa u la ong ia la ki shakri, ‘Pynkloi! Wallam ia ki jaiñkup kiba bha tam bad to pynkup ia u. Pyndeng ruh ia ka sati ha ka shympriah kti bad ia ki juti ha ki kjat jong u. ²³To wallam ruh ia uta u blang ba kynsai tam bad to pyniap ia u ba ngin iabam da ka jingkmnen. ²⁴Naba une u khun jong nga uba la iap, mynta u la im pat! U la jah, hynrei mynta la shem pat ia u!’ Kumta ki la sdang ia ka ban ialeh kmen.

U Khun Nyngkong U Khñium

²⁵“Te u khun nyngkong u la don ha ka lyngkha. Katba u dang wanphai sha la iing, u la iohsngew ia ka jingsawa jong ka jingput jingtem bad ka jingiasad. ²⁶Haba u la khot ia uwei na ki shakri u la kylli, ‘Ka mut aiu kane baroh?’ ²⁷Uta u shakri u la

ong, 'U para jong me u la wan phai pat bad u kpa jong me u la pyniäp ia u blang ba kynsai tam ban iabam. U la sngewkmen eh namar ba u la ioh pat ia la u khun ha ka jingkoit jingkhiah bha.'

²⁸"Uta u khun nyngkong u la sngewbitar eh bad um shym la mon shuh wat ban rung shapoh iing. Namar kata u kpa u la mih shabar bad kyrpad ia u ban rung shapoh. ²⁹Hynrei u la ong ia la u kpa, 'Hakhmih, nga la shakri ia me baroh kine ki snem. Nga la leh ia kata baroh kaba me la ong ia nga ban leh pynban mem ju ai ha nga tang iwei ruh i khun blang ba ngan ialeh kmen bad ki lok jong nga. ³⁰Hynrei mynta une u khun jong me u la wan phai iing hadien ba u la pynsywra ia ka spah jong me bad ki kynthei nuti, me te me la pyniäp ia u blang ba kynsai tam ban khawai na ka bynta jong u!'

³¹"U kpa u la ong ia u, 'Ah, ko khun jong nga, me la don ryngkat bad nga man ki por bad baroh kaba nga don ki dei ki jong me. ³²Hynrei kane ka dei ka sngi ba ngin iakmen bad ialeh kmen. U para jong me uba la iaip, mynta u la im pat! U la jah, hynrei mynta la shem pat ia u.'"

Ka Spah Bashisha

16 ¹Te U Jisu u la ong ia la ki synran, "Shisien la don uwei u riewspah. U la ainong ha uwei u sordar ban khmih lem ia ka kam khaii jong u. Hadien, u la tip ba une u sordar u la shukur ia u. ²Kumta u la khot bad ong ia u, 'Nga la iohsngew kiei kiei kiba sniew shaphang jong me. To ai ha nga ia ka kaiphod kaei kaba me la leh bad ka pisa jong nga. Mem lah shuh ruh ban long u sordar jong nga.'

³"Kumta, uta u sordar u la pyrkhathalade, 'Ngan leh kumno? U kynrad jong nga un sa shim noh ia ka kam na nga. Ngam long uba khlaifi ban trei bylla bad ngam lah ruh ban khrong. ⁴Ia kane ngan leh! Ngan pynlong lok bad kita kiba shim ram na u kynrad jong nga, ba kumta haba ngan duh noh ia ka kam jong nga, kin sa khot sngewbha ia nga sha ki iing jong ki.'

⁵"Kumta uta u sordar u la khot ia uwei-pa-uwei uba shah ram ha u kynrad jong u. U la kyli ia uba nyngkong, 'Katno me shah ram ha u kynrad jong nga?' ⁶U te u la jubab, 'Nga shah shispah mon ka umphniang olib.' Uta u sordar u la ong ia u, 'Kane ka dei ka kot shim ram jong me. Pynkloi! To shong bad thoh sanpew mon.'

⁷"Nangta uta u sordar u la kyli sa ia uwei pat, 'Katno me shah ha u kynrad jong nga?

U la jubab, 'Nga shah shispah mon u kew.' Te uta u sordar u la ong ia u, 'Kane ka kot shim ram jong me; me lah ban pyniduna na kata. Thoh phrapew mon.'

⁸"Te hadien kata, uta u kynrad u la kynthoh ia ka jingleh sianti jong uta u sordar bymhok. Hoodi, ki riew pyrthei ki kham sian ha ki jingiätrei kiam jong ki bad kiwei ban ia ki khun ka jingsham.

⁹"Nga ong ha phi, pynidunkam ia ka spah pyrthei ban pynlong lok na ka bynta ka por kaba hadien. Te, haba kine kiei kiei ki duh noh, yn pdiang sngewbha ia phi sha ki iing baneh junom. ¹⁰Uta ia uba lah ban shaniah ha kiei kiei kiba rit u long ruh uba lah ban shaniah ha kiei kiei kiba khraw. Uta uba long bymhok ha kiei kiei kiba rit un long bymhok ruh ha kiei kiei kiba khraw. ¹¹Lada ym lah ban shaniah ia phi bad ka spah pyrthei, yn ym lah hi ruh ban shaniah ia phi bad ka spah kaba shisha. ¹²Bad lada ym lah ban shaniah ia phi bad kiei kiei kiba long jong kiwei, yn ym ai ha phi ia kiei kiei kiba dei ki jong phi hi.

¹³"Phim lah ban shakri ar kynrad ha kajuha ka por. Phin isih ia uwei bad phin iei ia uwei pat. Lane phin kohnguh ia uwei bad phin leh bym salia ia uwei pat. Phim lah ban shakri ia U Blei bad ka Spah ha kajuha ka por.'

Ym Lah Ban Pynkylla Ia Ka Aiñ U Blei

(Mt. 11:12-13)

¹⁴Te ki Pharisii kiba la ia shahshkor ia kine kiei kiei baroh, ki la kren wohdong ia U Jisu namar baroh na ki, ki long kiba iei spah. ¹⁵U Jisu u la ong ha ki, "Phi pyni ialade ba phi long kiba hok hakhmat ki brieu. Hynrei U Blei u ithuh ia ka dohnud jong phi. Kaei kaba ki brieu ki kheiñ kham kordor ka long ka bym dondor hakhmat U Blei.

¹⁶"Ha shuwa ba u Ioannis u Nongpynbaptis un wan, ia u paitlang la hikai ia ka Hukum u Moses bad ia ki jingthoh jong ki nongiathuhlypa baroh. Hynrei naduh ka por u Ioannis, ia ka Khubor Babha jong ka hima U Blei la ialap. Bad baroh ki ia pyrshang tynggeh ban ioh bsut sha ka. ¹⁷Kan kham suk ia ka bneng bad ka khyndew ba kin duh ban ia iwei i dak i barit jong ka hukum ba in jah noh.

Ka Jingiaphet Tnga Bad Ka Jingshongkurim Pat

¹⁸"Uno uno u brieu u bym pylait noh ia la ka tnga bad u da shongkurim noh da kawei ka brieu u long uba rem na ka pop klim.

Bad u brieve uba shongkurim ia ka brieve kaba la iaphet tnga u ruh u long uba rem na kata ka jingklim.”

U Riewspah Bad U Lasaros

¹⁹U Jisu u la iathuh, “La don uwei u brieve uba riewspah uba ju phong da ki jaiñ linen baremdor bha bad uba ju leh sadhuh sadhai ha kiei kiei kiba bha tam man la ka sngi. ²⁰La don ruh hangta uwei u brieve uba duk raitoi uba kyrteng u Lasaros. Ka met jong u ka long kaba la tap da ki tohjaw bad borabor u ju shong ha ka khyrdop une u brieve uba riewspah. ²¹U Lasaros u la ju bam ia kita lyngkhot jingbam ba la hap na kata ka miej bam uta u riewspah. Ki ksew ruh ki ju wan ban jliah ia ki jingmong jong u.

²²“Ym slem te, u Lasaros u la iap. Ki angel ki la rah ia u bad buh ia u ha ki ksangti u Abraham. Uta u riewspah ruh u la iap bad la tep ia u. ²³Te ha dukoh ha ka jingfordit kaba khraw u la iohi ia u Abraham na jngai bah lem bad u Lasaros ha ki ksangti jong u. ²⁴U la pyrta, ‘Ko Pa Abraham, to isynei ia nga! Phah ia u Lasaros sha nga ba kumta un ioh ban wieh ia la ka shynriah’ti ha ka um bad ban pyntngen ia u thylliej jong nga. Namar nga kordit eh ha kane ka ding!’

²⁵“Hynrei u Abraham u la ong, ‘Ko khun, me kynmaw mynba me dang im? Me la iohi ut ia kiei kiei kiba bha ha ka jingim. Hynrei u Lasaros um shym la ioh ei ei lait noh tang ki jinglanot. Mynta ia u hangne la pyntngen bad ia me pat la pynkordit. ²⁶Kumjuh ruh, ka don ka khari hapdeng jong me bad ngi. Ym don mano mano nangne ba lah ban jam shiliang ban iarap ia me bad ym don mano mano ruh ba lah ban wan shane nangto.’

²⁷“Uta u riewspah u la ong, ‘Lada kumta sngewbha, ko kpa Abraham, ban phah ia u Lasaros sha ka iing u kpa jong nga ha ka pyrthei. ²⁸Nga don san ngut ki para. U lah ban maham ia ki para jong nga ba kumta kin ym wan sha kane ka jaka jong ka jingfordit.’

²⁹“Hynrei u Abraham u la ong, ‘Ki don ia ka Hukum u Moses bad ia ki jingthoh jong ki nongiathuhlypa ban pule; ai kin shah hikai nangta.’

³⁰“Uta u riewspah u la ong, ‘Em ym kumta, ko kpa Abraham! Hynrei lada mano-re-mano na kiba iap ki wan sha ki, te kin sa kylla kaba mut.’

³¹“Hynrei u Abraham u la ong ia u, ‘Lada ki para jong me kim sngap ia u Moses bad ia ki nongiathuhlypa, kin ym sngap ruh lada don uba wan phai na kiba iap.’”

Ka Pop Bad Ka Jingmab

(Mt. 18:6-7, 21-22; Mk. 9:42)

17¹U Jisu u la ong ia la ki synran, “Da shisha ki jingjynthut kin wan ha u brieve. Hynrei kordit ia uta uba long ka daw jong ka jingjynthut. ²Kan long kaba shyrkhei haduh katta katta ia uno uno uba pynlong ia iwei na kine kiba rit ban leh pop. Kan jin da la khambha ia u ban teh da u maw tylliat ha ka ryndang jong u bad ban pynngam jyllop hapoh ka duriaw. ³Naba kumta to sumar!

“Lada u para jong me u leh bymdei, maham ia u. Lada u kylla kaba mut na kita ki jingleh, to mab ia u. ⁴Wat lada u la leh kaei kaei kaba sniew pyrshah ia me hynniew sien ha ka shisngi, hynrei haba u pan mab hynniew sien ruh, me dei ban mab ia u.”

Katno Ka Khraw Ka Jingngeit Jong Me?

⁵Te ki apostol ki la ong ia U Trai, “To pynroi ia ka jingngeit jong ngi!”

⁶U Trai u la ong, “Lada ka jingngeit jong phi ka long kat u symbai tyrso, phi lah ban ong ia une u diengsoh lyngdkhur, ‘To long ba la rat bad ba la thung shapoh ka duriaw!’ Uta u dieng un kohnguh ia phi.

To Long Ki Shakri Kiba Bha

⁷“Shu buh phi don u shakri uba trei ha ka lyngkha, lane uba sumar ia ki langbrot. Haba un wan phai na la ka kam, kaei phin ong ia u? Hato phin ong, ‘Rung, to shong bad to bam?’ ⁸Em ym kumta! Pynban phin ong ia u, ‘Pynkreh ei ei ia nga ban bam. Nangta to pynkloi bad ai bam ia nga. Ynda haba nga la dep ban bam bad ban dih, men sa lah ban bam ialade.’ ⁹U shakri um don hok ia ka ban ioh ia ka jingsngewnguh ba kyrpang namar kata ka kam kaba u la leh. U shu leh beit tang ia kata kaba la bthah da u kynrad jong u. ¹⁰Ka long kumjuh bad phi. Haba phi la dep ban leh ia kata baroh ba la bthah ia phi, phi dei ban ong, ‘Ngim long kiba dei hok ban ioh kano kano ka jingsngewnguh ba kyrpang. Ngi shu pyndep ia ka kam kaba ngi dei ban trei.’”

Long Kiba Sngewnguh

¹¹Te U Jisu katba u dang leit sha Jerusalem. U la iaid lyngba ka Galilaia sha Samaria.

¹²Te katba u dang poi ha kawei ka shnong rit, shiphew ngut ki brieve ki la wan ban iakynduh ia u hangta. Kim shym la tur shajan jong u, namar ba baroh na ki ki don ia ka jingpang niangthohlieh. ¹³Hynrei kine ki brieve ki la pyrta najngai, “Jisu! Kynrad! To sngewsynei ia ngi!”

¹⁴Haba U Jisu u la iohi ia kita ki brieve u la ong ia ki, “Khie leit pyni ialade ha ki lyngdoh.”

Katba kine ki brieve ki dang leit sha ki lyngdoh, la pynkhiah ia ki. ¹⁵Haba uwei na ki u la iohi ialade ba la pynkhiah ia u, u la leit phai pat sha U Jisu. U da iaroh jam ia U Blei. ¹⁶U la mane dem ha ki kjat U Jisu bad u la ainguh ia u. Une te u la long u nong Samaria. ¹⁷U Jisu u la ong, “Shipew ngut ki la iohkhiah; shano kita kiwei pat ki khyndai? ¹⁸Une um dei hi ruh u Jiw. Hato tang une uba la wan ban ai jingiaroh sha U Blei?” ¹⁹Te U Jisu u la ong ia uta u brieve, “To ieng joit! Me lah ban leit mynta. La pynkhiah ia me namar ba me la ngeit.”

Ka Jingwan Ka Hima U Blei

(Mt. 24:23–28, 37–41)

²⁰La don te katto katne na ki Pharisi kiba la kylli ia U Jisu, “Lano ba ka hima U Blei kan wan?”

U Jisu u la jubab, “Ka hima U Blei ka la wan, hynrei ym ha ka rukom kaba phi ia khmih lynti ma phi. ²¹Ki brieve kin sa ong, ‘Hakhmih ka hima U Blei ka don hangne!’ lane ‘hangtai ka don!’ Em, ka hima U Blei ka long hapoh jong phi.”

²²Te U Jisu u la ong ia la ki synran, “Ka por kan sa wan ha kaba phin sa thrang dik dik ban iohi ia kawei na kine ki sngi jong U Khun u Brieve, hynrei phin ym lah ban iohi. ²³Ki brieve kin ong ha phi, ‘Hakhmih, hangtai u don!’ lane ‘Hakhmih, u don hangne!’ Iaisah hangta ha kaba phi don; wat leit mih noh ban wad ia u. ²⁴“Haba U Khun u Brieve un wan pat, phin tip ia kata. Ha kata ka sngi un thaba kum ka lelieh na kawei ka liang jong ka suiñbneng sha kawei pat. ²⁵Hynrei nyngkong eh, ka dei ia U Khun u Brieve ban shah jynjar shibun kiei kiei. Ki brieve jong kane ka pateng kin kyntait ban pdiang ia u.

²⁶“Kumba ka la long ha ki sngi u Noah kumta ruh kan long ha ki sngi shuwa ba U Khun u Brieve un wan pat. ²⁷Ki brieve ki iabam, ki iadih, ki iashongkurim bad pynshongkurim wat haduh kata ka sngi mynba u Noah u la rung shapoh ka iing lieng. Hynrei kynsan kynsan ka jingshlei um ka lap bad ka la pyniap ia ki baroh.

²⁸“Kan long kumjuh kumba ha ki sngi u Lot, mynba U Blei u la pynjot ia ka Sodom. Kito ki brieve ki la iabam, ki la iadih, ki iathied, ki iadie, ki iathung bad ki iatei iing na ka bynta ialade. ²⁹Ki la iaileh ia kine kiei kiei wat haduh kata ka sngi mynba u Lot u la mih noh na ka shnong. Hynrei kynsan

kynsan ka ding bad u kyndok ki la hap na bneng bad la pyniap ia ki baroh. ³⁰Ha kajuha ka rukom kan long haba U Khun u Brieve un wan pat sa shisien.

³¹“Ha kata ka sngi lada u brieve u don ha tnum iing, un ym ioh por ban rung shapoh ban shim ei ei. Lada u don ha ka lyngkha, un ym lah ban leit phai pat sha la iing. ³²To kynmaw ia kaei kaba la jia ia ka tnga u Lot!

³³“Uno uno na phi uba pyrshang ban ri ia la ka jingim un duh noh ia ka. Hynrei uno uno u ban duh noh ia la ka jingim un ri pynim ia ka. ³⁴Ha kata ka miet ar ngut kin ia thiah lang. Ia uwei yn shim noh bad ia uwei pat yn iehnoh. ³⁵Ar ngut ki kynthei kin iatrei lang. Ia kawei yn shim noh bad ia kawei pat yn iehnoh.” ³⁶Ar ngut ki rangbah kin don ha kajuha ka lyngkha. Ia uwei yn shim noh ia uwei pat yn iehnoh.

³⁷Ki synran U Jisu te ki la kylli ia u, “Kynrad, lano kane kan jia?”

U Jisu u la jubab, “Kan long kumba phi wad ia ka met kaba iap, phin shem ia ka hangta ha kaba ki pukni ki ialum.”

U Blei Un Bishar Hok Ia La Ki Brieve

18 ¹Hadien kane U Jisu u la hikai ia la ki synran ba ki dei ban duwai bad ban ym duh jingkyrmen. U la iaathuh ia ka pharshi ban hikai ia ki: ²“La don shisien u nongbishar hapoh ka shnong. Um sheptieng ia U Blei lymne pyrwa aüu ki brieve ki pyrkhath shaphang jong u. ³Ha kata kajuha ka shnong la don kawei ka riewkynthei. Ka la wan bunsien sha une u nongbishar bad ka la ia iai ong, ‘Don uwei u brieve uba la leh kaba sniew palat ia nga. To bishar hok ia nga halor kane!’ ⁴Hynrei uta u nongbishar un shym treh ban iarap ia ka. Hadien slem eh, uta u nongbishar u la pyrkhath halade, ‘Wat la ngam sheptieng ia U Blei lymne pyrwa ia ki brieve.’ ⁵Hynrei kane ka kynthei ka iai pynwit ia nga. Lada ngan ai ha ka ia kaei kaba ka kwah, kan ym pynwit shuh ia nga lano ruh.”

⁶U Trai u la ong, “Hakhmih, ia kaei kaba une u nongbishar bymhok u la leh. ⁷Hato U Blei un ym bishar hok ia ki brieve kiba kyang sha u mynmiet bad mynsngi? Un bishar hok keñi ia ki khlem da pyntud. ⁸Nga ong ha phi, U Blei un pynkloi ban bishar hok ia la ki brieve. Hynrei lada U Khun u Brieve un wan pat sa shisien, hatu un shem ne em ia ki brieve ha ka pyrthei kiba ngeit ha u?”

Ka Jingim Kaba Beit Bad U Blei

⁹La don ki brieve kiba ju pyrkhath ba ki long kiba hok haduh katta katta kat haduh ba

kin da peit poh ia kiwei pat. Te U Jisu u la iathuh ia kane ka pharshi ban hikai ia ki: ¹⁰“La don ha kawei ka por uwei u Pharisi bad u nonglum khajna. Ha kawei ka sngi kine baroh ar ki la leit sha ka Templ ban duwai. ¹¹U Pharisi u la ieng marwei, kham jngai na uta u nonglum khajna. Haba uta u Pharisi u la duwai, u la ong, ‘Ah Blei, nga ainguh ia me ba ngam long uba bymman kum kiwei pat ki briew. Ngam long kum ki briew kiba ju tuh, kiba ju thok, lane kiba klim. Nga ainguh ia me ba nga long kham hok ban ia une u nonglum khajna. ¹²Nga shah jingit arsien shitaiew bad nga ai ruh ia kaba shiphew na kata baroh kaba nga ioh!’ ¹³“Uta u nonglum khajna ruh u la ieng marwei. Hynrei haba u la duwai, um shym la khmied ia la ka khmat sha bneng. U da pynrit ialade hakhmat U Blei bad u da thap ia la ka shadem. U la ong, ‘Ah Blei, to isynei ia nga u nongpoh!’ ¹⁴Nga ong ha phi, ba une u briew u leit phai sha la iing uba la ksan hakhmat U Blei ym kum uta uwei pat. Kita kiba pynkhrav ialade yn pynpoh ia ki. Hynrei kito baroh kiba pynrit ialade yn pynkhrav ia ki.”

U Jisu U Pdiang Sngewbha Ia Ki Khynnah

(Mt. 19:13-15; Mk. 10:13-16)

¹⁵La don ki briew kiba la wallam ia ki khun barit jong ki sha U Jisu khnang ba un ioh ban buh kti bad ban kyrkhu ruh ia ki. Hynrei haba ki synran ki la iohi, ki la khang ia ki. ¹⁶Hynrei U Jisu u la khot ia ki khynnah shalade bad u la ong ia la ki synran, “Shah ia ki khynnah rit ba kin wan sha nga. Wat khang ruh ia ki, namar ka hima U Blei ka long na ka bynta jong ki. ¹⁷Da shisha nga ong ha phi, phi dei ban pdiang ia ka hima U Blei kumba u khynnah u pdiang ei ei, lym kumta phin ym ioh rung shapoh jong ka.”

U Briew Uba Kyntait Ban Bud Ia U Jisu

(Mt. 19:16-30; Mk. 10:17-31)

¹⁸Uwei u nongialam niam u la kylli ia U Jisu, “Ko Nonghikai Babha, kaei ba nga dei ban leh ba ngan ioh ia ka jingim bymjukut?” ¹⁹U Jisu u la ong ia u, “Balei ba me khot ia nga babha? Tang U Blei u long uba bha. ²⁰Me tip ia ki hukum jong u: ‘Men ym klim, men ym pyniap, men ym tuh, men ym kren lamler shaphang kiwei, me dei ban burom ia la u kpa bad ia la ka kmie.’” ²¹Hynrei uta u nongialam niam u la ong, “Nga la kohnguh ia kine naduh ba nga dang khynnah.”

²²Haba U Jisu u la iohsngew ia kane, u la ong ia u, “Dang don sa kawei kaba me donkam ban leh. Die noh ia kata baroh kaba me don bad sam ia kata sha kiba duk. Te men ioh shibun ka spah ha bneng. Hadien kata wan ban bud ia nga.” ²³Hynrei haba uta u briew u la iohsngew ia kata u la sngewsih shikatdei, namar ba u long uba riewspah eh.

²⁴Haba U Jisu u la iohi ba u la sngewsih eh, u la ong, “Kan long kaba jwat na ka bynta u riewspah ban ioh leit rung sha ka hima U Blei. ²⁵Kan kham suk ia ka ut ban bsut lyngba ka thliew thyrnia ban ia u riewspah ban ioh leit rung sha ka hima U Blei.”

Mano U Ban Iohlait Im?

²⁶Haba ki briew ki la iohsngew ia kane, ki la ong, “Haba kumta mano u ban iohlait im?”

²⁷U Jisu u la jubab, U Blei u lah ban leh ia kiei kiei ia kaba ki briew kim lah ban leh.”

²⁸U Petros u la ong, “Hakhmih, ngi la ieh lut ia kiei kiei baroh kiba ngi don bad ngi la bud ia me.”

²⁹U Jisu u la ong, “Da shisha nga ong ha phi ba uwei-pa-uwei uba la iehnoh noh ia la ka iing, ka tnga, ki hynmen ki para, ki kmie ki kpa, lane ki khun na ka bynta ka hima U Blei ³⁰kin ioh bun phew shah ha kane ka jingim bad ka nong jong ka jingim bymjukut ha kata ka pyrthei ka ban sa wan.”

U Jisu U Kren Pat Shaphang La Ka Jingiap

(Mt. 20:17-19; Mk. 10:32-34)

³¹Hadien kata U Jisu u la iakren tang bad la ki khatar ngut ki apostol. U la ong ia ki, “To shahshkor, ngin ialeit kiew sha Jerusalem. Baroh kata kaba U Blei U la kren lyngba ki nongiathuhlypa shaphang U Khun u Briew kan sa urlong. ³²Yn sa aiti ia u ha ka kti ki Jentil, ki ban sa rkhie ibeiñ bad bynthiaw ruh ha u. ³³Kin sympat ia u da u shabuk bad nangta kin sa pyniap ruh ia u. Hynrei ha ka sngi kaba lai, un sa mihpat na kiba iap.” ³⁴Ki apostol ki la pyrshang ban sngewthuh ia kane, hynrei kim shym la lah; namar ia ka jingmut jong ka la buhriehnoh na ki.

U Jisu U Pynpeit Ia Uba Matlah

(Mt. 20:29-34; Mk. 10:46-52)

³⁵Te U Jisu u la poi hajan ka nongbah Jerikho. La don te uwei u briew uba matlah uba ju shong ban khrong harud ka lynti

bah. ³⁶Haba u la iöhsngew ba ki briew ki iawan hiar arsut kata ka lynti, u la kylli, “Kaei kaba la jia?”

³⁷Ki la iathuh ia u, “U Jisu, uba na Nasaret, u wan shane.”

³⁸Uta uba matlah u la sngewkmen bad u la pyrta, “Ko Jisu, U Khun u Dabid, to isynei ia nga!”

³⁹Ki briew kiba la don hakhmat kiba ialam ruh ia ka kynhun ki la kynhied ia uta uba matlah. Ki la ong ia u ban sngap jar. Hynrei u la nang kham pyrta jam shuh shuh, “Ko Khun u Dabid, to sngewsynei ia nga!”

⁴⁰U Jisu u la ieng hangta bad u la ong, “Wallam ia u ha nga!” Te haba u la wan kham hajan, U Jisu u la kylli ia u, ⁴¹“Me kwah ba ngan leh aiu ia me?”

U la ong, “Kynrad, ba ngan ioh imat.”

⁴²U Jisu u la ong ia u, “Me lah ban ioh imat mynta. La pynkhiat ia me namar ba me la ngeit.”

⁴³Te uta u briew u la lah ban iohi. U la bud ia U Jisu, u da ainguh ia U Blei. Baroh kiba la iohi ia kane ki la iaroh ia U Blei namar kaei kaba la jia.

U Sakkhaios

19 ¹Te haba U Jisu u la iaaid lyngba ka nongbah Jerikho, ²hakhmih la don uwei u briew uba kyrteng u Sakkhaios. U la long u rangbah ki nonglum khajna bad uba riewspah bha. ³Une te u la kwah eh ban iohi ia U Jisu hynrei um lah namar u long uba lyngkot ka rynieng bad la don shibun kiwei pat kiba ia tur ban iohi ia U Jisu. ⁴Kumta u la mareh sha kata ka jaka kaba u la tip ba U Jisu un sa wan bad u la kiew halor u dieng dumbur khnang ba un lah ban iohi ia U Jisu.

⁵Haba U Jisu u la poi ha kata ka jaka, u la khmied shajrong bad u la iohi ia u Sakkhaios halor uta u dieng. U Jisu u la ong, “Ko Sakkhaios, to hiar noh klois shapoh! Namar nga kwah ban leit sah ha iing jong me mynta ka miet.”

⁶U Sakkhaios u la hiar klois lan na uta u dieng bad da ka jingkmn u la pdiang sngewbha ia U Jisu sha ka iing jong u. ⁷Baroh kiba la iohi ia kane, ki la sdang ban ia khniium da kaba ong, “Kumno U Jisu u leit ban sah miet ha ka iing u Sakkhaios uba long u nongpop!”

⁸U Sakkhaios u la ong, “Ko Trai nga kwah ban leh ia kaba bha. Ngan ai noh whiteng na ka spah jong nga sha kiba duk bad lada nga la shim klop na uno uno ruh, ngan siew pat sha ki saw shah.”

⁹U Jisu u la ong, “Ha kane ka sngi ka jingpynim ka la wan ha kane ka iing. Hoodid, namar une ruh u dei uwei na ki khun jong u Abraham. ¹⁰Naba U Khun u Briew u la wan ban wad bad ban pynim ia kita kiba la jah.”

Pyntreikam Ia Kata Kaba U Blei U La Ai Ha Phi

(Mt. 25:14–30)

¹¹Katba u paidbah u dang shahshkor ia kaei kaba U Jisu u hikai, U la iathuh ha ki ia kawei ka pharshi, namar u la poi mynta hajan ka Jerusalem bad u la tip ba ki paidbah ki la pyrkhata ba ka la dei ka por ia ka hima U Blei ba kan wan. ¹²U la ong, “La don uwei u briew uba donnam uba la pynkreh ban leit sha ka ri kaba jngai ba yn thung syiem ia u bad hadien kata ban wan phai pat sha la ri. ¹³Kumta u la khot shiphew ngut na ki shakri jong u. U la ia ia ka pla pisa ha uwei-pa-uwei na ki. U la ong, ‘To khaii tad ynda nga wan.’ ¹⁴Hynrei ki briew jong kata ka hima ki isih ia u. Ki la phah ia kawei ka kynhun ban bud dien ia u sha kata kawei pat ka ri. Hangta ki la ong, ‘Ngim kwah ba une u briew un long u syiem jong ngi.’

¹⁵“Hynrei la thung syiem ia uta u briew bad haba u la wan phai sha la iing, u la ong, ‘Khot ia kito ki shakri kiba nga la ai ia ka pla pisa. Nga kwah ban shim jingkheih katno ki la iohong na ka.’ ¹⁶U shakri ba nyngkong u la wan bad u la ong, ‘Kynrad, nga la iohong shiphew shah na kata kawei kaba me la ai ia nga.’ ¹⁷Uta u syiem u la ong, ‘Kata kaba sngewtynnad! Me long u shakri uba bha. Nga iohi ba me long uba lah ban shaniah ha kiei kiei kiba rit. Mynta ngan ai ha me ban synshar halor ki shiphew tylli ki nongbah jong nga.’

¹⁸“U shakri uba ar u la ong, ‘Kynrad, da kata kaba me la ai ia nga, nga la iohong sa san shah.’ ¹⁹U syiem u la ong ia uta u shakri, ‘Me ruh men synshar halor ki san tylli ki nongbah.’

²⁰“Te uwei pat u shakri u la wan bad u la ong ia u syiem, ‘Kynrad, kane hangne ka pisa jong me. Nga la sop ha ka jaiih lyngkhot bad buhrieh ruh ia ka. ²¹Nga la sngewsheptieng ia me namar ba me long u briew uba pyrkhing. Me ju shim ia kata kaba mem shym la kamai bad lum ruh na kata kaba mem shym la bet.’

²²“Te u syiem u la ong ia u, ‘Me u shakri ba bymman! Ngan pynndonk ia kijuh ki kyntien ki jong me ban pynrem ia me. Me la ong ba nga long uba pyrkhing. Me ong

ruh ba nga shim na kata kaba ngam shym la kamai bad lum na kata kaba ngam shym la bet. ²³Lada ka long kumta me la dei ban buh ia ka pisa jong nga ha ka jaka kynshew pisa, khnang ba ynda nga wan phai pat ngan ioh pat ia la ka pisa lem bad ka sut. ²⁴Te uta u syiem u la ong ha kita ki brieve kiba ieng hangta, 'To shim noh na ka pla pisa na une u shakri bad to ai ha uta uba la kamai shiphew.'

²⁵'Kita ki brieve ki la ong ia u syiem, 'Kynrad, utai u shakri u la dep don lypa shiphew ki pla pisa.'

²⁶'U syiem u la ong, 'Kita kiba pyntreikam ia kaei kaba ki don kin nang ioh shuh shuh. Hynrei kita ki bym pyntreikam ia kaei kaba ki don yn shim noh na ki wat ia kata baroh kaba ki don. ²⁷Hangno kita kiba shun ia nga bad ki bym kwah ia nga ba ngan long syiem? Wallam ia ki hangne bad pyniap ruh ia ki hangne hakhmat jong nga.'"

U Jisu U Leit Rung Sha Jerusalem Kum U Syiem

(Mt. 21:1-11; Mk. 11:1-11; Jo. 12:12-19)

²⁸Hadien ba U Jisu u la dep kren ia kine kiei kiei, u la nang leit sha Jerusalem. ²⁹U la poi hajan ka Bethphagi bad Bethania, ki shnong hajan u lum ba la ju khot u Lum ki Olib. Te u la phah ar ngut na ki synran jong u. ³⁰U la ong, 'Khie leit shapoh ka shnong kaba phi lah ban iohi, haba phi la rung shapoh phin shem ia u khun kadda ba la teh hangta bym pat don mano mano ba shong. Pyllait ia u, wallam ruh ia u shane sha nga. ³¹Lada don ba kylli balei ba phi ia shim ia une, phin ong, 'U Kynrad u donkam ia u.'"

³²Kita ki ar ngut ki synran ki la leit shapoh ka shnong. Ki la shem ia u khun kadda thik kumba U Jisu u la iathuh ia ki. ³³Ki la pyllait ia u, hynrei ki trai jong u ki la wan mih shabar. Ki la kylli, 'Balei ba phi ia pyllait ia u kadda jong ngi?'

³⁴Ki synran ki la jubab, "U Kynrad u donkam ia u." ³⁵Kumta kita ki synran ki la wallam ia uta u kadda sha U Jisu. Ki la buh ia ki jaiņkup jong ki halor uta u kadda. Hadien kata ki la pynshong ia U Jisu halor. ³⁶Katba u dang leit ha ka lynti sha Jerusalem, ki la siang ia la ki jaiņkup jong ki ha kata ka lynti. ³⁷U Jisu u la nang khamjan sha Jerusalem bad ki la poi ha trai jong u Lum ki Olib. Kata ka kynhun jong ki synran jong u ki la ia shad kmen bad iarah ruh ia U Blei, ki da ainguh ia u namar kita kiei kiei kiba khrawbor kiba ki la lah iohi. ³⁸Ki la ia ong,

"Ngi pdiang sngewbha! Ia uta uba wan ha ka kyrteņg U Trai.' *Salm 118:26*

Ka jingsuk ha ki bneng bad ka burom sha U Blei!"

³⁹Katto katne na ki Pharisi ki la ong ia U Jisu, "Ko Nonghikai, to khang ia ki synran jong me ban kren ia kine kiei kiei."

⁴⁰Hynrei U Jisu u la jubab, "Nga ong ha phi, lada kine kin sngap jar, ki maw kin sa kyang buk."

U Jisu U İam Na Ka Bynta Ka Jerusalem

⁴¹U Jisu u la poi hajan ka Jerusalem. Katba u dang jngoh ia ka nongbah, u la sdang ban iam na ka bynta jong ka ⁴²bad u la ong, "Nga mon ba phan tip kaei ka ban wallam ia ka jingsuk sha pha. Hynrei la buhriehnoh na pha mynta. ⁴³Ka por ka la poi ha kaba ki nongshun jong pha kin tei ia ki kut sawdong jong pha bad set kut ia pha hapoh na ki liang baroh. ⁴⁴Kin pynjot ia pha bad ia ki brieve jong pha. Yn ym don uwei ruh u maw jong ka jingtei u ban sah halor uwei pat. Kane baroh ka jia namar ba pham shym la tip ia ka aiom haba U Blei u la wan ban pynim ia pha."

U Jisu U Leit Sha Ka Templ

(Mt. 21:12-17; Mk. 11:15-19; Jo. 2:13-22)

⁴⁵U Jisu u la rung shapoh ka phyllaw ka Templ. U la sdang ban beh noh ia ki brieve kiba iadie iathied hangta. ⁴⁶U la ong, "Ka jingthoh Bakhuid ka ong, 'İa ka Templ jong nga yn khot ka iing jingduwai.' Hynrei phi, phi la pynkylla ia ka sha ka 'krem nongtuh.'"

⁴⁷U Jisu u la hikai ia u paidbah ha ki phyllaw ka Templ man la ka sngi. Hynrei ki lyngdoh ba kham hakhmat, ki nonghikai ka hukum bad katto katne na ki nongialam jong u paitlang la la kwah eh ban pyniap noh ia u. ⁴⁸Hynrei kim shym la ioh lad kumno ban leh ia kata, namar baroh ki ia shahshkor ia u. U paidbah ruh u da sngew iahab ha kaei kaba U Jisu u la kren.

Ki Nongialam Jiw Ki Artatien İa Ka İktiar U Jisu

(Mt. 21:23-27; Mk. 11:27-33)

20¹Ha kawei ka sngi U Jisu u la don ha ka phyllaw jong ka Templ, u da hikai ia ki brieve. U la ialap ha ki ia ka ka Khubor Babha. Te ki lyngdoh ba kham hakhmat, ki nonghikai ka hukum bad ki basan ki la wan ban iakren bad U Jisu. ²Ki da ong, "İathuh ha ngi ka iktiar aiu ba me don ban leh ia kine kiei kiei. Mano ruh ba la ai ha me ia kane ka iktiar?"

³U Jisu u la jubab, "Nga ruh ngan kylli ia phi kawei ka jingkylli. İathuh ia nga: ⁴Haba

u İoannis u pynbaptis İa ki briew, hato ka İktiar jong u ka wan na U Blei ne ka long na ki briew?"

⁵Ki lyngdoh, ki nonghikai ka hukum bad ki basan ki la İakren para maki shaphang kane. "Lada ngin jubab, ka jingpynbaptis u İoannis ka long na U Blei," te un sa ong, "Haba kumta balei ba phim shym la ngeit İa u İoannis?" ⁶Hynrei lada ngi ong ba ka jingpynbaptis u İoannis ka long na ki briew, u paidbah un sa lynthem maw İa ngi. Naba ki baroh ki ngeit ba u İoannis u dei u nongİathuhlypa." ⁷Kumta ki la ong, "Ngim tip İa ka jubab."

⁸Te U Jisu u la ong ha ki, "Nga ruh ngan ym İathuh mano ba la İa ha nga İa ka İktiar ban leh İa kine kiei kiei."

U Blei U Phah İa U Khun

(Mt. 21:33-46; Mk. 12:1-12)

⁹Hadien kane U Jisu u la İathuh İa u paidbah İa kane ka pharshi: "Uwei u briew u la rep İa ka brisoh waiñ. U la İa wai İa ka sha kiwei pat ki nongrep. Te u la leit jingleit slem bah. ¹⁰Hadien te, ka la dei ka por ban kheit soh waiñ. Kumta u la briew u la phah İa u shakri sha kito ki nongrep khnang ba kin İa ha u İa ka bhah jong u. Hynrei ki la shoh pynban İa uta u shakri bad ki la phah noh suda İa u. ¹¹Kumta uta u briew u la phah sa da uwei pat u shakri. İa une ruh ki la shoh bad klem ñiew burom İa u. ¹²Kumta u la phah biang İa u shakri uba laİ sha kine ki nongrep. Ki la pynmysaw jur İa une ruh u shakri bad ki la bret noh İa u shabar.

¹³"U Trai kata ka brisoh waiñ u la ong, 'Ngan leh kumno mynta? Ngan phah İa la u khun uba nga İeid eh, lehse kin burom İa u.' ¹⁴Haba kita ki nongrep ki la İohi İa uta u khun, ki la İakren para ma ki, 'Une u dei u khun jong u trai bad u nongİohpateng İa kane ka brisoh waiñ. Lada ngi pynİap noh İa u, te kan sa long ka jong ngi.' ¹⁵Kumta kita ki nongrep ki la bret İa uta u khun shabar ka brisoh waiñ bad ki la pynİap noh ruh İa u. "Phi tharai kaei kaba uta u trai ka brisoh waiñ un leh? ¹⁶Un wan bad un pynİap İa kito ki nongrep. Te hadien kata un sa İa wai İa ka sha kiwei pat ki nongrep."

Haba u paidbah u la İohsngew İa kane, ki la İa ong, "Kane kam dei ban jia da lei lei!" ¹⁷Hynrei U Jisu u la khmih da la ki khmat sha ki bad u la ong, "Haba kumta kane ka dkhot ka mut İa u:

'U maw İa uba la kyntait da ki nongtei,
u la kylla long u mawdong?'

Salm 118:22

¹⁸Uta te uba hap halor une u maw yn pynkheİn İa u bad lada uta u maw u hap ha u yn pynlwet İa u!"

¹⁹Haba ki nonghikai ka hukum bad ki lyngdoh ba kham hakhmat ki la İohsngew İa kane, ki la tip ba u kren shaphang jong ki. Kumta ki la kwah ban kem İa U Jisu hangta hangta hi, hynrei ki la sngewsheptieng İa kaei kaba uta u paidbah u lah ban leh İa ki.

Ki Nongİalam Jiw Ki Pырshang Ban Riam İa U Jisu

(Mt. 22:15-22; Mk. 12:13-17)

²⁰Kumta ki nongİalam Jiw ki la ap İa ka por kaba biang ban İoh kem İa U Jisu. Ki la phah katto katne ki briew kiba leh mynleh kum kiba shida. Ki la kwah ban shem ei ei kaba bakla ha ki ktien ki jong U Jisu, khnang ba kin lah ban aiti noh İa u sha ka kti u Lat uba don ka İktiar ban kem İa u. ²¹Kumta kita ki briew ki la ong İa U Jisu, "Ko Nonghikai, ngi tip ba me kren bad hikai İa kaba shisha. Kam pher uei uba sngap, me hikai kajuh İa baroh. Man ki por me hikai İa ka jingshisha shaphang ka lynti U Blei. ²²İathuh İa ngi, la ka dei ne em İa ngi ban siew khajna sha u Kaisar?"

²³Hynrei U Jisu u la tip ba kine ki briew ki la İa İa pyrshang ban riam İa u. U la ong İa ki, ²⁴"Pyni na nga İa u sbai rupa. Ka kyrteng bad ka dur jongno hangne?"

Ki la ong, "Ka jong u Kaisar."

²⁵U la ong İa ki, "Haba kumta to ai sha u Kaisar kaba dei jong u Kaisar bad ai sha U Blei İa kaei kaba dei ka jong U Blei."

²⁶Kita ki briew ki la sngewlyngngoh İa ka jubab ba stad jong u. Kim shym lah ban ong ei ei shuh. Kim shym la lah ruh ban kem daw İa U Jisu hakhmat uta u paidbah.

Ki Saddusi Ki Pырshang Ban Kem Daw İa U Jisu

(Mt. 22:23-33; Mk. 12:18-27)

²⁷Katto katne na ki Saddusi ki la wan sha U Jisu. Ki Saddusi kim ngeit ba ki briew kin mihpat na ka jingİap. Ki la kylli İa u, ²⁸"Ko Nonghikai, u Moses u la thoh ba lada u Briew u İap bad un shym la don khun, u para jong u, u dei ban shongkurim İa kata ka riewkynthei. Te kin İoh khun na ka bynta uta u hynmen uba la khlad. ²⁹Ha kawei ka por la don hynñiew ngut shipara. Uba nyngkong u la shongkurim İa kawei ka briew hynrei u İap noh bad un shym la don khun. ³⁰Te uba ar u la shongkurim İa ka bad u ruh u la İap noh. ³¹Bad uba laİ u la shongkurim İa ka bad u ruh u İap noh. Kane kajuh ka la jia İa kita kiwei ki para.

Baroh ki la iap bad kim shym la ioh khun. ³²Kata ka brierw ka la long kaba khatduh eh ban iap. ³³Hynrei baroh hynñiew ngut ki la shongkurim ia ka. Haba kumta ynda haba ki brierw kin mihpat na ka jingiap, ka tnga jong uno na kine kan long?"

³⁴U Jisu u la ong ia ki Saddusi, "Ha ka pyrthei ki brierw ki ia shongkurim. ³⁵Don ki brierw kiba dei hok ban ioh mihpat na ka jingiap bad kin im pat hadien kane ka jingim. Ha kata ka por kin ym ia shongkurim shuh. ³⁶Ki brierw kin long kum ki angel bad kin ym iap shuh. Ki long ki khun U Blei, namar ba la pynmihpat ia ki na ka jingiap. ³⁷U Moses u la pyni shai kdar ba la pynmihpat ia ki brierw na ka jingiap. Haba u Moses u thoh shaphang ka lawbniap kaba meh ding, u la ong ba U Trai u dei 'U Blei jong u Abraham, U Blei jong u Isaak, U Blei jong u Jakob.' ³⁸Kumta kine ki brierw kim shym long kiba iap sah, namar ba u long U Blei jong kiba im. Hooid, ha U Blei ki dang iai im."

³⁹Katto katne na ki nonghikai jong ka hukum ki la ong, "Ko Nonghikai, ka jubab jong me ka long kaba biang bha." ⁴⁰Ym don shuh mano mano ba shlan ban kylli jingkylli ia u.

Hato U Mesaiah U Dei U Khun Jong U Dabid Ne U Trai Jong U Dabid?

(Mt. 22:41-46; Mk. 12:35-37)

⁴¹Hadien kane U Jisu u la ong, "Balei ki brierw ki ong ba U Mesaiah u dei U Khun jong u Dabid? ⁴²Ha ka kitab Salm, u Dabid hi dalade u ong,

'U Trai U Blei u la ong ia U Trai jong nga: Shong bad nga ha ka liang kamong jong nga,

⁴³ bad ngan buh ia ki nongshun jong me hapoh ka bor jong me.' *Salm 110:1*

⁴⁴U Dabid u khot ia U Mesaiah 'Trai.' Haba kumta kumno u lah ban long U Khun jong u Dabid?"

Ka Jingmaham Pyrshah Ia Ki Nonghikai Jong Ka Hukum

(Mt. 23:1-36; Mk. 12:38-40; Lk. 11:37-54)

⁴⁵Katba u paidbah u dang shahshkor ia U Jisu, u la ong ia la ki synran, ⁴⁶"To sumar na ki nonghikai ka hukum. Ki sngewtynnad ban iaid kylleng ki da phong da ki jainkup kiba ishongkun. Ki ieid ruh ba ki brierw kin burom ia ki wat ha ki jaka iew. Ki ieid ban shong ha ki jaka kiba kongsan tam ha ki synagog bad ha ki jaka ba donburom ha ki iingkhawai.

⁴⁷Hynrei ki shukor noh ia ki riewkynthei bad ki shim noh ia ki iing jong ki. Nangta ki pyrshang ban leh riewblei da kaba duwai jlan. U Blei un pynshitom jur ia ki."

Ka Jingai Kaba Shisha

(Mk. 12:41-44)

21 ¹U Jisu u la khmih bad u la iohi katto katne ki brierw kiba riewspah ki la noh ia la ki jingainguh ha ka synduk jingkyshew ha ka Templ. ²Te u la iohi ia kawei ka riewkynthei kaba duk ba ka da noh ar ana ha ka synduk jingainguh. ³U la ong, "Kane ka riewkynthei kaba duk ka la ai tang ar ana. Hynrei da shisha nga ong ha phi, ka la ai khampalat ban ia kiwei pat. ⁴Ki te na ka jingdap kyrhai, ki la ai tang ia kata kaba kim donkam shuh. Hynrei kane ka riewkynthei ha ka jingduk jong ka, ka la ai lut baroh wat ia kata ka bynta kaba ka dei ban im."

U Jisu U Maham Shaphang Ka Por Ka Ban Sa Wan

(Mt. 24:1-14; Mk. 13:1-13)

⁵La don te na kita ki synran kiba la iakren shaphang ka Templ. Ki la ia ong, "Kane ka dei ka Templ kaba itynnad, ba la tei ia ka da ki maw kiba kysai bad lyngba ki jingainguh kiba bun ba la wanrah sha U Blei."

⁶Hynrei U Jisu u la ong, "Ka por kan sa wan ba baroh kata kaba phi iohi hangne yn sa pynjot noh thiaiw. Yn ym pynsah ia uwei u maw halor uwei pat."

⁷Katto katne na ki synran ki la kylli ia U Jisu, "Ko Nonghikai, lano ba kine kiei kiei kin jia long? Kaei kata ka dak ba ngin tip ba ka la dei ka por ba kine kiei kiei kin jia?"

⁸U Jisu u la ong, "To sumar! Wat shah shukor. Shibun kin wan ha ka kyrteing jong nga. Kin ong, 'Nga dei U Mesaiah' bad 'Kata ka por kaba dei ka la wan!' Hynrei wat leit bud ia ki. ⁹Haba phin iohsngew shaphang ki thma bad ki jingkhiihwin, wat sheptieng. Ka dei ia kine kiei kiei ban jia shuwa. Hadien kata kaba kut kan sa wan."

¹⁰Nangta u la ong ia ki, "Ka jaitbynriew kan ialeh pyrshah ia kawei pat ka jaitbynriew. Ki hima ruh kin ialeh pyrshah ia kiwei pat ki hima. ¹¹Kin don ki jingkhiih jumai kiba jur, ki 'nemsniw, ki jingkyrduh bam ha kiba bun ki jaka, ki jingpang ba har rukom bad kiwei pat ki jingjia kiba shyrkhei kin jia ha kylleng lem bad ki dak ba maian ha suiñbneng.

¹²"Hynrei ha shuwa ba kine kin jia, kin kem bad kin pynshitom ia phi. Kin bishar ia phi ha ki synagog jong ki bad kin thep ruh ia phi ha ki iingbyndi. Yn pynieng ia

phi hakhmat ki syiem bad ki lat. Kin leh lut ia kita baroh ia phi namar ba phi bud ia nga. ¹³Hynrei kane kan long pynban ka jingplie lad ia phi ban sakhi ia nga. ¹⁴Phim donkam ban pyrkhath khuslai ia kaei kaba phin sa kren. ¹⁵Ngan ai ha phi ia ka jingstad ban jubab ba kita kiba shun ia phi kin ym lah ban pynphai nia. ¹⁶Wat ki kmie ki kpa, ki hynmen ki para, ki bahaing bad ki paralok jong phi kin ieng ialah pyrshah ia phi. ¹⁷Baroh kin isih ia phi namar ba phi bud ia nga. ¹⁸Hynrei kawei ruh na kine kan ym lah ban pynmysaw ia phi. ¹⁹Phin ri pynim ialade da kaba phi iaineh bad long khlaiñ ha ka jingngeit wat lyngba kine kiei kiei baroh.

Ka Jingiathuhlypa Shaphang Ka Jingpynjot Ia Ka Jerusalem

(Mt. 24:15–21; Mk. 13:14–19)

²⁰“Haba phin iohi ia ki shipai ba ki ker sawdong ia ka Jerusalem, ynda kumta to tip ba ka por jong ka jingpynjot ka la poi. ²¹Ki brieve kiba ha Judia ha kata ka por ki dei ban mareh sha ki lumbah. Kiba ha Jerusalem ki dei ban phet kloilan. Lada phi don hajan ka nongbah, wat leit shapoh! ²²Kine ki dei ki sngi kiba U Blei un pynshitom ia ki brieve kumba la iathuhlypa. ²³Kata ka por kan long ruh kaba shitom eh ia ki kynthei kiba punkhun lane kiba don ia ki khun rit, kiei kiei kiba sniew haduh katta katta kin wan jia ha kane ka ri namar ba ka jingbitar ka jong U Blei kan long pyrshah ia kine ki brieve. ²⁴Don na kine ki ban shah pyniap da ka waitlam, ia kiwei pat yn ring mrav sha kiwei pat ki ri. Ka nongbah bakhuid ka Jerusalem kan hap hapoh ka jingsynshar jong ki Jentil tad haduh ba yn pyndep ia kata ka ia jong ki Jentil.

Wat Sheptieng

(Mt. 24:29–31; Mk. 13:24–27)

²⁵“Ki dak baphylla kin long ia ka sngi, u bnai bad ia ki khlur bad ki brieve ha kylleng ka pyrthei kin khuslai bad kulmar jingmut da kata ka jingsawa ka duriaw bad ki jinglyngshop ki dew jong ka. ²⁶Ki brieve kin iapler da ka jingsheptieng namar kiei kiei ki ban sa jia ha ka pyrthei bad ki jingkylla ruh kin jia ha ka suin bneng. ²⁷Hadien kata te kin iohi ia U Khun u Brieve ba u da wan ha ki lyoh lem bad ka bor bad ka burom kaba khraw. ²⁸Haba kine kiei kiei kin sdang ban jia, to ieng skhem bad wat sheptieng. To tip ba ka por jong U Blei ban pynim ia phi ka la jan!”

Ki Ktien Jong Nga Kin Neh Bymjukut

(Mt. 24:32–35; Mk. 13:28–31)

²⁹Hadien kane U Jisu u la iathuh pat ia kane ka pharshi: “To khmih ia u dieng dumbur bad ia kiwei pat ki dieng. ³⁰Haba ki sla jong u ki la jyrngam, phi tip ba ka lyiur ka la jan. ³¹Ha kajuha ka rukom, haba phin iohi ia kine kiei kiei ba ki jia, phin tip ba ka hima U Blei ka long hajan eh.

³²“Da shisha nga iathuh ha phi ba kata ka pateng bynriew ka ban iohi ia kine kiei kiei baroh kan ym leit noh tad ynda kan iohi ba la pyndep ia ki baroh. ³³Ka bneng bad ka pyrthei kin leit noh, hynrei ki ktien jong nga kin sah junom.

Long Kiba La Pynkhreh Man Ki Por

³⁴“To sumar ban ym pynsyruwa ia ka por jong phi tang ha ki jingkhawai, ki jingiadih buaid lane ha ki jingkhuslai pyrthei. Ioh ba kaba kut kan wan ha ka por ba phim pat long kiba la pynkhreh. ³⁵Shisha kan wan kyndit ha baroh kita kiba shong ha ka pyrthei. ³⁶Kumta to long phi kiba la pynkhreh ha ki por baroh. Duwai ba phin lah ban iaid lyngba ia kine kiei kiei baroh ki ban sa jia bad kiba bit ban ieng hakhmat U Khun u Brieve”

³⁷Ha ka por mynsngi U Jisu u la ju hikai ia ki brieve ha ka phyllaw ka Templ. Ha ka por mynmiet u ju mih noh na ka nongbah bad sah baroh shimiet ha u Lum ki Olib. ³⁸Dang step eh ki brieve ki ju leit ia ka ban shahshkor ia U Jisu ha ka Templ.

Ki Nongialam Jiw Ki Iasylla Ban Pyniap Ia U Jisu

(Mt. 26:1–5, 14–16; Mk. 14:1–2, 10–11; Jo. 11:45–53)

22 ¹Ka por jong ka jinglehniam u Kpu ba khlem thiat jong ki Jiw ka la jan, ia kaba ki ju khot ka jingkhawai Niam ka Jinglait. ²Ki lyngdoh kiba kham hakhmat bad ki nonghikai ka hukum ki la kwah ban pyniap ia U Jisu. Hynrei ki la wad ia ka lad ban leh ia kata jar jar, namar ba ki sheptieng ia u paidbah.

U Judas U Mynjur Ban Iarap Ia Ki Nongshun U Jisu

(Mt. 26:14–16; Mk. 14:10–11)

³Te u Soitan u la rung hapoh jong u Judas Iskariot, uwei na ki khatar ngut ki apostol U Jisu. ⁴Une u la leit ban iasylla bad ki lyngdoh kiba kham hakhmat lem bad katto katne na ki shipai kiba ap phira ia ka Templ. U la iasylla bad ki kumno ban ioh aiti ia U Jisu sha ki. ⁵Ki lyngdoh ki la sngewkmen shaphang kane. Ki la kular ruh ban ai pisa ia u namar

kane. ⁶U ruh u la mynjur. Te u la ap ia ka por kaba biang bha ban aiti ia U Jisu sha ki. U la thmu ban leh ia kane ha ka por bym don mano mano ba iohi.

Ka Jingkhawai Niam Ka Jinglait

(Mt. 26:17-25; Mk. 14:12-21; Io. 13:21-30)

⁷Ka Sngi u Kpu ba khlem thiat ka la poi. Kane ka dei ka sngi ha kaba ki Jiw ki ju pyniap ia u khunlangbrot na ka bynta ka Jingkhawai Niam ka Jinglait. ⁸U Jisu u la ong ia u Petros bad ia u Ioannis, “Khie leit bad pynkhreh ia ka Jingkhawai Niam ka Jinglait ba ngin iabam.”

⁹Ki la ong ia u, “Hangno ba me kwah ia ngi ba ngin pynkhreh ia ka?”

U la ong ia ki, ¹⁰“Haba phin rung sha ka nongbah, phin iohi ia u briew uba kit um. Bud ia u haba un sa leit rung shapoh iing. ¹¹Ong ia u trai jong kata ka iing, ‘U Nonghikai u kylli ba men sngewbha ban pyni ha ngi ia ka kamra ha kaba ma u lem bad ki synran jong u kin lah ban bam ia ka Jingkhawai Niam ka Jinglait.’ ¹²Te u trai iing un sa pyni ha phi ia ka kamra kaba heh haneng ba la pynkhreh na ka bynta jong ngi. Pynkhreh ia ka bam hangta.”

¹³Kumta u Petros bad u Ioannis ki la mih. Baroh ki la jia thik kumba U Jisu u la ong. Kumta ki la pynkhreh ia ka bam na ka bynta ka Jingkhawai Niam ka Jinglait.

Ka Jingkhawai U Trai

(Mt. 26:26-30; Mk. 14:22-26; I Kor. 11:23-25)

¹⁴Ka por te ka la poi ia ki ban iabam ia ka Jingkhawai Niam ka Jinglait. U Jisu bad ki apostol ki la iadon lang hangta ha ka miej.

¹⁵U Jisu u la ong ia ki, “Nga la kwah eh shikatdei ban iabam ia kane ka Jingkhawai Niam ka Jinglait bad phi ha shuwa ba ngan iap. ¹⁶Ngan ym bam shuh ia kawei pat ka Jingkhawai Niam ka Jinglait tad haduh ba la pyndep ia ka jingmut ba pura jong kane ha ka hima U Blei.”

¹⁷Hadien kane U Jisu u la shim ia ka khuri. U la ainguh ia U Blei na ka bynta kata bad u la ong, “To shim ia kane ka khuri bad to ai ia baroh kiba hangne. ¹⁸Ngan ym dih shuh ia ka waiñ tad haduh kata ka sngi ba ka hima U Blei kan wan.”

¹⁹Hadien kata u la shim ia u kpu bad u la ainguh ia U Blei. U la kdiah bad u la ai ruh sha ki apostol bad ong, “Une u kpu u long ka met jong nga ia kaba nga la ai na ka bynta jong phi. Bam ia une ban kynmaw ia nga.”

²⁰Ha kajuha ka rukom, hadien ba la dep bam jingbam miet, U Jisu u la shim ia ka khuri bad u la ong, “Kane ka khuri ka ieng ia ka jutang kaba thymmai na U Blei sha la ki

briew. Kan sdang ynda haba ia ka snam jong nga yn pynmih na ka bynta jong phi.”

Mano Uta U Ban Ialeh

Pyrshah ia U Jisu?

²¹U Jisu u la ong, “Hynrei ha kane ka miej don ka kti ka ban sa aiti noh ia nga sha kita kiba shun ia nga. ²²U Khun u Briew un leh ia kata ia kaba U Blei u la lah thmu lypa. Hynrei kordit ia uta uba aiti noh ia U Khun u Briew ia ka ban shah pyniap.”

²³Te ki apostol ki la ia kylli para ma ki, “Uno na ngi u ban leh ia kata?”

To Long Ki Shakri

²⁴Kham hadien, ki apostol ki la ia sdang ban iasaid nia uno na ki uba kham khraw.

²⁵U Jisu te u la ong ia ki, “Ki syiem jong ki jentil ki leh donbor halor la ki briew bad kita kiba don ia ka iktiar halor kiwei, ki kwah ba yn khot ia ki ‘ki nongiarap babha.’ ²⁶Hynrei phi phim dei ban long kumta.

Uta uba kham khraw hapdeng jong phi u dei ban long kum uba kham rit bad uta uba ialam u dei ban long kum u shakri. ²⁷Uno uba kham khraw hapdeng jong phi: uta uba shakri ne uta uba shong ha ka miej ban ioh jingshakri? Baroh ki pyrkhata uta uba ioh jingshakri. Hynrei kam dei kumta, nga la don bad phi kum uta uba shakri.

²⁸“Phi la iaisah bad nga lyngba shibun ki jingtynjuh. ²⁹Kumta nga ai ha phi ia ka iktiar ban synshar lem bad nga ha ka hima kaba U Kpa u la ai ha nga. ³⁰Phin iabam bad iadilh ha ka miej jong nga ha kata ka hima. Phin shong ha ki khet bad ban bishar ia ki khatar jait ki Israel.

Ka Jingtynjuh ia U Petros

(Mt. 26:31-35; Mk. 14:27-31; Io. 13:36-38)

³¹“Ko Simon, Simon, u Soitan u la pan ban tai ia me kumba u nongrep u tai ia la u kew, ³²Nga la duwai na ka bynta jong me ba men ym duh noh ia ka jingngeit! Hynrei ynda me la wan phai pat, men iarap ban pynskhem ia ki para jong me.”

³³Hynrei u Petros u la ong ia U Jisu, “Kynrad, nga la long la kloil ban leit lem bad me sha iingbyndi bad ban iap ruh lem bad me!”

³⁴Hynrei U Jisu u la ong pat, “Petros, nga ong ha me ba ha shuwa ba u syiar un kynih, men sa len lai sien ba me ithuh ia nga.

Long Kiba La Khreh Na

Ka Bynta Ki Jingeh

³⁵Hadien kane U Jisu u la ong ia la ki apostol, “To kynmaw mynba nga la phah

ia phi khlem ka pla pisa, ka iarong lymne ki juti. Hato phi ia kyrduh ei ei?"

Ki apostol ki la ong, "Em, ngi khlem kyrduh ei ei."

³⁶U Jisu u la ong ia ki, "Mynta lada phi don ka pla pisa lane ka iarong, rah ia kata lem bad phi. Lada jaim don ia ka waitlam, die noh ia ka jaiñkup jong phi bad to thied ia kawei. ³⁷Ka jingthoh Bakhuid ka ong,

'La ñiew ia u lem bad ki nongleh kam bymman.'

Isaiah 53:12.

Kane ka jingthoh Bakhuid ka dei shaphang jong nga bad la pyndep ia ka mynta."

³⁸Ki synran ki la ong, "Hakhmih, Kynrad, kine ar tylli ki waitlam."

U Jisu u la ong ia ki, "Kata ka la biang."

U Jisu U Duwai Marwei

(Mt. 26:36-46; Mk. 14:32-42)

³⁹⁻⁴⁰U Jisu u la mih noh na ka nongbah bad u la leit sha u Lum ki Olib kumba u ju leit lem bad la ki synran. U la ong ia ki, "To duwai ba phin iohbor pyrshah ia ka jingpynshoi."

⁴¹Te U Jisu u la leit kumba sanpnew jam na ki. U la dem khohsiew bad duwai, ⁴²"Ko Pa, lada me mon, ngewbha wat ai ba ngan dih na kane ka khuri. Hynrei to leh ia kaei kaba me mon, ym ia kaba nga mon." ⁴³Te u angel na bneng u la wan pynshaitbor ia u. ⁴⁴U Jisu te u la dap da ka jingsngew kordit; u la ia lympat jur ha ka jingduwai. Ka syep ka la jaw na ka dur khmat kum ka jingjaw jong ka snam ka da hap ha ka khyndew. ⁴⁵Haba u la dep ban duwai, u la leit sha la ki synran. U la shem ia ki ba ki dang ia iohthiah, kiba la duh bor na ka jingsngewsih jong ki. ⁴⁶U Jisu u la ong ia ki, "Balei ba phi ia iohthiah? ñeng joit bad duwai na ka bynta ban ioh bor pyrshah ia ka jingpynshoi."

La Kem ña U Jisu

(Mt. 26:47-56; Mk. 14:43-50; ño. 18:3-11)

⁴⁷Katba U Jisu u dang kren, u paidbah u la tur sha u, ba la ñalam khmat da u Judas uba long uwei na ki khatar ngut ki apostol. U te u la wan sha U Jisu bad u la doh ia u.

⁴⁸Hynrei U Jisu u la ong ia u, "Judas, da ka jingdoh paralok me aiti noh ia U Khun u Briew sha kiba shun ia u?" ⁴⁹Ki synran U Jisu kiba la ñeng lang hangta ki la iohi ia kaei kaba la jia bad ki la ong ia U Jisu, "Kynrad, ngin pyndonkam ia ki waitlam jong ngi?" ⁵⁰Te uwei na ki u la sei ia la ka

waitlam bad u la mait ia ka shkor kamong jong u shakri u rangbah lyngdoh.

⁵¹U Jisu u la ong, "To sangeh!" Te u la ktah ia ka shkor uta u shakri bad la pynkhih pat ia u.

⁵²U Jisu u la ong ia kata ka kynhun kaba la wan ban kem ia u. Ki dei ki lyngdoh kiba kham hakhamat, ki basan bad ki rangbah shipai jong ka Templ. U la ong ia ki, "Balei ba phi iawan hangne lem bad ki waitlam bad ki dieng tangon? Phi pyrkhath ba nga dei u nongleh kam bymman?" ⁵³Nga la don bad phi man la ka ngi ha ki phyllaw ka Templ. Balei ba phim shym la kem ia nga hangta? Hynrei kane ka dei ka por ia phi, ka por ha kaba ka jingdum ka synshar."

Ka Jinglen U Petros ña U Jisu

(Mt. 26:57-58, 69-75; Mk. 14:53-

54, 66-72; ño. 18:12-18, 25-27)

⁵⁴Ki la kem ña U Jisu bad ki la ñalam sha ka ñing u rangbah lyngdoh. U Petros u la bud ia U Jisu hynrei kham na jngai. ⁵⁵Te ki shipai ki la siew ding hapdeng ka phyllaw bad ki la iashong lang. U Petros ruh u la iashong lang bad ki. ⁵⁶Kawei ka shakri na kata ka jingshai jong ka ding ka la iohi ia u ba u da shong lang hangta. Haba ka la peit shin bha ia ka dur khmat u Petros, ka la ong, "Une u briew u la don lem bad U Jisu." ⁵⁷Hynrei u Petros u la ong, "Ko kynthei kane kam long kaba shisha, ngam ithuh ia u." ⁵⁸Sa kham hadien, la don uwei pat uba la iohi ia u Petros bad u la ong, "Me ruh me long uwei na ki."

Hynrei u Petros u la ong, "Ko rangbah, em, ngam long!"

⁵⁹Sa shi kynta hadien, sa uwei u briew u la ong, "Ka long kaba shisha. Nga da thikna une u briew u la ju don lem bad u, namar ba u long na Galilaia."

⁶⁰Hynrei u Petros u la ong, "Ko rangbah, ngam shemphang ia kaei kaba me kren!"

Kumta kumta, katba u dang ñakren, u syiar u la kynih. ⁶¹Te U Trai u la phai bad khmih liep ia la ka khmat ha u Petros bad u Petros u la kynmaw ia kaei kaba U Trai u la lah kren, "Ha shuwa ba u syiar un kynih, men sa len lai sien ba me ithuh ia nga." ⁶²Te u Petros u la mih shabar bad u la ñam kthang eh.

Ki Nongapphira Ki la Leh Bein Eh ña U Jisu

(Mt. 26:67-68; Mk. 14:65)

⁶³Kita ki briew kiba ap pahara ia U Jisu ki la leh biria ia u bad ki la shoh ruh ia u. ⁶⁴Ki la tap ia ki khmat jong u ba kumta un ym

lah ban iohi ia ki. Te ki la tied ia u bad ong, "Me dei u nongiathuhlypa, to iathuh ia ngi mano ba la tied ia me!"⁶⁵Bad ki la kren ia kiba bun jait ki kyntien ibeiñ ia u.

U Jisu Hakhmat Ki Nongialam Jiw

(Mt. 26:59-66; Mk. 14:55-64; Jo. 18:19-24)

⁶⁶Ha ka step kaba bud, ki basan, ki lyngdoh kiba kham hakhmat bad ki nonghikai ka hukum ki la iawan lang khruai. Ki la ialam ia U Jisu sha ka dorbar ba hakhlieh jong ki.
⁶⁷Ki la ia ong, "To iathuh ia ngi la me long shisha ne em U Mesaiah."

U Jisu u la ong ia ki, "Lada nga iathuh ia phi ba nga long U Mesaiah, phin ym ngeit satia ia nga."⁶⁸Bad lada nga kylli ia phi ruh, phin ym jubab ia nga. ⁶⁹Hynrei naduh mynta, U Khun u Briew un shong ha ka kti kamon U Blei badonbor baroh."

⁷⁰Ki baroh ki la ia ong, "Haba kumta me dei U Khun U Blei?" U Jisu u la ong ia ki, "Phi la kren ia kaba dei."

⁷¹Ki la ong, "balei ngin dang donkam ia ki sakhi mynta? Ngi baroh ngi la iohsngew ia kaei kaba u la kren!"

U Pilat U Tohkit ia U Jisu

(Mt. 27:1-2, 11-14; Mk. 15:1-5; Jo. 18:28-38)

23¹Hadien kata baroh kawei ka kynhun ki la ieng joit bad ialam ia U Jisu sha u Pilat. ²Ki la sdang ban mudui hakhmat jong u da kaba ong, "Ngi la ioh kem ia une u briew uba la pyrshang ban pynkylla ia ka rukom pyrkhait ki briew. U ong ba ngim dei ban siew Khajna sha u Kaisar. U khot ialade U Mesaiah, U Syiem."

³U Pilat u la kylli ia U Jisu, "Me long u syiem jong ki Jiw?"

U Jisu u la jubab, "Hooiid, kaei kaba me la kren ka long kaba shisha."

⁴U Pilat u la ong ia ki lyngdoh kiba kham hakhmat bad ia uta u paitlang, "Ngam shem kaei kaei kaba bakla bad une u briew."

⁵Hynrei ki la iai ban ia ka ban ong, "Ki jinghikai jong u ki wanrah jingeh ia ka Judia baroh kawei. U la sdang na Galilaia bad mynta u la poi haduh hangne!"

La Phah ia U Jisu Sha U Herod

⁶Haba u Pilat u la iohsngew ia kane u la kylli la U Jisu u dei ne em u nong Galilaia.

⁷U la sngewthuh ba U Jisu u don hapoh ka jingsynshar u Herod, kumta u Pilat u la phah ia U Jisu sha u Herod uba ha kata ka por u don ha Jerusalem.

⁸Haba u Herod u la iohi ia U Jisu, u la sngewkmen shikatdei eh. U la iohsngew shibun kiei kiei shaphang jong u bad u la

kwah ban iakynduh ia u. Naba u la kwah ban iohi ia ki kambah, kumta u la kyrmen ba U Jisu un leh ia kano kano ka kambah. ⁹U la kylli ruh ia u shibun ki jingkylli, hynrei U Jisu um shym la jubab ei ei ia u. ¹⁰Ki lyngdoh kiba kham hakhmat lem bad ki nonghikai ka hukum ki la ieng hangta ki da pyrta pyrshah ia U Jisu. ¹¹Te u Herod lem bad ki shipai jong u ki la ia rkheie bein ia u. Ki la leh biria ia u da kaba pynkup ha u ia ka jaiñ syiem. Hadien kata u Herod u sa phah pat ia u sha u Pilat. ¹²Ha ki por kiba la leit u Pilat bad u Herod ki la ju long ki nongshun uwei ia uwei. Hynrei ha kata ka sngi ki la kylla long ki paralok.

U Pilat U Pyrshang Ban Pyllait ia U Jisu

(Mt. 27:15-26; Mk. 15:6-15; Jo. 18:39-19:16)

¹³U Pilat u la khot lang ia u paidbah ryngkat bad ki lyngdoh kiba kham hakhmat bad ki nongialam jong ki Jiw. ¹⁴U la ong ia ki, "Phi la wallam ia une u briew sha nga. Phi ia ong ba u pyrshang ban pynkylla ia ki rukom pyrkhait jong ki briew. Hynrei nga la tohkit ia u hakhmat jong phi baroh bad ngam shym la shem ia u uba rem na kita baroh kiba phi la ia mudui pyrshah ia u. ¹⁵U Herod ruh um shym la shem ia u uba rem. U la phah pat ia u sha nga. Hakhmih, um shym la leh kano kano kaba sniew kat haduh ba u dei ban iap. ¹⁶Kumta, hadien ba nga la sympat, ngan sa pyllait noh ia u" ¹⁷Man la ka snem ha ka jingkhawai Niam Ka Jinglait, u Pilat u ju pyllait ia uwei u nongsah byndi sha ki paidbah.

¹⁸Hynrei ki baroh ki la ia pyrta, "Pyniap noh ia u! Pyllait ia u Barabbas!" ¹⁹U Barabbas u dei u briew ia uba la buh ha iingbyndi namar ba u la sdang ia ka jingpynkulmar ha ka nongbah bad ruh namar ki kam sniew jong u.

²⁰U Pilat te u la kwah eh ban pyllait ia U Jisu. Kumta sa shisien u la ong ia ki ba un pyllait noh ia U Jisu. ²¹Hynrei ki la pyrta pat, "Pyniap ia u! pyniap ia u da kaba sahnrapna!"

²²Ka sien kaba lai u Pilat u la ong ia uta u paidbah, "Naba balei? Kaei ka jingbakla ba u la leh? Um shym long uba rem. Ngam shym la shem kano kano ka daw ba u dei ban iap. Kumta ngan pyllait noh ia u hadien ba nga la sympat ia u."

²³Hynrei uta u paidbah u la iai bteng ban pyrta. Ka jingpyrta jong ki ka la nang jam nang jam kat haduh ba ²⁴u Pilat u la rai ban ai ha ki ia kaei kaba ki ia kwah. ²⁵Ki la kwah ban pyllait ia u Barabbas, uta

keiñ uba don ha iingbyndi namar ki kam pynkulmar shnong bad kiwei pat ki kam sniew jong u. Kumta u Pilat u la pyllait ia u Barabbas bad u la aiti noh ia U Jisu ia ka ban pyniap. Kane ka dei kaei kaba uta u paidbah u la kwah.

La Sahnarphna İa U Jisu

(Mt. 27:32-44; Mk. 15:21-32; İo. 19:17-19)

²⁶Katba ki shipai ki dang İalam noh ia U Jisu, la don uwei u briew ha kata ka por uba na Kyrini uba kyrteng u Simon. Une u la wan shapoh ka nongbah na la ka bri. Ki shipai ki la pynbor ia u ban bah ia ka diengphna U Jisu bad ban bud nadien jong u.

²⁷U paidbah ba bun u la bud nadien U Jisu. Don te napdeng ki kynthei kiba la ia İam naba ki la sngewsynei eh ia u. ²⁸Hynrei U Jisu u la phai bad ong ia kita ki kynthei, “Ko ki kynthei ka Jerusalem, wat İam na ka bynta jong nga. İam na ka bynta İalade bad na ka bynta ki khun jong phi ruh. ²⁹Ka por kan poi ha kaba ki briew kin ia ong, ‘Ki kynthei kiba lyngki ki long kiba la kyrkhu da U Blei. Ka da long shisha ka jingkyrkhu ba kim don khun ban sumar ia ki.’ ³⁰Te ki briew kin ong ha ki lumbah, ‘To hap halor jong ngi!’ bad ha ki lum rit, ‘To tap ia ngi!’ ³¹Lada kane ka lah ban jia İa uba bha, kaei ka ban jia ia kita kiba bymman?”

³²La don ruh ar ngut ki nongkam sniew ba la İalam lang bad U Jisu ia ka ban shah pyniap. ³³La İalam ia ki sha kata ka jaka ba la khot “Ka Maloi Khlieh.” Hangta kita ki shipai ki la sahnarphna ia U Jisu. Ki la sahnarphna ruh ia kita ki nongkam sniew ha ki ar tylli ki diengphna ha syndah U Jisu, uwei sha kamon bad ia uwei sha ka diang. ³⁴U Jisu u la ong, “Ko Pa, to mab ia ki naba kim tip ia kaei kaba ki leh.”

Kita ki shipai ki la ia khalai ban İasam ia ka jainkup U Jisu hapdeng para ma ki. ³⁵Uta u paidbah u da İeng hangta ban khmih ia kata kaba la jia baroh. Ki nongİalam jiw ki la ia rkhiie bein ia U Jisu. Ki la ong, “Lada u dei uta uba la jied kyrpang jong U Blei, U Mesaiah, ai un pynim İalade. Hato um shym la pynim ia kiwei?”

³⁶Wat ki shipai ruh ki la ia rkhiie bein ia U Jisu bad ki la leh biria ruh ia u. Ki la wan bad ki la tyrwa ha u ia ka wain kaba jew. ³⁷Ki la ong, “lada me long u syiem jong ki jiw, to pynim İalade!” ³⁸Ha khlieh jong ka diengphna la thoh ia kine ki kyntien: “UNE U DEI U SYIEM JONG KI JIW.”

³⁹Uwei na kita ki nongkam sniew ba la sdien hangta u la sdang ban kren bein ia U

Jisu: “Hato mem dei U Mesaiah? To pynim İalade bad ia ngi ruh!”

⁴⁰Hynrei uta uwei pat u nongkam sniew u la sneng ia u. U da ong, “Me la dei ban shepting ia U Blei. Baroh na ngi ngin sa İap shen. ⁴¹Me bad nga ngi long kiba rem. Ngi don hok ban İap namar ngi la leh bymdei. Hynrei une u briew um shym la leh kano kano ka bymdei.” ⁴²Hadien kata u la ong, “Ko Jisu, to kynmaw ia nga haba men sdang ban synshar kum u syiem!”

⁴³Te U Jisu u la ong ia u, “Nga kular ia me, ba ha kane ka sngi men long lem bad nga ha ka paradais.”

U Jisu U Dkut Mynsiem

(Mt. 27:45-56; Mk. 15:33-41; İo. 19:28-30)

⁴⁴Ka la dei ha ka por shiteng sngi, hynrei ka jingdum ka la tap ia ka ri baroh kawei jin haduh kaba lai baje janmiet, ⁴⁵namar ba ka sngi ka la sangeh ban ai ia la ka jingshai. Ka pyrda ruh ha ka Templ ka la kad ar liang. ⁴⁶U Jisu te u la pyrta jam, “Ko Pa, nga aiti noh ia ka mynsiem ha ki kti jong me!” Hadien ba u la lah ong ia kane, u la dkut mynsiem.

⁴⁷U rangbah shipai hangta u la İohi ia kaei kaba la jia. U la İaroh ia U Blei, u da ong, “nga tip ba une u briew u long uba hok!”

⁴⁸Kiba bun ki briew kiba la wan mih noh na ka nongbah ki la İohi ia kane baroh. Haba ki la İohi ia ka, ki la sngewsih shikatdei eh bad ki la leit noh. ⁴⁹Ki paralok bajan jong U Jisu ki la don lang hangta. Kumjuh ruh khyndiat ki kynthei kiba la ju bud ia U Jisu na Galilaila. Ki baroh ki la İeng kham jngai na ka diengphna bad khmih ia kine ki jingjia baroh.

La Tep İa U Jisu

(Mt. 27:57-61; Mk. 15:42-47; İo. 19:38-42)

⁵⁰⁻⁵¹Uwei u briew uba kyrteng u Joseph u la don lang hangta uba na ka shnong ki jiw na Arimathaia. U la long u briew uba bha bad bahok, u la im ka jingim kaba riewblei. U da İai ap ia ka hima U Blei ba kan wan. U la long ruh u dkhot jong ka dorbar bah ki jiw. Hynrei um shym la mynjur haba kita kiwei pat ki nongİalam jiw ki la rai ban pyniap ia U Jisu. ⁵²U la leit sha u Pilat bad u la pan ia ka met U Jisu. ⁵³U la pynhiar ia kata ka met na ka diengphna bad u la sop ia ka da ka jain linen bani. Hadien kata u la buh ia ka ha kata ka jingtep ba la tih ha synrang u mawsiang. Kane ka jingtep ka dei ka bym pat shym la pyndonkam. ⁵⁴Ka la dier bha ha kata ka sngi ka

Jingpynkhreh. Haba ka sngi kan sa sep, te ka sngi Sabbaton kan sa sdang.

⁵⁵Kita ki kynthei kiba la wan na Galilaia lem bad U Jisu ki la bud ia u Joseph. Ki la iohi ia ka jingtep. Hangta hapoh ki la iohi ruh kumno ba la buh ia ka met U Jisu. ⁵⁶Hadien kata ki la mih noh ban pynkhreh ia ka jingsleh ba iwibh ban kyllan ia ka met U Jisu.

Ha ka sngi Sabbaton ki la ia shongthait, kumba la hukum ha ka Aiñ u Moses.

Ka Khubor Jong Ka Jingmihpat U Jisu

(Mt. 28:1-10; Mk. 16:1-8; Io. 20:1-10)

24¹Dangstep eh ha ka sngi nyingkong jong ka taiew, kita ki kynthei ki la wan sha ka jingtep ha kaba la buh ia ka met U Jisu. Ki la wallam lem bad ki ia ki jingsleh ba iwibh ia kaba ki la lah pynkhreh. ²Ki la iohi ia uta u mawkhong jong ka jingtep uba la lah pyntyllun noh. ³Ki la rung shapoh, hynrei kim shym la shem ia ka met U Trai Jisu. ⁴Kim lah shemphang shuh ia kane. Katba ki dang puson lyngngoh, ar ngut ki brieve kiba ha ki jaiñkup batyngshaiñ, ki la ieng hajan jong ki. ⁵Kita ki kynthei ki la ia sheptieng shikatdei eh. Ki la ia dem ia la ki khmat sha ka khyndew. Kita ki rangbah ki la ong, “Balei ba phi iawad ia uba im hangne? Kane ka dei ka jaka jong ki brieve kiba la iap. ⁶U Jisu um don hangne. U la mihpat na ka jingiap. Hato phim kynmaw ia kaei kaba u la ong ha Galilaia? ⁷U la ong ba ka dei ia U Khun u Brieve ban aiti sha ka bor ki brieve kiba pop, yn pyniap ia u ha ka diengphna bad un sa mihpat ha ka sngi kaba lai.” ⁸Te kita ki kynthei ki la kynmaw ia kaei kaba U Jisu u la lah ong.

⁹Ki te ki la leit phai noh na ka jingtep bad leit ban iathuh sha ki khatwei ngut ki apostol bad kiwei pat ki synran ia kata kaba la jia ha lum jingtep. ¹⁰Kita ki kynthei ki dei ka Mari nong Magdala, ka Ioanna, ka Mari ka kmie u Jakob bad katto katne kiwei pat ki kynthei. Ki la iathuh ha ki baroh ia kata kaba la jia. ¹¹Hynrei ki apostol kim shym la ngeit ia kaei kaba ki la ong. Ka la long ha ki kum ka jingkreñ biria. ¹²Hynrei u Petros u la ieng joit bad u la mareh sha ka jingtep ban leit peit. Haba u la rung shapoh u la iohi tang ia kita ki jaiñ ba la sop ia ka met U Jisu ba ki don hangta. Te u Petros u la leit noh nangta, u da sngewlyngngoh ia kaei kaba la jia.

Ha Ka Lynti Sha Emmaus

(Mk. 16:12-13)

¹³Ha kata kajuh ka sngi ar ngut na ki synran U Jisu ki la leit sha ka shnong ba la

khot ka Emmaus. Ka jngai kumba hynñiew mer na Jerusalem. ¹⁴Ha lynti te ki la iakren shaphang kata baroh kaba la jia. ¹⁵Katba ki dang iakren bad kylli jingmut shaphang kine kiei kiei, U Jisu dalade u la wan hajan bad u la ia ia id lang bad ki. ¹⁶Hynrei kine ki ar ngut ki rangbah kim shym la lah ban ithuh ia U Jisu namar la buhriehnoh ia kata na ki khmat jong ki. ¹⁷U la kylli ia ki, “Kaei kane kaba nga la iohsngew ba phi iakren katba phi dang ia iaid?”

Kita ki ar ngut ki rangbah ki la sangeh, ki khmat jong ki ruh kiba da i sngewsih. ¹⁸Uta uwei uba kyrteng u Kleopas u la ong, “Imat dei tang ma me u bym shym la tip ia kaei kaba la jia ha kine ki sngi ha Jerusalem.”

¹⁹U Jisu u la kylli, “Shaphang kaei ba phi iakren?” Ki la ong, “Shaphang U Jisu, uba na Nasaret uba long u nongiathuhlypa uba khraw eh hakhmat U Blei bad sha ki brieve baroh. U la kren bad leh shibun kiei kiei kiba donbor. ²⁰Hynrei ki nongialam jong ngi bad ki lyngdoh kiba kham hakhmat ki la aiti ia u ban bishar pynrem bad ban pyniap na kaba sahnarphna. ²¹Ngi la ia kyrmen ba un long ma u, u ban pyllaitluid ia ki Israel. Hynrei ka jia pynban da kumne. “Bad mynta lei lei: Ka la long lai sngi naduh ba ki la pyniap ia u, ²²hynrei mynta ka sngi katto katne na ki kynthei jong ngi ki la iathuh ia kaei kaei kaba phylla. Myne dang step phyrngap ki la leit sha ka jingtep ba la buh ia ka met U Jisu. ²³Hynrei kim shym la shem ia ka met jong u hangta. Ki la wan bad ki la iathuh ha ngi ba ki la iohi ia ki angel, kiba iathuh ha ki ba U Jisu u la mihpat! ²⁴Kumta katto katne na ka kynhun jong ngi ki la leit rung sha ka jingtep, hynrei kim shym la iohi ia U Jisu. Ka la long thik kumba kita ki kynthei ki la iathuh.”

²⁵Hadien kata U Jisu u la ong ia kita ki ar ngut ki rangbah, “Phi long kiba bieit bad kiba suki ban shemphang ia ka jingshisha. Phi la dei ban ngeit ia kata baroh kaba ki nongiathuhlypa ki la ong. ²⁶Ba U Mesaiah u dei ban shah ia kine kiei kiei ha shuwa ba un rung sha ka burom jong u.” ²⁷Te u la sdang ban batai ia kata baroh ba la thoh shaphang jong u ha ka Jingthoh Bakhuid. U la sdang naduh ki kitab u Moses bad hadien kata u la iakren bad ki shaphang kaei kaba ki nongiathuhlypa ki la ong shaphang jong u.

²⁸Haba ki la poi hajan ka shnong Emmaus, U Jisu u la leh la kumba un dang bteng ia la ka jingleit. ²⁹Hynrei ki te ki la ia

kwah ia u ba un sah noh bad ki. Kumta ki la kyrpad jur ia u, “To sah bad ngi namar ba ka sngi ka la sep bad shen kan sa dum.” Kumta u la rung shapoh ban sah bad ki.

³⁰Haba u la ia shong bam bad ki, U Jisu u la shim ia u kpu bad u la ainguh. Hadian kata u la kdiah bad u la ai sha ki. ³¹Hangta hi la plie ia ki khmat jong ki bad ki la ithuh ia u. Hynrei haba ki la iohi ia u uei u long, u la jah noh. ³²Ki la iakren para ma ki, “Mynba u la kren sha ngi ha kata ka lynti, ka long kumba ka ding ka ing hapoh ha ngi. Katno ka long kaba sngewbang mynba haba u batai ha ngi ia ka jingmut bashisha jong ka Jingthoh Bakhuid!”

³³Kumta kita ki ar ngut ki rangbah ki la ieng joit bad ki la leit phai pat sha Jerusalem. Hangta ki la iashem ia ki synran U Jisu ba ki iakynduh lang. Ki khatwei ngut ki apostol lem bad kita ki brieve kiba la iadon lem bad ki ³⁴ki la ong, “U Trai, da shisha u la miempat na ka jingiap! U la paw ha u Simon.”

³⁵Hadian kata kita ki ar ngut ki rangbah ki la iathuh ia kaei kaba la jia ha ka lynti. Ki la iakren shaphang kumno ba ki la ithuh ia U Jisu mynba haba u la iasam ia u kpu bad ki.

U Jisu U Pynpaw Ialade Ha Ki Synran Jong U

(Mt. 28:16–20; Mk. 16:14–18;
Jo. 20:19–23; Ki Kam 1:6–8)

³⁶Katba kine ki ar ngut ki dang iathuh ia kine kiei kiei ha kiwei pat ki synran, U Jisu u la wan bad u la ieng hapdeng jong ki. U da ong, “Ka Jingsuk kan long lem bad phi.”

³⁷Kane ka la pynkyndit ia ki synran. Ki la ia sheptieng. Ki pyrkhata ba ki la iohi ia ka rngai. ³⁸Hynrei U Jisu u la kylli, “Balei ba phi ia khuslai jingmut? Balei ruh ba phi ia artatien ia kaei kaba phi la iohi? ³⁹Khmih ia ki kti bad ki kjat jong nga, dei ma nga da shisha. Ktah ia nga. Phi lah ban iohi ba nga don ia ka met; ka rngai kam don ia ka met kum kane.”

⁴⁰Hadian ba U Jisu u la kren ia kane, u la pyni ha ki ia ki kti bad ki kjat jong u. ⁴¹Ki synran te ki la sngewlyngngoh bad ki la sngewkmen shikatdei eh ban iohi ba U Jisu u la miempat. Hynrei kim pat sngew lah ngeit ia kaei kaba ki la iohi. U la ong ia ki, ‘Phi don jingbam hangne?’ ⁴²Ki la ai ha u shi lyngkhot ka dohkha ba la syang. ⁴³Katba kita ki synran ki dang khmih, u la shim ia kata ka dohkha bad u la bam ia ka.

⁴⁴U Jisu u la ong ia ki, “Phi kynmaw mynba nga la don lem bad phi mynshuwa? Nga la ong ba ka dei ba yn pyndep ia kata baroh ba la thoh shaphang jong nga ha ka Hukum u Moses, ki nongiathuhlypa bad ki Salm.”

⁴⁵Hadian kata U Jisu u la plie ia ka jingmut jong ki synran ban sngewthuh ia kine ki Jingthoh shaphang jong u. ⁴⁶U Jisu u la ong ia ki, “La thoh ba ia U Mesaiah yn sa pyniap bad ba un sa miempat ha ka sngi kaba lai. ^{47–48}Phi la iohi ia kine kiei kiei ba ki jia bad phi long ki sakhi. Phi dei ban leit bad ban ialap ha ki brieve ba ka dei ia ki ban kylla kaba mut bad ban phai sha U Blei, khnang ba kin ioh ia ka jingmab ia ki pop jong ki. Da kaba sdang na Jerusalem, to ialap ia kane ka khubor ha ka kyrteng jong nga sha ki jaitbynriew baroh jong ka pyrthei. ⁴⁹Kynmaw ba ngan sa phah ia uta uwei ia uba U Kpa u la kular. To iai ap ha ka nongbah Jerusalem tad haduh ba un pynkup ia phi da ka bor ba na neng.”

U Jisu U Leit Phai Pat Sha Bneng

(Mk. 16:19–20; Ki Kam 1:9–11)

⁵⁰Te U Jisu u la ialam ia la ki synran shabar ka nongbah Jerusalem shajan ka Bethania bad u la kner ia la ki kti ban kyrkhu ia ki. ⁵¹Katba u dang kyrkhu ia ki, la pyniakhlad ia u na ki bad la rong noh ia u sha bneng. ⁵²Ki te ki la mane dem ia u bad hadien kata ki la leit phai pat sha Jerusalem kiba kmen. ⁵³Ki la iai kynduh ha ka Templ khlem da pud, ki da iarah ruh ia U Blei.